


रसवाहिनी

मिक्षु अनिरुद्ध

लुम्बिनी, नेपाल



भाग २

श्री
नमोरत्नत्रयाय

रसवाहिनी

(नेपाल भाषा अनुवाद)

भाग २

अनुवादक
भिक्षु अनिरुद्ध



भिक्षु अनिरुद्ध
लुम्बिनी

प्रकाशक:-

भिक्षु अनिरुद्ध
राजकीय बुद्ध मन्दिर
हु० लुम्बिनी
नेपाल ।

श्री बुद्ध सम्बत् २५२४

श्री ने. सं. ११००

श्री बि. सं. २०३७

श्री ई. सं. १९८०

प्रथम संस्करण १०००

मूल्य- ७/-

थाकु:-

नेपाल सहकारी प्रेस लि०
अंबहाल, काठमाडौं,
नेपाल ।

प्रकाशकीय धन्यवाद

ध्व "रसवाहिनी" पुस्तकयागु प्रथम भाग लुम्बिनी वर्ष मानेयागु ई. सं. १९७९ साले प्रकाशित जगु खः । ध्व सफूया नां यात ल्वेक रस-सवा दु मदु प्रथम भाग २०पु बाखं बोना दीपि पाठकपित अनुभव जुल हे ज्वी । ध्व पुस्तकया द्वितीय भाग प्रकाशित मजुनिगु २०पु बाखं प्रकाशक जुया दीपि महानुभावपि सु न्हाचिला मदीगुलि याना अनुवादक हे प्रकाशक जुया प्रकाशित याना च्वन ।

प्रूफ स्वयेगु ज्यास आयुष्मान् भिक्षु महानामजुं गाक्कं हे ग्वाहालि याना बिज्यागुलि वसपोलयात धन्यवाद मब्युसैं च्वने फेमखु । जोरगणेशय् नेपाल सहकारी प्रेसय् थ्यंक वना थाकु मचासे प्रूफ कावनेगु व ब्यू वनेगु याना सहयोग याना ब्युपि विद्यार्थी सूर्य बहादुर शाक्य व श्री खड्ग बहादुर उपासकयागु परिश्रम नं जन्मकाळिं लोमंके फेमखु । नेपाल सहकारी प्रेसं नं धार्मिक पुस्तक जूगुलि याना सफू थाःगुया ज्याला फक्को पाःयाना छापे याना बिज्यायगु भाला कया बिज्यागुलि वसपोल प्रेस खलः सकलसित नं हाद्रिक धन्यवाद बिया च्वनागु दु ।

— अनुवादक

विषय सूची

विषय	पौ ल्या
१. लाखे छलेयाःहसिया बाखं	१
२. मिथ्यादृष्टिया बाखं	५
३. पिढाया बाख	१२
४. उत्तर श्रामणेऱया बाखं	२२
५. कावीरपट्टनया बाखं	३८
६. खुँ स्याइहसिया बाखं	४६
७. श्रद्धा उपासकया बाख	५३
८. गरोव-दुःखीया बाख	६३
९. देवपुत्रया बाख	७१
१०. सोवलि स्थविरया बाखं	८१
११. महासेन जुजुया बाखं	९८
१२. सुवर्णतिलकया बाख	१०३
१३. कृपण-दरिद्रया बाखं	११७
१४. इन्द्रगुप्त स्थविरयागु बाखं	१२५
१५. शाकमाला पूजायाहसिगु बाखं	१३८
१६. मोरिय ब्राह्मणया बाखं	१४६
१७. काय्यागु बाखं	१५४
१८. स्वह्य फुकी कस्तिवञ्जा तय्गु बाखं	१५९
१९. बोधिराज धीताया बाखं	१९१
२०. कुण्डलियागु बाखं	१९९

नमोत्तस भगवतो अरहतो सम्मा सम्बुद्धस्स

लाखे ब्रह्मेयाःहसिया बाखनस

ध्व छसिनिसैया आनुपूर्वा कथा

भगवान तथागत परि निर्वाण जुया विज्याय् घुंकुस्येलि कोशल जुजुया जनपदस जुलसां तुण्ड ग्राम घंगु गां छगू दया च्वन । अन बुद्धदास नां जुया च्वंहा मनू छहा “जन्मभर तक जि बुद्धया शरणे वने जिगु शरण बुद्ध हे जुल जितः तरेयाइहा नं बुद्ध हे जितः रक्षा याइहा नं बुद्ध हे” धका थुगु प्रकार जन्मकाछि बुद्धया शरणे वंहा जुया बास याना च्वन । उगु समयस जनपदे च्वंहा मनू छहा अन उगुथासे चा चा ह्यु ह्यु व तुण्ड ग्रामस थ्यंका वयाहे छे वया बास याना च्वन । व जनपद याहा मनूया जुलसां शरीरस छहा यक्ष दुबिना सास्ति याना च्वन । उगु समयस व मनू उगु गामे दुहाँ वं बले यक्ष बुद्धदास उपासकया गुण यागु तेजं याना वया छे दुहाँ वने मफया वैत तोता गांया पिने न्हेन्हु तक्क व लिहाँ वै धका स्वया पिया च्वं च्वन । अनलि व जनपद याहा मनू न्हेन्हु तक्क अन च्वना न्हेन्हु दुखुन्हु षःगु देशे लिहाँ वनेगु इच्छा याना गामं पिहाँ वल । अले वं वके थोन्हु मछि छ गन वना च्वना धका न्यन । यक्षं भो,

(१)

जि छंगुया लागि थन चवना पिया चवनागु थनि न्हेन्हु दत धका धाल । अतलि वं 'छं जिनापछु ज्यादु जि छंत छु बीमाल" धका न्यन अले यक्ष भो, जि नये पित्याना चवन जित जा माला चवन । धका धाय्व वं थथे जूसा छाय् जित छेंया दुने हे च्वं चवनाहा सित मज्वनागु (दुमबिनागु ?) धका धाल । यक्ष भो, व छें बुद्धया शरणे वंहा उपासक छहा दु, वया शीलया प्रभावं याना छें दुहाँ वने मफया च्व चवनागु खः धका धाय व जनपदे च्वहा मनून शरण धैगु छु धका मसिया वं छु धया शरण ग्रहण यात धका यक्ष याके न्यन । यक्ष 'बुद्ध' शरणं गच्छामि' धका धया शरण ग्रहण यात धका धाल । व खँ न्यना जनपद वासि आ थ्वयात छले याय् माल धका चिन्तना याना अथे जूसा यक्ष हे जिनं बुद्धया शरणे वने धका धया 'बुद्ध' शरणं गच्छामि' धका धाल । थुलि धाय् मात्रं हे यक्ष तःसतं हाला ग्याना चा चाहिला त्यांगरा त्यांगरा पुला विस्युंवन । थुगु प्रकारं सम्यक् सम्बुद्धया शरणं थुगु लोकस भय त्रास मदयेका छ्वेया लागि जूवनी । परलोकस स्वर्ग मोक्ष लाभ ज्वी । उकि धयातलः-

१. बुद्धो'ति वचनं एतं अमनुस्तानं भया वह ।

बुद्ध भक्तिक जस्तून सब्बदा मुदा वहं ॥१॥

बुद्ध धैगु वचनं अमनुष्य तयेत भय उत्पन्न याई बुद्धया उपरे भक्ति भाव दृषि मत्व प्राणि पित न्हावलेसं खुशी-प्रसन्नता उत्पन्न जुया चवनी । १॥

२. सब्धो पद्भनासायं पचचक्खं दिब्ब मोसघं ।

दिब्ब मन्त महातेजं महायन्तं महब्भुतं ॥२॥

सकल उपद्रव नाश याय्या लागि प्रत्यक्ष जुया
च्वंगु दिव्य वासः (समानगु) महान तेज दुगु दिव्य मत्र
(समान जुया च्वन हानं) अत्यन्त आश्चर्य अदभुतगु महान
जन्त्र समान नं जुयाच्वन ॥२॥

३. तस्सा सो बाणो यक्खो दिस्वा तं सरणे ठितं ।

उब्ब ग्गोव मत्तप्पत्तो लोभहट्ठो च छम्मितो ॥३॥

उक्ति व भयानकह्य यक्ष (त्रिरत्न) शरणे च्वं च्वं
ह्य व मनु खना भयं त्रस्त जुया, ग्याना चिमिसं ति
ति स्वागु शरीर दुम्ह जुया भयं थर थर खात ॥३॥

४. ममन्तो घाबि तं दिस्वा तिमिरोव सुरियुग्गते ।

सिग्गलि तूल भट्टं व चण्ड वातेन खण्डितं ॥४॥

व (शरणे वह्य) मनु खना, सुद्धो लुया वयेव
अन्धकार समानं, प्रचण्ड फसं सिमल माया भुवा (प्वीकः
यंकी थें) चाचा हिला व्वां बिस्युवन ॥४॥

५. यं बुक्खं राजचोरादि यक्ख पेतादि सम्भवं ।

निच्छन्तेन मनुस्सेन गन्तब्बं सरणत्तयं ॥५॥

जुजु, खुँत, शत्रुत, यक्ष, प्रेत आदि पाखें जुया
वंगु गुगु दुःख दु (व) दुःख यात इच्छा मयापि मनु
तयेसं स्वंगु शरण वनेमा ॥५॥

(३)

६. यो च बुद्धं च धम्मं च सङ्घं सरणं गतो ।

चत्तारि अरिय सच्चानि सम्मप्यञ्जाय

पस्सतो 'ति ॥६॥

गुह्य मनु बुद्ध, धर्म व संघ रत्न समेतं शरण वनी
(वं) दुःखादी प्यंगु आर्य सत्य सम्यक् प्रज्ञां अथवा मार्ग
ज्ञानं (वांलाक) खंका काई । (वहे उत्तम जूवनी) ॥६॥

अनंलि जनपदे च्वह्य मनु शरण वंने गुली महान्
गुण महान् आनिशंस खना बुद्धया उपरे गौरवतया प्रेम
सहित जन्मकार्छि "बुद्धं शरणं गच्छामि" धका शरण वना
व हे शरण वंगु गुणया प्रतापं जीवनया अन्तस दना दना
वःह्य थं देवलोके वना जन्म कावन ।

७. दिस्वान एवं सरणं गतं तं,

अपेन्ति यक्खा'पि महब्भयेन ।

पालेथ शीलं सरणं च तस्मा,

जहाय दुश्चित्तं सुगतिं भज ह्वो 'ति

॥७॥

यक्षन नापं थुगु प्रकारं शरण वंह्य व पुरुष खना
महान्गु भयं अलग जुया तापाना वन उक्किया निर्मित्त
शील व शरण पालनया पाप तापाका च्व, भिगु-वांलागु
गति भजनया ।

॥७॥

लाखे छलेयागु बाखं

प्रथम - छपु

(४)

मिथ्यादृष्टिया वाखनस

थ्व छत्तिनिसेया आनुपूर्बि कथा

भगवान तथागत महापरिनिर्वाण जुया विज्याय्
धुंका राजगृह नगरे जुनसां छःह्य ब्रह्म भक्तिक मिथ्या
दृष्टिहा (मनू छह्य) वास याना च्वन, अनहे सम्यक् दृष्टिहा
मनू छह्य नं दु इपि निह्येस्यां निह्य कार्यापि दत्त, व
मस्त निह्यं छथासं नाप नापं हितु हितुं तःधिकः जुया
वया च्वन अनंलि लिपायागु समयस व मस्ते पाय् ह्वाना
हितीबले सम्यक् दृष्टिहास्या काय् नं “नमो बुद्धाय” धका
धया पाय् ह्वार्इगुलि याना ह्नि ह्नि त्याका च्वन, मिथ्या
दृष्टिया काय् नं “नमो ब्रह्मणो” धका धया पाय् ह्वार्इबले
बुईगु जुया च्वन । अनंलि मिथ्या दृष्टिया काय् नं ह्निथं
त्याका च्वह्य सम्यक् दृष्टिया कुमार खना पासा छं न्हाबले
सं त्याजक त्याका च्वन । छु धया पाय् ह्वाना धका न्यन ।
वं पासा जि ‘नमो बुद्धाय’ धका धया पाय् ह्वाना धका
कन । वं नं अबलेसं निस्थे ‘नमो बुद्धाय’ धका धया
पाय् ह्वाय्गु ज्या यात । अनंलि इपि निह्यं आपालं याना
हितीबले त्या बू सोमदया वरावर ज्वीगु जुया च्वन । लिपा
यागु समयस मिथ्यादृष्टिया काय्मह बौमह नाप सि मा

वनेया लागी जंगले वना बैल गाडाय् सिं तया ल्याहाँ
 बया च्वं बले नगर ध्वाखा सत्तिक बैल गाडा खोलियाना
 घाय्नके छ्वेत दोहँतयेत पयँना तोता छ्वत । दोहँ त
 घाय् न नं मेपिं दोहँ तय् पुचः नाप नगरया दुने द्वाहाँवन ।
 अनलि वया बोम्ह दोहँ मा वनेत, गाडा बाँलाक स्वया
 च्वं धका काय्ग्ह सित अह्नेयाना नगरे द्वाहाँ वंगु जुया
 च्वन । अनलि सन्ध्या ई ज्वीव मनूतयेस नगरयागु ध्वाका
 तिना बिल । अले कुमार नगरं पिने ।सँ गाडाय् तःले
 गोतुला न्ह्यो वयेका च्वंगु जुया च्वन । अनलि उगु चान्हे
 सम्यक् दृष्टिम्ह व मिथ्या दृष्टिम्ह निम्ह यक्षत नसा मा
 जुजुं गाडाय् तःले घना च्वम्ह कुमारयात खं कल । इपिं
 मध्ये मिथ्या दृष्टिम्हस्यां श्वयात नयेनु धका धाल ।
 अले मेम्हस्यां अथे याय् मते 'नमो बुद्धाय' धका घाय्
 सम्ह ख श्व । श्वयात नहे नयेगु धका मेम्हस्यां स्वँको
 तक्क पंक पकं हे वना व मचाया तुती जोना साल ।
 उगु क्षणस मचां ह्लापा बाह्लि जुया च्वगु अनुसारं 'नमो
 बुद्धाय' धका धाल । व सः ताया यक्ष ग्याना चिमिसँ
 तिं तिं स्वाना वया ह्ला त्वता लिज्यां वना च्वं च्व
 वन । अहो आश्चर्यं बुद्धयागु आनुभाव अदभुत नं खः ।
 थुगु प्रकारं थम्हं विश्वास मयास्य धाय्गु बाह्लि जक जुया
 'नमो बुद्धाय' धका धाम्ह सित नापं भय नाश जुया उपद्रव
 नापं छुं मजुल, थम्हं विश्वास याना जन्मकार्दि बुद्धया
 शरणे वर्पित ला छुं धाय् मागु हे मडु । उकिं धयातलः-

(६)

१. यथापि सिखिनो नावं भुजङ्गानं भयावहं

एवं बुद्धोति वचनं अमनुस्तानं भयावहं ॥१॥

गथे कि म्हेखाया सः सर्प तयेत भय उत्पन्न याई
अथे हेतुं बुद्ध धंगु (ध्व) वचन अमनुष्य (भूत, प्रेत,
पिशाच) तयेत भय उत्पन्न याना वी । ॥१॥

२. यथा मग्गस्स जप्पेन विलयं याति किञ्चित्तं ।

एवं बुद्धोति वचनेन भायन्ति कुणपादका ॥२॥

गथे कि मन्त्र जपेयात धाय्व भयानकगु विष
नापं विनाश जुया वनी अथेहेतुं बुद्ध धंगु वचनं याना
यक्ष-लाखेत ग्याई । ॥२॥

३. अग्निं दिस्वा यथा सित्थं दूरतोव बिलीयति ।

दिस्वानेवं सरणगतं पेतापेन्तेव दूरतो ॥३॥

गथे कि तापाक निस्ये हे मि खना सी नाया वनी
अथेहेतुं प्रेतत (बुद्ध) शरण वम्ह (मनु) खना तपाकं
निस्येहे हटे जुया वनी । ॥३॥

४. पवरं बुद्ध इच्छेतमक्खरद्वयमब्भूतं ।

सब्बोपह्ववनासाय धिरपाकारमुगतं ॥४॥

उत्तमगु अद्भूतगु बुद्ध धंगु ध्व आस्र निगः
सकल उपद्रव नाश माय्या लागी च्चे थाहाँवःगु स्थिरगु
पःखा ममान जुया च्वन । ॥४॥

५. सत्तरतन पासावं तमेव बजिरं गुहं

तमेव नावं दीपं तं तमेव कवचं सुभं ॥५॥

व आखः निगः न्हेगु रत्नयागु प्रासाद-दरवार
समान जुयाच्वन, हिरायागु गुफा समान, वहे आखः निगः
(संसार सागरं उत्तरे याईगु) नांचा समान, व आखः
निगः त्वादेवा-मत समान, वहे आखः निगः भिगु कवच
(नँयागु पोशाक) समान न जुया च्वन ॥५॥

६. तमेव सिरसि भासन्तं किरीटं रत्ननामयं ।

ललाटेतिलकं रम्मं कप्पूरं नयनद्वये ॥६॥

व बुद्ध घंग आखः निगः छ्यने च्वंगु ज्वाला ज्वालां
थीगु रत्नयागु मुकुट समान, कपाले अत्यन्त वांलागु सिद्धः
समान, (हानं) मिखा निगयात (सिच्चुसे च्वंका सुख
वोगु) कपू समान नं जुया च्वन ॥६॥

७. ताडः कण्णयुगले सोण्णमाला गलेसुभा ।

एकावली तारहार भारा जत्तुसु लङ्कता ॥७॥

न्ह्यय्पं निपास (तिया तःगु) कुण्डल तिसा समान,
गःपते क्वखाया तःगु शोभायमान जुया च्वगु लुँ सिखः
समान, किगू प्रकारगु रत्नं अलंकार याना तःगु परि
शुद्धगु आद्वितीयगु मोतिमा समान जुयाच्वन ॥७॥

८. अङ्गदं बाहुमूलस्स करग्गे वलयं तथा

अंगुलीस्वंगुलोया च खग्ग मङ्गलसम्मत्तं ॥८॥

ह्लाया अग्रस न्हाइगु लुँ चुरि समान, अथेहे
तुं ह्लाया सिथे तीगु रत्नयागु चुत्या समान, पचिने

न्ह्याईगु रत्नयागु अंगू समान, (हानं ह्लाते च्वंगु) मंगल
खङ्ग समान नं जुया च्वन ॥८॥

९. सोण्णातयत्तमुष्हीसं सह बाणेन सरासनं ।

तमेव सब्बालङ्कार तमेव दुरिता पहं ॥९॥

(श्रद्धावन्त पिनि छद्यने कुईकीगु) ध्वेत छत्र समान
कपाले चीगु उष्हीस पाता समान, तीर सहितगु तीर
तयेगु त्वाच्चा-थल समान, व आखः निगः हे सकल
(शरीर वांलाइगु) तिसा-आभरण समान खः, वहे निगः
आखःलं (सकल) उपद्रव हटेयाना तापाका छ्वेगु नं
जूवनी । ॥९॥

१०. तस्माहि पण्डितोपोसो लोक लोचन सत्थुनो ।

सरणंतस्स गन्तेव गुणनामं एहिपस्सिकं ॥१०॥

उकिया निर्मित हे ज्ञान-बुद्धि दुपि पण्डित जन
पिसं लोक जन पिनि मिखा समान जुया विज्याकहा
शास्ता यागु “वा थन वया सोवा” धंगु वाक्ययात त्वेक
(बुद्ध धंगु) गुण नां शरण-आधार धका सीका काहे
काई ॥१०॥

११. नमो'ति वचनं पुब्बं बुद्धायेतिगिरं तदा ।

सुपन्तेन कुमारेण मिच्छादिदट्टकसूनुना ॥११॥

१२. सुत्वा बुत्तं पिसाचा'पिमनुरसकुणपे रता ।

नहिसन्ति अहो बुद्धगुणसारमहत्ता'ति ॥१२॥

दना च्चंहा मिथ्यादृष्टिहा कुमारं उगु समयस
उच्चारण यागु नमो धैगु वचन न्होने दुगु बुद्धाय धैगु
वचन अर्थात् 'नमो बुद्धाय' धैगु वचन न्यना सीपि मनु
तयेगु लाशे आसक्त जुया च्चपि पिशाच तय्सं नापं हिंसा
मयात् बुद्ध गुण सम्बन्धी महानता अहो ! आश्चर्यं खः

॥११-१२॥

अले सम्यक्दृष्टिहा लाखे नं मिथ्यादृष्टिहा लाखेयात्
थथे धाल 'भो छं अयोग्यगु ज्यायात् बुद्ध गुणस प्रहार
यात् छंत सजाई वीमा' धका । वं पासा जि अय् जुसा
आ छुयाय् मल धका न्यनेत्र नये पित्याना च्चंहासित
आहार हया ब्यु धका धाल । अले वं ज्यू धका धया
जि मवःतल्ले छ थन हे नि पिया च्चं धका धया विम्बिसार
जुजुया लुंया भुई ताना तःगु स्वादिष्टगु भोजन कया हया
कुमारया बौहासिगु भेष कया वया मचायात् भोजन याका
हानं कुमारं धागु बुद्ध वचन व थमं यानागु ज्या व्याक्कं
भुई ल्युने च्चया थ्व जुललां जुजुं हे जक खनेमा धका
अधिष्ठान याना वन । अनंलि द्यो तुयुया वयेव जुजुया
भोजन याय्गु समयस राजपुरुष तय्सं अन भु मखना
नगरे सकभनं माला स्वया बैल गाडाय् मचा नं देमानं
खना देमानापं वैत ज्वना यंका जुजुयाथाय् वयने यं का
व कारणप्रवृत्ति विन्ति यात् । जुजुं देमाय् आखः खना
वोना स्वया वैगु गुणस प्रसन्न जुया तःधंगु यश सहित
महाजनयागु पदवि (वैत) विया बिज्यात् ।

१३. जिनस्स नामं सुपिनेन पेवं,
 न होत्ति भीतिं लपतेन यस्मा
 तस्मा मुनिब्बं सततं सराथ,
 गुणेषरन्ता सरणं च याथा'ति ॥१३॥

गुक्रिया निर्मित थुगु प्रकारं ह्यगसें नापं शास्ता-
 तथागतयागु नां (ह्युतुं) धागुलिं याना भय-त्राश मजुल
 उक्रिया निर्मित (छिमिसं) मुनिन्द्र तथागत यात न्हावलेसं
 स्मरणया (बुद्ध) गुण स्मरण यायां शरणनं वनेगु रव ॥१३॥

मिथ्यादृष्टिया बाखं

द्वितीय - निपु

Dhamma.Digital

पिढाया बाखनस

अथ छत्तिनिसैया आनुपूर्वी कथा

जम्बू द्वीपस महा वेधि सिमाया जुलसां दक्षिण
पाखे छगू प्रत्यन्त नगर दया चवन । अन श्रद्धां प्रसन्नहा
रत्नत्रयस ममता दुह्य उपासक छहा वास याना चवन ।
उगु समयप छहा क्षोणास्रत्र भिक्षुं तथागतं परिभोग याना
विज्यागु तुतिया त.ले तयेगु पिढा छगू ह्याचा छपाते
तया वंव थाय् पूजा याना छस्ये निस्ये उगु नगरे थ्यंका
वांलाक चीवरं पुना पात्र ज्वना प्यकु पाकक जक सोया
प्रव्रज्या लीलां मनू तयेत शंतोष यायाँ लँया बिच्चं बिज्याना
चवन । अनंलि व उपासकं अथे विज्याना च्वंहा स्थविर
खना प्रवन्नगु मन याना लिक्कवना भवस्सुना वन्दना
याना पात्र कया भोजन याका ह्लित्थं जिगु छेँ विज्याकेगु
इच्छा दु, जितः अनुकम्पा तया थन हे चवना बिज्याहुँ
स्वामि ! धका प्रार्थना याना नगरया लिक्क रमणीयगु
जंगलचा छगुनो खसि सिये विहार दयेका स्थविर यात
व लहाना बिया प्यंगू प्रत्ययद्वारा उपस्थान याके बिया
माने यायाँ पूजा यायाँ वासयाना चवन । स्थविरं नं अन
छगू योग्यगु थाय् ल्यया तथागतं छेला विज्यागु, पालि

तःले तैगु पिढा धातु निधान याना फि चैत्य दयेका
सदानं सुगंध, धूप, प्रदीप, स्वां पूजा यायां वास याना
त्रिज्याना चवन । उगु समयस व उपासकया छेया
लिक्कस्स चवहा छहा ईश्वर भक्तिहास्यां थः देवता यात
ह्लित्थं नमस्कार याना चवन । व खना वैत उपासकं
बुद्धगुण कना क्षत्र मखु थाय् पासां उद्योग मेहनत याय्
मते आम दृष्टि तोता छ्व धका धाल । अनलि व
कैराटिक (कपटि) ईश्वर भक्तिहा मनूनं छिमि शास्ताया
गुणयागु आनुभात्र गो ? जिमि ईश्वरया गुण हे महान
जू धका धया वयागु अव गुणयात गुण धका धाधां, धालः-

१. तिपुरं सो विनासेसि ललाटनयनगिना ।

असुरे च विनासेसि तिसूलेन महिस्सरो ॥१॥

व महेश्वरया जुलसां कपाले च्वंगुं मिखायागु
अग्नि स्वगूत्रोक (छ्वेका) विनाश याना छ्वेफु, त्रिशूलं
(सुया) असुर-दंत्य तयेत विनाश याना छ्वत ॥१॥

२. जटाकलापमा वत्तं नच्चेति दिनसन्धियं ।

वादेति भेरिबीणादिं गीतञ्चापि सगायति ॥२॥

व ईश्वर जुलसां संकाकाती जटा प्वाय् चाचा
त्वोक प्याखं ह्वी धिमे, बीणा आदि वाजं थाई म्येत्त
हाली ॥२॥

३. भरियायो तस्स तिसो जटायेके समुब्बहे ।

एकमेकेन पस्सेन पस्समानो वरेकिकं ॥३॥

वया स्वह्य जहानपि दु छह्य जटाया दुने तथा
 तल छह्य मुले छखेलिक्य फेतुका तल मेह्य छह्य न्ह्याने
 तथा स्वजक स्वया ज्वी ॥३॥

४. हृत्थिचम्मम्बरधरो तेनेव वारितातपो ।

असादिसेहि पुत्तेहि रूपेन च सुपाकढो ॥४॥

किसिया छेंगूयागु वस्त्र धारण याना च्वन व
 किसिया छेंगूहे निभा पनेत कुसा याना कुया च्वन,
 सुनापं समान मजूपि पुत्रपिसयाना हानं रूप (विचित्रतां)
 यानानं अत्यन्त प्रकट जुया च्वन ॥४॥

५. रतिया च मधुपाने च ध्यावटो सव्वदा च सो ।

मनुस्सट्ठि धरो सिसकपाले नेस भुङ्गति ॥५॥

व ईश्वर रति क्रीडास व मद्यपान यायगुली
 न्ह्यावलेसं लगे जुया च्वनी व ईश्वर जुलसां मनु तयेगु
 क्वेँ यागु मालां कोखाया च्वनी च्च्योँ गो नरमुण्डं तथा
 आहार अनुभव याई ॥५॥

६. न जातो न भयं तस्स मरणं नत्थि सस्सतो ।

ईविसो मे महादेवो नत्थिउजस्सीदि सो

गुणो'ति ॥६॥

(जिमि ईश्वर जुलसां) जन्म जुया दयावःह्य मखु,
 व ईश्वरया भय-ग्या घैगु नं मदु. सी मा घैगु नं मदु.
 (उकिं) शाश्वत जुया च्वन, जिमि महा द्यो थथि ज्याह्य

जुया च्वन, मेपिके अज्यागु गुण सुइके हे दैमखु ॥६॥

व खँ न्यना उपासकं पासा ! छंम्ह ईश्वरया
इपि गुण खःसा अवगुण ढैगु मेगु छुकियात धाई धका
धया भगवान तथागत यागु सकल गुण मुंका धाय्त
थथे धालः--

७. लोके सब्ब सवन्तीन भाधारा सागरो यथा ।

सब्बेसं गुणरासीनं आधारो'व तथागतो ॥७॥

गथे कि थुगु लोके सकल खुसितये सागर-समुद्र
आधार जूवनी अथे हे तुं सकल गुण द्वँ-समूहया नं
तथागत जुलसां आधार जूवनी ॥७॥

८. चरा चरानं सब्बेसं भाधारो'व धरा अयं ।

तथा गुणानं सब्बेसं आधारो'व तथागतो ॥८॥

सकल चराचर सत्व प्राणीपिनि थ्व पृथ्वी (गथे)
आधार जूवनी अथे हे तुं सकल गुणयात तथागत आधार
जुहे वनी ॥८॥

९. एवं सगतो वियत्तो च एवं सो करुणा करो ।

एव मिद्धिविधा तस्स एवमेवं गुणा इति ॥९॥

वसपोल सर्वज्ञ तथागत थुगु प्रकारं शान्तगु गुण
दया विज्याकह्मा खः (थथे) व्यक्त नं जुया विज्यात थुगु
प्रकारं करुणाया खानि जुया विज्यात वसपोलया ऋद्धि
विशेष थथे खः वसपोलया गुण नं थथे हे खः ॥९॥

१०. बुद्धोपि सबकोति न यस्स वण्णे,
 कप्पस्सिप वत्त्वा खरन गमेतु ।
 पगेव न ब्रह्मसुरासुरेहि,
 वत्तुं नहानन्त गुणस्स वण्ण'णि । ॥१०॥

बुद्धं हे नापं गुह्य उत्तमम्ह बुद्ध छम्हसिगु गुण
 छगू कल्यतक्क कना च्व सां फुके फँ मखु (वसपोल बुद्ध
 यागु गुण) ब्रम्हा, देव, दैत्य पिसं गुण कना च्वना पार
 लगे ज्वीमखु धकाला धया च्वने हे मागु मद्दु । अनन्त
 गुण दया विज्याकम्ह बुद्धया गुण वर्णना याना च्वनेगुला
 फँहे मखु ॥१०॥

थुगु प्रकारं जुलसां इपि निम्हं जिमि द्यो उत्तम
 जिमि द्यो उत्तम धका त्वापु वढे याना जुजु याथाय्
 वन । जुजुं इमिगु खँ न्यना अथे जूसा छिमि देवता
 पिनिगु (गुम्ह) तःधं धँगु भाव ऋद्धिप्रतिहार्यं स्वया
 सोका काय् (धया विज्यात) । जिमित छिमिसं ऋद्धि
 प्रातिहाय क्य धका धया नगरे नाय् खि च्चे के बिल ।
 "थनि जुलसां न्हेनु या भितरे थुपि निम्ह शास्ता पिनिगु
 प्रातिहार्यं क्यनीगु जुल सकल जनतापिं छथाय् मुंवा"
 धका । व खँ न्यना अनेक दिशा पाखे च्वंपि आपाल मनूत
 मँवल । अनंलि मिथ्यादृष्टित्यसं थौं जिमि देवताया
 आनुभाव-प्रताप स्वय् धका महानगु पूजा यासानं अन छुं
 सार खने मंत, सम्यक्दृष्टिपि नं थौं जिमि भगवान्

तथागतया आनुभाव-प्रताप स्वयं धका फियागु चैत्य याथाय
वना सुगन्ध स्वांमा आदि पूजायाना प्रदक्षिणा याना ह्ला
विन्तियाना दना च्वन । अनंलि जुजुनं थः सेना पलटन
तयसं चाहुयेका छखेलिक्क च्वना स्वया च्वना विज्यात ।
नाना समय वादितनं थौं इमिगु प्रातिहार्यं स्वहे स्वयगु
धका मञ्च-खाताया द्योने खाता लाया (उकी च्वना)
स्वया च्वन । इमिगु पुचले सम्यक्दृष्टिं मनूत फिया
चैत्यया न्होने च्वना विन्तियाना स्वामि जिमि भगवान
तथागत सकल बुद्धापसं याय् मागु ज्या व्याक्कं सिधेका
अनुपादि शेष निर्वाण धातुं महापरिनिर्वाण जुया विज्यात,
सारीपुत्र महामौद्गल्यायन आदिपिं च्येह्य महाश्रावकपिं नं
परिनिर्वाण जुया विज्याग् धुंकल, थन जिमित मेपिं सुं
शरण काय्पिं दुगु मखु धका धया सत्य कृया यायां
थथे धालः-

११. आपाणकोटिं युद्धस्स शरणं नो गता यदि ।

तेन सच्चेन'यं धातु दस्सेतु पाटिहारियं ॥११॥

यदि जिपिं जन्मकाळिं बुद्धयागु शरण वनागु खः
धैगु जूसा उगु सत्यया प्रभावं थ्वसपोल (पिढा) धातुं
प्रातिहार्यं क्यना विज्याहुँ । ॥११॥

१२. आपाणकोटिं धम्मस्स शरणं नो गता यदि ।

तेन सच्चेन'यं धातु दस्सेतु पाटिहारियं ॥१२॥

यदि जिपिं जन्मकाळिं धर्मयागु शरण वना च्वनागु

खः धैगु जूसा उगु सत्यया प्रभावं थ्वसपोल (पिढा) धातुं
प्रातिहार्यं क्यना विज्याहुँ ॥१२॥

१३. भ्रपाण कोटि संघस्स सरणं नो गता यदि ।

तेन सच्चेन'यं धातु दस्सेतु पाटिहारियं ॥१३॥

यदि जिपिं जन्मकाछिं संघयागु शरणे वना च्वनागु
खः धैगु जूसा उगु सत्ययागु प्रभावं थ्वसपोल (पिढा)
धातुं प्रातिहार्यं क्यना विज्याहुँ ॥ १३॥

१४ रामकाले मुनिग्दस्स पातुका'कासि अब्भुतं ।

तेन सच्चेन'यं धातु दस्सेतु पाटिहारियं ॥१४॥

राम जुया विज्यागु समयस मुनिन्द्र यागु अर्थात्
वोधिसत्त्व यागु खराऊद्वारा आश्चर्यगु ज्या याना क्यन
उगु सत्यया प्रभावं याना थ्वसपोल (पिढा) धातुं प्राति-
हार्यं क्यना विज्याहुँ ॥१४॥

१५ छद्दन्त काले मुनिनो दाठा छरंसिरञ्जिता ।

तेन सच्चेन'यं धातु निच्छारेतु छरंसियो ॥१५॥

(वोधिसत्त्व) छद्दन्त किसिजुया जन्म जुया
विज्यावले मणिया दन्तं खुगू प्रकारया रंग दुगु रश्मि
प्याहाँ बल उगु सत्यया प्रभावं याना थ्व (पिढा) धातुं
नं खुगू रंगया रश्मि प्याहाँ वयेमा ॥१५॥

१६ जातमत्ते ठितो कड्जे निच्छारेसासंभिरं ।

तेन सच्चेन'यं धातु दस्सेतु पाटिहारियं ॥१६॥

जन्म ज्वीमात्रं पले स्वांने दना विज्याह्य ('अगो
हमस्मि लोकस्स') इत्यादि निर्भीक वचन उच्चारण
याना विज्यात उगु सत्यया प्रभाव थ्व (पिढा) धातुं
प्रातिहार्यं शक्ति क्यना विज्याहुं ॥१६॥

१७. निमित्तो चतुरो दिस्वा निक्खन्तो अभिनिक्खमं ।

तेन सच्चेन'यं धातु दस्सेतु पाटिहारियं ॥१७॥

(जरा व्याधि आदि) प्यंगू निमित्त खना अभि
निष्क्रमण अर्थात् गृह त्याग याना विज्यात उगु सत्यया
प्रभावं याना थ्व (पिढा) धातुं प्रातिहार्य (आश्रय अद्भुत
ज्वीक) क्यना विज्याहुं ॥१७॥

१८. मारसेनं पलापेत्वा निसिन्नो बुडिक्क बोधियं ।

तेन सच्चेन'यं धातु दस्सेतु पाटिहारियं ॥१८॥

बोधि वृक्ष सिमा क्वे विज्याना नमूचिमार सेना
तयेत ख्याना छ्वया (चतुरार्य सत्य) अवबोध याना कया
विज्यात उगु सत्यया प्रतापं याना थ्व (पिढा) धातुं
प्रातिहार्यं क्यना विज्याहुं ॥१८॥

१९. धम्म चक्कं पवत्ते सिजिनो'सिपतने तदा ।

तेन सच्चेन'यं धातु दस्सेतु पाटिहारियं ॥१९॥

उगु समयस तथागतं ऋषिपटन मृगदावनस धर्म-
चक्र प्रवर्तन-देशना याना विज्यात, उगु सत्यया प्रतापं
याना थ्व (पिढा) धातुं प्रातिहार्यं क्यना विज्याहुं ॥१९॥

२०. नन्दोपनन्द भोगिन्दं नागं नालागिरिह्वयं ।

आलवकादयो यक्खे ब्रह्मानो च बकादयो ॥२०॥

२१. सच्चकादीनिगण्ठे च कूटदन्तादयोद्विजे ।

वमेसि तेन सच्चेन वस्सेतु पाटिहारियन्ति ॥२१॥

नन्दोप नन्द नागराजयात, नालागिरि किसियात
आलवक आदि लाखे तयत्, वक आदि ब्रह्मा तयेत, सच्चक
आदि निगण्ठ तयेत, कूटदण्ड आदि ब्राह्मण तयेत दमन
याना विज्यात उगु सत्यया प्रभावं याना प्रातिहार्यं (आश्चर्यं)
क्यना विज्याहुँ धका (सत्यकृया यागु जुल) ॥२०-२१॥

थथे जुलसां धया उपासकपिसं जिमित अनुकम्पा-
करूणा-दया तथा आपालं जनता पिनिगु मिथ्यादृष्टि
मदयेका छ्वेया लागी प्रातिहार्यं क्यना विज्याहुँ स्वामि धका
आराधना याना च्वन, अले बुद्धयागु आनुभावं व स्थविर
पिनिगु आनुभावं नं उपासक पिनिगु मत्य क्रिया यागु प्रनापं
नं फियागु चैत्य विच्चे त्यज्याना (तथागतयागु) तुत्ति दिकेगु
पिढा धातु च्वे आकासे थाहाँ वना खगू रंग दुगु रश्मि
प्याहाँ वया ज्वाला ज्वालां धिना च्वं च्वन । अनंलि आपालं
जनतापिसं द्रुलंदो रुमाल आदि कापः आकाशे वांछ्वया
साधुकार विया तःधंगु हर्षनाद यायां तःधंगु पूजा यात ।
मिथ्यादृष्टिक तय्सं नं थुगु आश्चर्य खना विस्मय चागु
मन याना मिथ्यादृष्टि तोता रत्न त्रयस शरण वंगु
जुल ।

२२ फुट्टो'पि पादेन जिनस्त एव,
 कलिङ्गरो'पासि महानुभावो ।
 लोकेकनाथस्त अनासवस्त,
 महानुभावो हि अचिन्तनं यो'ति ॥२२॥

थुगु प्रकारं तथागत यागु श्रीपादं थ्यूगु सियागु
 टुकडा छकूया नापं आनुभाव थज्यागु जुया च्वन व अथे
 हे खः । कामास्रवादि मदयाविज्याकह्य लोकया छह्य हे
 जक नाथ जुया विज्याकह्य तथागतया अत्यन्त महानगु
 आनुभाव विषये (खीसं) चिन्तना याना च्वनां साध्य
 मजू ॥२२॥

पिहाया बालें

तृतीय - स्वपू

Dhamma.Digital

उत्तर श्रामणेरया बाखनस

थ्व छत्तिनिसेया श्रानुपूर्वी कथा

व जुलसां ह्लापा ह्लापा यापि बुद्ध पिनि पालय्
यानातःगु पुण्य द्रुह्य उगु भवस उपनिस्सय सम्पत्ति द्रुह्य
जुया पुण्य सच्चय यायां सुमेध तथागतया समये विद्याधर
जुया हिमाल (प्रदेशस) वास याना च्वन । उगु समयस
सुमेध घैह्य सम्यक् सम्बुद्ध विवेक एकान्तगु थाय् माला
हिमालयस विज्याना रमणीयगु प्रदेशस मुलिव्रति ध्याना
फेतुना विज्यात । उगु समयस विद्याधर आकासं वनाच्चं
बले खुत्ता रंग यागु रश्मि फेले याना विराजमान जुया
विज्याना च्वह्य भगवान शास्ता यात खना नायूगु पलेस्वां
स्वफोलं पूजा यात । स्वां बुद्ध भगवान यागु आनुभावं
याना तथागतया च्चे कुसार्थे वना च्ववन । व उकिं याना
कन हे मन प्रसन्न याना लिपायागु समयस अनं सिना
वन तावत्तिस भूवने जन्म जुया तःधगु दिव्य सम्पत्ति
अनुभव याना आयु दतल्ले अन च्वना अन च्युत जुया
वना देव मनुष्य लोकस चा चा ह्यु ह्यु थुगु बुद्धोत्पादस
राजगृह नगरे ब्राह्मण महाशाल पुत्र जुया जन्म जुल ।
उत्तर धका वैत नां छुना तल । व जुलसां अत्यन्त वांलागु

रूप सम्पन्नह्य जुया ज्ञान दया वसेलि ब्राह्मण विद्यास
 पारंगत जुया जाति, रूपं, विद्यां, शीलवान् ज्वीगुली नापं
 लोक जनपिसं माने याय् माह्य जुल । वैगु व प्रज्ञा
 सम्पत्ति खना वस्सकार (धैह्य) मगध जुजुया महामन्त्रीं
 थः म्हाय् वीगु इच्छा जुया थःगु इच्छा वैत कना विल ।
 वं त्यागिगु स्वभावं याना माने मजू । वारम्वार धर्म
 सेनापति याथाय् वना वसपोल याके धर्म न्यना श्रद्धा उत्पन्न
 जुया प्रव्रजित जुया शील व्रत सम्पन्नह्य जुया स्थविरयात
 उपस्थान सेवा याना च्वन । उगु समयस स्थविरया छगू
 रोग उत्पन्न जुया वगु जुया च्वन । उकियात वासःया
 लागि उत्तर श्रामणेर सुथह्हापां पात्र चीवर कया विहारं
 प्याहां वया लँया विच्चे पुख् सिथे पात्र तथा ववे पुखुली
 लःया सत्तिक वना ख्वा सिला च्वन । उगु समयस छह्य
 अंगः तच्छ्याईह्य खं छह्य खुंयागु ज्या याना सिपाहि
 तय्सं लिक्तु लिका मूलगु ध्वाकां नगरं प्याहां वया विस्युं
 वना च्व च्वं थःह्य खुयाहःगु रत्न वस्तु श्रामणेरया पात्रे
 तथा विस्युं वन । व श्रामणेर नं पात्रया सत्तिक वःगु
 जुया च्वन । खुंयात ल्यूवःपिं सिपाहितय्सं श्रामणेरया पात्रे
 खुया हःगु वस्तु खना थ्व खुं खः, थ्वहे खुया काःगु खः
 धका श्रामणेरयात ल्यूने ह्ला तय्का पाटा कसेयाना वस्स-
 कार ब्राह्मण याथाय् यंका क्यने यंकल । उगु समयस
 जुलसां वस्सकार ब्राह्मण जुजुया निसाफ छिने याय्गु पदवी
 च्वना स्याय्मापिं पालेमापित अनुशासन याना च्वन । थ्वं

ह्लापा नं जिगु खँ मन्यं शुद्ध पाखण्डितयगु धर्मय् प्रव्रजित
ज्वन धका ईख तया व ज्या बांलक सोऊबूक हे मयासे
श्वयात यंका म्वा म्वाकं हे शूले तिया स्यान! छ्व धका
आज्ञा बिल । सिपाहि तय्सं वयात निर्मसियागु शूले तिया
बिल । श्रामणेरं शूलया च्वय् च्वना जि उपाध्याययात
सुनां आः वासः यंका वी धका सारिपुत्र स्थविरयात
लुमंकल । अनंलि स्थविरं व खँ सीःका तथागत सम्यक्
सम्बुद्ध यात विन्ति यात । तथागत नं महाश्रावकपिसं
चाहुयका वया ज्ञान पाके जूगु स्वधा विज्यासे अन उगु
स्थाने हे विज्यात । अनंलि भगवान तथागत (विहार)
पिहाँ विज्यागु समाचार सकल नगरे फिजे जुया कोलाहल
जुया आपालं जन समूह (अन) मुंवल । तदनन्तर भगवान
तथागतया लुसि छकां रूपी माणिक्य रश्मि संयुक्त जुया
च्वंगु ह्यासुगु सुवर्ण वर्ण दुगुलिं याना वावयाच्वगु ह्याऊं
सिह्लया रसधारा थें च्वंगु जालं स्वत्तु स्वया च्वंगु नाईसे
च्वंगु-मृदुगु पचिं दै च्वंगु ह्ला पचिं उत्तर श्रामणेरया छ्यंले
तया उत्तर ! श्व छं ह्लापा याना वःगु पापकर्मया फल उत्पन्न
जूगु खः । अन आ छं प्रत्यवेक्षणया वलं सह याना च्वने फयेकेमा
धका आज्ञा जुया विज्यात । उकिया निर्मित हे धया तलः -

१. अतिते किर एकस्मि गाभे त्वमसि दारको ।

दार के हि समा गम्म कीलन्तो कैलि मण्डले ॥१॥

ह्लापा अतीत समयस जुलसां छ छगु गामे मचा
जुया च्वन । मरते नाप ह्वितीगु मण्डने ह्विता च्वं च्वं ॥१॥

२ गहे स्वा सुखुमं सूकं तदा त्वं निम्ब जल्लिया ।

उत्तासेसि तत्थ सूले जीवमानक मखिकं ॥२॥

उगु समयस छं निम्माया च्वामुगु सिका छपु
कया उगु सूली म्वाह्य भुजि छह्य तिया (स्याना छ्वत) ॥२॥

३ अपरम्पि ते पाप कम्मं पबक्खामि सुणोहि मे ।

भोषदन्ति हितेन त्वं अतीते सक मातरं ॥३॥

छंगु मेगुनं पाप कर्म धाय् त्यना जिगु (खँ) न्याँ
ह्लापा-अतीत समयस हितयाय्या लागी (छंत) अववाद
उपदेश ब्यूह्य थः मांयात ॥३॥

४. जीवसूले निसोदा'ति कोपेनापिसपीतुबं ।

इमेहि द्वीहि पापेहि सरं संसार सागरे ॥४॥

छ म्वा म्वाकं सूले फेत्तु धका तमं शाप बिल थ्व
पाप निगुलि याना संसार सागरे चाचा ह्यु ह्यु ॥४॥

५ पञ्च जातिसते भच्छि जीवसूलह्निम्बजे ।

अयं ते चरिमा जाति एत्था'पि च

विपच्चिसो'ति ॥५॥

न्यासःगू जन्मस निम्माया सियागु शूलस तल,
थ्व जुलसां छंगु अन्तिमगु जन्म जुल थुगु जन्मे नापं व
अकुशल कर्म विपाक विया च्वन ॥५॥

थुगु प्रकारं वयागु विचारयात अनुकूल ज्वीक धर्म
देशना याना विज्यात ।-उत्तर श्रामणेर यात अमृत लखं

अभिशेक याना ब्यूगु समान ज्वीक शास्ता भगवान यागु
 ह्लातं स्पर्श याना विज्यागु आनु भावं साक्षात्कार जूगु
 मनयागु प्रसन्नतां याना तःघंगु प्रीति व प्रमोद भाव लाभ
 जुया सयेका सीका परिचय जुया च्वंगु विदर्शना मार्गस
 बांलाक आरूढ जुया ज्ञानयागु परिपक्वता सम्पूर्ण जूगुलि
 शास्ता यागु देशना लीलानं छसेनिस्स्ये मार्ग यागु अनुसारं
 सकल क्लेश फुका षडभिज्ञ अहंत जुया विज्यात । अन
 वया धर्म श्रवण यावःपि च्ये प्यदोह्य प्राणिपिनि धर्माभि
 समय जुयावन अर्थात् धर्म लाभ जुयावन धका ध्यातल ।
 उत्तर श्रामणेर जुलसां षडभिज्ञ जुया शूलं प्याहाँ वया
 आंकासे च्वना प्रतिहार्यं शाक्त क्यना विज्यात । आपालं
 जन्तापिनि आश्चर्य अद्भुतं विलि विलि जागु मन जुया
 वन । उगु क्षणस वसपोल यागु (शूलं) जूगु घानं (ला
 जाया) त्वपुया लायावन । वैत भिक्षुपिस आवुस अथिज्यागु
 महानगु दुःख - कष्ट अनुभव याना च्वह्य छ गथे याना
 विदर्शना भावनास च्वने फत धका न्यनेव व उत्तर श्रामणेरं
 आवुसपि ! संसार यागु दोष व संस्कार धर्मयागु स्वभाव नं
 जि ह्लापालाकहे बांलाक खंका काय् धुन उकिया निमित्त जि
 अथिज्यागु दुःख अनुभव याना च्वंसानं विदर्शना भावना
 बढेयाना विशेष भवस अर्थात् अरहन्त भावस थ्यंकः वने
 फत धका कंता विज्यात । अनंलि लिपायागु समयस वसपोल
 भिक्षु संघ पिनि दथ्वी थःगु ह्लापायागु चरित्र अपदान (कथा)
 प्रकाश यना विज्यास्य थुपि गाथा आज्ञाजुया विज्यातः-

६ सुमेधो नाम सम्बुद्धो द्रविसत्रर लक्षणो ।

विवेकक्रामो सम्बुद्धो हिमवन्तमुपागमि ॥६॥

उत्तमगु स्वीनिता (महापुरुष) लक्षण दया विज्या-
क्रह्य सुमेध धंहा सम्यक्सम्बुद्ध विवेक-एकान्त (कायिक-
मानसिक) सुख इच्छा याना हिमालय पाखे सवारि जुया
विज्यात ॥६॥

७. अज्जोगहेत्वा हिमवन्तं अगो कारुणिको मुनि ।

पल्लङ्गं आभुजित्वान निसीर्षेद पुरिसुत्तमो ॥७॥

पुरुषोत्तम जुया विज्याकह्य, अग्रह्य, कारुणिकह्य,
(सुमेध धंहा) मुनि हिमालय पाखे विज्याना मुनिवति
ध्याना फेनुता विज्यात ॥७॥

८ विज्जाधरो तदा भासि अन्तलिक्खे च्छो अहं ।

तिसूलं सुकतं गच्छुं गच्छामि अम्भरे सदा ॥८॥

जि उगु समग्र्ये आंकासं ज्जीह्य विजाधर छह्य जुया
च्वना, उगु समग्रस बांलाक दयेका तःगु त्रिशूल ज्वना
आकासं वना च्वना ॥८॥

९ सब्बतगो यथा अग्नि पुग्गसासेव चन्दिमा ।

वनं ओभासते बुद्धो सल्लराजाव फुल्लितो ॥९॥

पर्वतय्य च्चक्राय च्वंगु मि थें, पुन्हो खुन्हुया च्चन्द्रमा
थें, (सिमा छम्मां स्वानं त्व प्वीक) स्वां ह्याया च्वंगु शाल
बुद्ध राज सिमा थें, सर्वज्ञ-तथागत वन-जंगल छगुलि
जाज्वल्य मान जुया थिना च्वन ॥९॥

१०. वनग्गा निक्खमित्तवान बुद्धरंसि विधावरे ।

न लग्गिदण्णसंकासा विस्वा चित्तं

पसादयि ॥१०॥

जङ्गल मिनैवले ह्याउंक छचाखेरं ज्योति प्याहाँ
वईयें बुद्ध रश्मि जङ्गलयो कुंचां प्याहाँ वया (अबले)
फिजे जुया वना च्वंगु खना मन प्रसन्न याना ॥१०॥

११. विचित्तं अहसं पुप्फं कणिकारं देवगन्धिकं ।

तोणिपुप्फानि आदाय बुद्ध सेट्टं अपूजयि ॥११॥

पूजा याय्गु वस्तु छगू माला जुया (जितः) दिव्य
सुगन्ध दुगु कणिकार स्वां स्वफो कया श्रेष्ठह्य तथागत
बुद्धयात पूजा याना ॥११॥

१२ बुद्धस्स आनुभावेन तोणि पुप्फानि मे तदा ।

उद्धवण्टा अधोपत्ता छायां कुब्बन्ति सत्थुनो ॥१२॥

उगु समयस जि पूजा यानागु स्वां स्वफो वना
बुद्धयागु आनुभावं दें च्चे हलं क्वस्सोया शास्तायात (कुसां
कुईका तय्यें) छाया बिया च्वन ॥१२॥

१३. तेन कम्ममेन सुकतेन चेतना पणिधोहि'च ।

जहित्वा मानुसं देहं तावतिसमगच्छहं ॥१३॥

भिगु यानागु उगु कुशल कर्म व चित्तयागु प्रतिज्ञां
याना मनुष्य शरीर तोता जि तावतिस देवलोकस वना
जन्म कावना ॥१३॥

१४. तत्थ मे सुकतं व्यम्हं कणिकारि'ति जायति ।
सट्ठियोजन मुब्बेधं तिसयोजन वित्थतं ॥१४॥

१५. सहस्सखण्डं सत्त भेण्डुं घजालुं हरितामयं ।
सत्तसहस्सानि व्युहानि व्यम्हे पातुरहंसु मे ॥१५॥

अन उगु देवलोकस बांलाक दयेका तःगु स्वीगू
योजन पाय्जागु, स्वीगू योजन ब्यादुगु, द्वलंदो कोठा
दुगु, सलं सःगू भण्डार-धुकू दुगु, आपालं ध्वाय् वीयेका
तःगु लुँदयेका तःगु जिगु विमान कणिकार घैगु नामं
प्रस्थान्त जुया च्वन जिगु विमाने लखं लख सेना व्यूह-
पलटन त उत्पन्न जुया वल ॥१४-१५॥

१६. सोणमया मणिमया लोहितङ्कुमया पि च ।

फलिका पि च पलसङ्का यद्विच्छकयद्विच्छका ॥१६॥

(भिगु-निक्खरगु) लुँ दयेका तःगु, (इन्द्रनील)
माणिक्यं दयेकातःगु, ह्यांगु माणिक्यं दयेकातःगु नं हानं
स्फटिक माणिक्यं दयेकातःगु, यःत थो योगु खाता-मंचत
दया च्वन ॥१६॥

१७. महारहं च सयनं तूलिकं विक्रतियकं ।

उद्दालोमिक एकन्तं बिम्बोहन समायुतं ॥१७॥

तकेयाना तःगु दसना लासा, (सिंह व्याघ्रादि रूपं
विचित्र याना) तुयूगु तँयनं थानातःगु लासा दुगु, (छखे
पाखे जक बुं दुगु, तुयूगु ऊनं थाना तःगु मासुति लासा व

(हानं निखेरं बुँ दुगु तुयूग ऊतं थाना त गु लासा नं दुगु,
अने अनेगु आकार दुगु फुंगं संयुक्त जुया च्वंगु अत्यन्त
अनर्घगु सयन-लासान दया च्वन ॥१७॥

१८. भवना निवृत्तमित्थान चरन्तो देवचारिकं ।

यदा इच्छामि गमनं देवसंघ पुरवृत्ततो ॥१८॥

(व देवपुत्र जुया च्वनाह्य जि) गत्रले (थःच्वं
च्वनागु रम्यगु) विमानं प्याहाँ वया देवता संघ पि न्ह्यो
न्ह्यो तथा (मेगु) देवलोक चाहू वनेगु इच्छा जुया वई
बले (अवले) ॥१८॥

१९. पुष्फस्स हेट्ठा तिट्ठामि उपरिचच्छदनं मम ।

समन्ता योजन सत कणिकारे हि छ्वादितां ॥१९॥

(कणिकार) स्वांयाक्वे च्वं च्वंनाह्य जिगु च्वय्
छ्वाखेरं सच्चिद्गु योजनया भित्रे त्वप्पुया तःगु इलां (कणि-
कार स्वां नं हे) दयेकातःगु जुया च्वन ॥१९॥

२०. सट्ठि तुरियसहस्सानि सायं पातं उपट्ठुं ।

परिवारेणित्तं मं निच्चं रत्तिं न्वव मत्तदिता ॥२०॥

खी दोल म्वालि प्वीपि देवतापिस संका काती व
सुथे उपस्थान-सेवा याका च्वना, चान्हे नं ह्तिने नं (इमिसं ।
आलसि मचासे जित छ्वाखेरं चाहुला (सेवायाना) च्वं
वइगु जुया च्वन ॥२०॥

२१ तत्थ मच्चेहि गोतेहि तालेहिवा वादितेहि च ।

रमामि खिड्डारतिया मोदामि कामकामहं ॥२१॥

अनदेव लोके प्याखं ह्वोगुलि व म्ये हालेगुलि व
ताल वीगुलि व, वाजं थायगुलि भुले जुया च्वना जि
यो.योमु क्रीडा थायगुलि ह्मिता खुशि प्रसन्न जुया च्वना ॥२१॥

२२ तत्थ भुत्वा च पीत्वा च मोदामि तदसे सदा

नारिगणेहि सहितो मोदामि ब्यह्यमुत्तमे ॥२२॥

उगु समयस व तावतिस देव लोकस (देव भोजन)
नया. (दिव्य पान) त्वना संतोष जुया च्वना, व उत्तमगु
विमानस दिव्य अप्सरापि समूह तय नाप खुशि प्रसन्न
जुया च्वना ॥२२॥

२३. सतानं पञ्चकखत्तां देवरज्ज मकारयि ।

सतानं तीणिकखत्तां चक्कवत्ती अहोसहं ॥२३॥

जि जुलसां न्यासःको तक्क देवता पिनि जुजु इन्द्र
जुया देवता पिनिगु राज्य चले याना स्वसःको तक्क
चक्रवर्ति जुजु जुया जन्म कया ॥२३॥

२४. पवेसस्सज्जं विपुलं नगनातो असङ्खयं ।

अवा मवे संसरन्तो महामोगं सभामहं ।

भोगे मे ऊनता नत्थि बुद्धपूजायिवं फलं ॥२४॥

निनां नी मफेक असंख्य ज्वीक ततःधंगु प्रदेश
राज्य (याना) थुगु प्रकारं चीधंगु तःधंगु भवस चाचा

हिला च्वनाह्य जि महानगु (उपभोग परिभोग) सम्पत्ति
लाभ याना कया, जिगु भोग वस्तुस छुं पा जूगु मद्दु
बुद्धपूजा याना वयागुया थ्व विपाक-फल खः ॥२४॥

२५. द्वे मे भवे संसरामि देवत्ते अथ मानुसे ।

अञ्जं गतिं न जानामि बुद्धपूजायिदं फलं ॥२५॥

दिव्य आत्म भावस व हानं मनुष्य आत्म भावस
थ्वनिगू भवस हे जक चा चा ह्यू जुया, मेगु गति उत्पन्न
जुल घेंगु मसिया, बुद्ध पूजा याना वयाया थ्व फल-विपाक
जुल । ॥२५॥

२६ द्वे मे कुले पजानामि अत्तिये चापि ब्राम्हणे ।

नीचे कुले न जानामि बुद्धपूजायिदं फलं ॥२६॥

क्षत्रिय कुल व ब्राह्मण कुल घेंगु थुपि निगू कुले
हे जक जन्म कावना (चण्डाल आदि) मेगु नीच-हीनगु
कुल घेंगु जि मसिया बुद्धपूजा याना वयागुया थ्व फल
विपाक जुल ॥२६॥

२७. हत्थियानं अस्सयानं सीविकं सम्दमानिकं ।

ल नामि सब्बमेवेतं बुद्धपूजायिदं फलं ॥२७॥

किसियान, सलयान पालिक यान, क्लेलाक माणिक्य
जरे याना तःगु यान, थुपि सकल लाभ जुल, बुद्धपूजा
याना वयाया थ्व फल-विपाक जुल ॥२७॥

२८. दासिगणं दासगणं नारिया च अलंकता ।

लभामि सब्बमेवेतं बुद्धपूजायिवं फलं ॥२८॥

दासित समूह व दासत समूह व (अनेक प्रकारगु
तिसां) छायापा तःपि मिसात थुपि सकल हे लाभ याना
कया बुद्ध पूजा याना वयागुया थ्व फल-विपाक जुया
चवन ॥२८॥

२९. कोसेय्यकम्बलियानि खोम कप्पासकानि च ।

लभामि सब्बमेवेतं बुद्धपूजायिवं फलं ॥२९॥

को सेय्य रेशम यागु कम्बल सांगा खोम वस्त्र कपाचं
थाना तःगु कापः थुपि सकतां हे लाभ याना कया थ्व
बुद्ध पूजा याना वयागुया फल-विपाक खः ॥२९॥

३०. नववत्थं नवफलं नवगरस भोजनं ।

लभामि सब्बमेवेतं बुद्धपूजायिवं फलं ॥३०॥

न्हूगु वस्त्र, न्हून्हूगु फल मूल, न्हूगु अग्ररस दुगु
भोजन (धंगु) थुपि सकतां प्राप्त याना कया थ्व बुद्ध
पूजा याना वयाया फल विपाक खः ॥३०॥

३१. इमं खाव इमं भुञ्ज इमहि सयमे सय ।

लभामि सब्बमेवेतं बुद्धपूजायिवं फलं ॥३१॥

थ्व नया बिज्याहुँ, थ्व भपा बिज्याहुँ, थुगु
लासाय् घना बिज्याहुँ, थुगु प्रकारं सकतां हे लाभ जुया
चवन थ्व बुद्ध पूजा याना वयाया फल-विपाक खः ॥३१॥

३२. सबदर्थ पूजितो होमि यसी अच्चुगती मम ।

महेसकखो सदा होमि अभिज्ज परिसो सदा ॥

जातीनं उत्तमो होमि बुद्धपूजायिदं फलं ॥३२॥

सकल थासे पूजायाय योग्यहा जुया, जिगु यश
च्चे च्चे जक थाहाँ वल न्हावलेसं आनुभाव दुपि महे
साख्य देवतापि जक जूवना, न्हावलेसं (सुनानं हे) स्यके
मफुगु परिषद दुहा जुया, थः थिति पिनि दथ्वी उत्तम-
श्रेष्ठहा जुया, बुद्ध पूजां यांना वयाया थ्व फल -
विपाक खः ॥३२॥

३३. सीतां उण्हं न जानामि परिलाहो न बिज्जति ।

अथो चेतसिकं दुक्खां हृदये मे न बिज्जति ॥३३॥

चिकु तीनो धैगु मंसिया, शरीरे डाह जुल धैगु
गवलेसं मदु, हानं जिगु हृदये चेतसिकं दुःख धैगु गवलेसं
मदु ॥३३॥

३४. सुवण्ण वण्णो वृत्तान संसरामि मया भवे ।

वेवणियं न जानामि बुद्धपूजायिदं फलं ॥३४॥

चीधैगु तःधैगु भवसे लुंयाःगु वणं दुगु शरीर दुहा
जुया चाहू जुया, दुर्वणं जुया जन्म जुया धैगु मंसिया
बुद्ध पूजा यांना वयाया थ्व फल विपाक खः ॥३४॥

३५. वेवल्लोका अविद्वान सुक्क मूलैण चोदितो ।

सावत्थियं पुरे जातो महेसालेसु अड्ढके ॥३५॥

दिव्य लोकं च्युत जुया वया कुशल कर्मया प्रभावं
 ध्वाका श्रावस्तो नगरे अत्यन्त धनवान्गु महाशाल कुलस
 जन्म का वया ॥३५॥

३६ पञ्च काम गुणे हित्या पञ्चजि अनगारियं ।

जातिया सत्तवस्सोहं अरहन्त मया पुणिं ॥३६॥

न्यानु काम गुण यात तोता अनगारिय (गृहस्थ
 जंजालं मुक्त जुया च्वंगु) बुद्ध शासने प्रन्नजित जुया, जन्म
 जुया न्हेदं जक दुवले हे जि अरहन्त पदस थ्यकः वना
 अर्थात् जीवन मुक्त अरहन्त जुया ॥३६॥

३७. उपसम्पादयी बुद्धी गुणमञ्जाय चक्खुमा ।

तरुणोव पूजनीयोहं बुद्धपूजायिदं फलं ॥३७॥

पञ्च चक्षु दक्षो विज्याकर्हा शास्ता तथागतं जिगु
 गुण सीका उपसम्पन्न याना विज्यात जि जुलसां मचावले
 हे पूजायाय योग्यहा (अरहन्त) जुल थ्व बुद्ध पूजा याना
 वयाया फल-विपाक खः ॥३७॥

३८ दिव्व चक्खुं विसुद्धं मे समाधिकुसलो अहं ।

भमिञ्जा पारमिप्पत्तो बुद्धपूजायिदं फलं ॥३८॥

जिगु दिव्य चक्षु परिशुद्ध जुल, जि समाधि रीयाय
 गुलो दक्षहा षडभिञ्जिस पारी थ्यहा जुल, थ्व बुद्धपूजा
 याना वंप्राया फल-विपाक जुल ॥३८॥

३९ पटिसम्भवा अनुप्पत्तो इट्ठिपादेसु कोविदो ।

सद्धम्मे पारमिप्पत्तो बुद्धपूजा इदंफलं ॥३९॥

प्यंगू प्रतिसम्भिदा (मार्ग) साक्षात्कार याना
 कया (प्यंगू प्रकारया) ऋद्धिपादस दक्षह्य जुया, सद्धर्मे
 अन्तस थ्यंहा जुया च्वना थ्व (व्याक्कं) बुद्धपूजा याना
 वयागुया फल-विगाक खः ॥३६॥

४०. तिस कप्पसहस्सम्हि यं बुद्धमहिपूजयि ।

दुर्गति नाभिजामि बुद्धपूजायिदं फलं ॥४०॥

गुकिया निर्मित्त बुद्धयात (कणिकार स्वां स्वँफोलं)
 पूजा याना वयागु खः (उकिया निर्मित्त) स्वी दोल कल्प
 तक्क दुर्गति (घँगु थज्यागु) धका मसिया थ्व जुलसां
 बुद्धपूजा याना वयाया फल- विपाक जुल ॥४०॥

४१. किलेसा काषिता मय्हं भव सव्वे समू हता ।

नागो व बन्धनं छेत्वा विहरामि अनासवो ॥४१॥

जि क्लेश-पापयात (उगु उगु मार्ग ज्ञानं याना)
 भष्मयाना छ्वे धुन सकल भय हानापं मदेक लिना वां
 छ्वे धुन बन्धनयात चप्फुना छ्वे धुकूहा किसि थें आश्रव
 रहित जुया वासयाना च्वना ॥४१॥

४२. स्वागतं वत मे आसि बुद्ध सेट्टस्ससन्तिकं ।

तिस्सो विज्जा अनुप्पत्ता कतं बुद्धस्स

सासनं ॥४२॥

श्रेष्ठह्य शास्ता तथागतया समीपस निश्चयनं जिगु
 स्वागत जुल, त्रिविद्यास थ्यकः वँने धुन, भगवान शास्ता

तथागतथा (स्वंगू प्रकारया) शासन सिद्ध याना-सफल
याना काय् धुन ॥४२॥

४३. पटिसम्भदा चतस्सो च विमोक्खापि च अट्टिमे ।
छलभिञ्जा सच्छिकता क्तं बुद्धस्स
सासन'न्ति ॥४३॥

प्यंगू प्रकारयागु प्रतिसम्भदा व थुपि च्यागू
विमोक्ष व खुगूप्रकारया अभिज्ञान नं जि साक्षातकार
यानाकाय् धुन, भगवान बुद्धया (स्वंगू प्रकारया) शासनस
जि माक्का ज्या सफल याना काय् धुन ॥४३॥

व खँ न्यता आपलं जनतापि कुशल पुण्य याय्गु
ज्याय् लगे जुया वन ।

४४. सहेतुका पच्छिमिका'पि सत्ता,
पापं न सक्कोन्ति जहातुमेवं ।
अनिच्छ मानेहि जनेहि दुक्खं,
आराव पापं परिबज्जनीय'न्ति ॥४४॥

थथे त्रिहेतुक प्रतिसन्धि सहितहा पश्चिम भाविकहा
सत्व प्राणि नापं अकुशल विपाकं मुक्त ज्वी फँ मखु,
दुःख इच्छा मयापि मनूतय्सं पापयात यानं निस्स्ये हे हटे
याना तापाका छ्वे फयेकेमा ॥४४॥

उत्तर धामणेरया बाखं

चतुर्थ - प्यपु

कावीर पट्टनया बाखनस

श्व छसिनिसैया आनुपूर्वा कथा

जम्बुद्वीपे जुलसां चोल राष्ट्रस कावीरपट्टन घंगु (नगर) छगू दया चवन । अन आपाल महेश्वर यात पूजा याइपि मिथ्यादृष्टत वासयाना चवन । अन छगू देवालये तसवीर च्वेगु ज्या याकू बले सिपूछपुती ईश्वर यात कोच्छुना वन्दना याना च्वंहा भगवान तथागत यागु रूप च्वके विल, उगुसमयस अन आपाल उपासकत व देवालये वना उखे थुखे च्वया तःगु चित्र सो जुजुं व सिपुती व चित्र च्वया तःगु खन । खनालि इमिसं अहो जिमिसं स्वय् मर्योगु (चित्र) स्वय् लात देवतापि सहितगु थुगु सोरुस, मार सहित, ब्रह्मापि सहित श्रमण ब्राह्मणपि सहितगु प्रजापिनि मध्ये हानं प्रमाण रहितगु चक्रवालम भगवान तथागतया सिनं च्वेयाहाला छखें तथा समानहा हे नं दैमखु । सकल सत्त्व प्राणिपिसं पूजा याय् योग्यहा वन्दनायाय् योग्यहा भगवान तथागतयात थुमिसं अयोग्यगु हे ज्या याका तल घका ख्वया विलाप याना जुजुया दरवारे वना त तः सलं घोषणा यवन । व खें न्यना जुजुं इपि सतके छ्वया छिपि छाय् ततःसलं हाला घोषणा

याना च्वनागु धका न्यना विज्यात । इमिसं थथे धाल-
 "महाराज ! जिमि तथागत देवता पिनियासिनं महा
 देवता (खः) इन्द्रयासिनं महाइन्द्र, ब्रह्मायासिनं महाब्रह्मा
 सुमेरू पर्वतथे निश्रल सागरथे गम्भीर आकाशथे अनन्त
 पृथ्वी समान ख्वातु इत्यादि प्रकार भगवान-तथागतयागु
 गुण वर्णना यात । उकि अपदाने थथे धयातलः-

१. बत्तिस लक्खण धरो सुनक्खत्तोब च्चिदिमा ।

अनुव्यञ्जनसम्पन्नो सालराजाव फुल्लितो ॥१॥

उत्तमगु नक्षत्र - नङ्गु चाट्टुला च्वंह्य चन्द्रमार्थे,
 स्वीनिता लक्षण दया विज्याकहा (तथागत) सिमा छम्मां
 स्वां ह्य्या च्वंगु शाल वृक्षमार्थे (चयेगू) अनुव्यञ्जनं संयुक्त
 जुया विज्यात ॥ १॥

२, रंसिजाल परिकिखन्नो दित्तोव कणकाचलो ।

व्यामप्यभा परिवुतो सतरंसिदिवाकरो ॥२॥

ज्वाला ज्वालां थिना च्वंगु लुँयागु पर्वतथे (खुगू
 वर्ण) दुगु रश्मि जाल फैलेजुया च्वंगु, सलसगू रश्मि
 दुह्य सुद्योथे हाट्टुच्छिपाक्क रश्मि प्रभां चाट्टुला विज्याना
 च्वंह्य ॥ २॥

३ सोणाननो जिनवरो समणीव सिलुच्चयो ।

करुणापुण्ण हृदयो विवट्टोविय सागरो ॥३॥

पञ्चमारयात त्याका विज्याहा उत्तमहा जिन भगवान

तथागत लुंयागु ख्वाथें बांलागु ख्यापा दया बिज्याकह्य
 खः, माणिक्य सहितगु पर्वत समान जुया बिज्यात विवर्त
 सागर समुद्र समान जुया विज्यात, करुणां जागु हृदय
 दया विज्याह्य खः ॥३॥

४. लोकविस्सुतकित्तो च सिणेहप नभुग्गतो ।

यससा विततो धीरो आकाससदिसोमुनि ॥४॥

प्रजावान जुया विज्याकह्य सर्वज्ञ मुनि तथागत
 आकासे च्चे थाहाँ वना च्वंगु सुमेरु पर्वतराज थें लोकस
 प्रख्यन्त जूगु कीर्ति दया विज्यात, यशं नं आकाश समानं
 (सकभनं) फैले जुया विज्यात ॥४॥

५. असङ्ग चित्तो सब्बत्थ अनिलोबियनायको ।

पतिट्ठा सब्ब भूतानं महिष मुनिसुत्तमो ॥५॥

लोकयाँ स्वामि जुया विज्याकह्य तथागत (क्किं
 दिशासं न्ह्याना च्वंगु) फय् समानं सकल थासे असंलग्नगु
 चित्त दया विज्यात, मुनिपिनि मध्ये अत्यन्त श्रेष्ठ जुया
 विज्याकह्य सर्वज्ञ तथागत पृथ्वी समानं सकल सत्व प्राणि
 पित आचार-प्रतिष्ठा जुया विज्याना च्वन ॥५॥

६. अनूरलित्तो लोकेन तोयेन पदुमं यथा ।

कुवादगच्छ दहनो अग्गिबल्लग्धोव सोभति ॥६॥

ल नाप (संलग्न मज्जुगु) पलेस्वायें लोकसंसर-
 नाप संलिप्त मज्जुप्य - अलग जुया मिथ्यादृष्टि संख्यात

सियात भस्म यना छ्वैगु मिद्वं थें शोभायमान जुया
विज्याना च्वन ॥६॥

७. अगदो बिय सड्वत्थ किलेसविसनासको ।

गन्धमादनसेलोव गुणगन्धविभूसितो ॥७॥

सकल थासे (रोगादि) क्लेश रूपी विष नाश
याना वीगु वासः समान जुया विज्यात (सुगन्धित) गन्ध
मादन पर्वत राजयें (शीलादि) गुण रूपी सुगन्धं अलकृत
जुया विज्यात ॥७॥

८. गुणानं आकरो धीरो रतनानं व सागरो ।

सिन्धूव बनराजीनं किलेसमलहारको ॥८॥

प्रज्ञावान जुया विज्याकहा (वसपोल तथागत)
रत्नया लागी सागर समुद्रथेंतुं (शील समाधि आदि)
गुण धर्मया लागी उत्पत्ति स्थान-खानि जुया विज्यात,
वन-जङ्गल कोयागु (मल कचिंग सफायाना यंकीहा)
गङ्गाजी खुसिथें (सकल सिगु) क्लेश-पाप मदयेक-हरण
याना यंका विज्यात ॥८॥

९. विजयीव महायोधो मारसेनप्पमह्नो ।

चवकवत्तीव सो राजा बोज्जङ्गरतनिस्सरो ॥९॥

विशेषरूपं त्याका विज्याहा महानहा योधाथें
मारसेनायात त्याका कया विज्यात (सप्त) बोध्याङ्ग रूपी
रत्नया मालिक जुया विज्याकहा वसपोल बुद्ध भगवान
चक्रवर्ति जुजु समान जुया विज्यात ॥९॥

१०. महगभिसक्कसङ्कासो दोस व्याधित्तिच्छको ।

सल्लकत्ता यथा वेज्जोद्विट्ठिगण्डविफालको ॥१०॥

(राग द्वेषादि) दोष रूपी रोगयात वासः याना
लाय्का वीह्य तःवंह्य वैद्य समान जुया विज्यात, मिथ्या-
दृष्टि रूपी कै यात लिकया वांछ्वया वीह्य चीर फार
याईह्य बंध समान जुया विज्यात ॥१०॥

११ सत्था नो भगवा देवमहाब्रम्हेहि बन्वितो ।

देविन्दासुरसिद्धेहि बन्दनोयो सदादरा ॥११॥

देवातिदेव जुया विज्याकह्य जिमि शास्ता भगवान
तथागत महा ब्रह्मातयसं वन्दना याका च्वना विज्यात,
देवेन्द्र, दानव, विद्याधरपिसं न्ह्याबलेसं आदरपूर्वकं वन्दना
याय् योग्य जुया विज्यात ॥११॥

१२. सब्बेसु चक्कबालेसु ये भग्गा ये च पूजिता ।

तेसमग्गो महाराज ! भगवा नो

Dhamma.Dig
पतापवा'ति ॥१२॥

भो महाराज ! गुह्य सकल चक्रवालस श्रेष्ठ जुया
विज्यात, गुह्य पूजा याय् योग्य जुया विज्यात, जिमि
भगवान तथागत इपि सकलया सिनं अग्र-उत्तम जुया
विज्यात प्रताप-तेजस दया विज्यात ॥१२॥

इत्यादि प्रकारं भगवान तथागतयागु गुण वर्णना
याना महाराज ! देवकुले च्वंपिसं अयोग्यगु हे ज्या

(४२)

यात धका धाल । व खँ न्यना जुजुं भो ! छिपि सकल
सिनं थ थः देवतापिनिगु महानगु भाव कँन, छिमि शास्ता
जुलसां तःधं धका जिमिसं गथेयाना सीका वाय्गु धका
न्यन । उपासकपिसं महाराज ! व अथेयाना क्यनेगु थाकु
मजू छलपोलं व सपू थन काय्के छ्वया शुद्धगु कापत
हित्तुहिना उकी थःगु (कौ) छाप तयेका विज्याना सुरक्षित
बांलाक गोप्यगु छ्गू देवालये तयेके बिया न्हेनु विते
जुया वनेव कायके छ्वया स्वया विज्याहुँ अबले जिमि
शास्ता तथागतया महान भाव छःपिसं सिया विज्याई धका
धाल । अनंलि जुजुं इमिसं धार्थेतुं यके छ्वया छ्गू
देवालये तयेके बिया फुक्क खापा तिका उकी थःगु छाप
तयेके बिया उकीयात बांलाक रक्षा या धका पा.तयेका
बिल । अनंलि इपि उपासकत सकलें मुना न्हेनु तक्क
दान ब्युब्युं शील रक्षा यायां उपोसथ कर्म यायां सकल
सत्व प्राणिपित मैत्री भावना यायां सकल सत्व प्राणिपित
थमं यानागु पुण्य प्रदान यायां त्रिरत्नयात पूजा यायां थथे
घोषणायात—“जिमिसं यानागु कुशल कर्मया प्रभावं याना
लोके च्वंपि महान ऋद्धि दुपि महान वल दुपि सकल
देवतापि व लोकयात पालन याना च्वंपि चतुर्महाराज
देवतापिसं नं जिमि शास्ता तथागतयात उपास्थान सेवा
याना च्वंगु भाव क्यना बीमाल धका सत्य क्रिया यात ।
अनंलि इमिगु पुण्ययागु प्रभावं याना उगु क्षणस देवराज
इन्द्रया पण्डु कम्बल शैलासन क्वाना वःगु आकार क्यन ।

(४३)

अनंलि वं मनुष्य लोके स्वया मिथ्यादृष्टितयसं यागु उगु
 अयोग्यगु ज्या खंका संवेग चाया (मनुष्य लोके) क्वाहाँ
 वया ईश्वरं भगवान बुद्धयात वन्दना याना भवस्सुना च्वंगु
 (चित्र) याना उगु समाचार उपासक तयेत कना थःगु
 थासेतुं ल्याहाँ वन । अनंलि न्हेनु दुखुनु सुथ ह्लाप्पां
 इपिं सकलें जुजु याथाय् वना वन्दना याना थथे विन्ति
 यात- “महाराज ! ईश्वरं जिमि भगवान बुद्धया तुती
 वन्दना याना भवस्सुना च्वन ।” धका विन्ति यावन ।

अनंलि जुजुं इमिगु खँ न्यना नगरे नाय्खि च्वेके
 विया आपालं जनतापि मुंका इमिसं चाहुयेका देवालये
 विज्याना तैतःगु छाप स्यंके विया खापा चाय्का सिपू
 कायके छत्रया हिना तःगु कापः पयंके विल । अनंलि
 जुजु व आपालं जन समूह पिसंनं व महानगु प्रातिहार्य
 (आश्रय) खना मिथ्यादृष्टि तोता सकलें शास्ता तथागत
 या शरण वन । अनंलि जुजुं व देवालय यात स्यंके
 विया आपालं जनसमूहपि मुंकेविया तःधंगु रमणीयगु
 विहार दयेके विया जन्मभर तकक पुण्य कर्म याना
 देवलोके वना जन्म जू वनं ।

१३. अनब्भुतं सत्थु धरीयमाने,
 करोन्ति दिस्वा कुसलानि इद्धि ।
 ये तं मुनिग्दे परिनिब्बुतहि,
 करोन्ति पुञ्जानि महब्भुतन्ति

॥१३॥

(४४)

(गृह्यस्थां) शास्ता तथागत जीवमान जुया विज्या-
 बले (वसपोल) बुद्धयागु ऋद्धि प्रातिहार्य खना कुशल
 कर्म याई व अथे याईगु छु आश्चर्यगु खँ मखु सुनां
 सर्वज्ञ तथागत परिनिर्वाण जुया विज्याय् धुंका पुण्य
 कुशल कर्म याई व अथे याईगु हे महान आश्चर्यगु
 खँ खः ॥१३॥

कावीर पट्टनया बाखं

पञ्चम - न्यापु



Dhamma.Digital

(४५)

खुँ स्याइम्हसिया बाखनस

थ्व छँतिसँया आनुपूर्वी कथा

छगू समयस जुलसां की तथागतं धर्म देशनाद्वारा आपालं जनता पित स्वर्ग मोक्ष सम्पत्ति ब्यु ब्युं श्रावस्ती नगर आश्रय याना जेतवनस बास याना बिज्याना च्वन । उगु समयस न्यासःह्य खुँत जंगलं नगरस वया चान्हे खुँ यागु ज्या याना उकिं (थः) काय् कलापि पालन पोषण याना च्वन । अनलि छन्हुया दिनस खुँ तयेसं खुँ ज्या याय्या लागि नगरे द्वाहाँ वने त्यं वले नगरया ध्वाकाय् छह्य गरवह्य जनपदे च्वंह्य मनूबह्य खना छ गन च्वं च्वनागु धका न्यन वं थः जनपदयःह्य मनू खः धका प्रकाश यात । अनलि वयात इमिसं भो छ छुया निम्ति थथे दुखी जुया बास याना जुयागु ? जिपि नाप खुँ ज्या याना वस्त्र अलंकार सम्पन्नह्य जुया काय् कलापि पालन - पोषण या । थुगु प्रकारं दुःखी दरिद्र जुया च्वनेमते धका धाल । वं जुनसां थुमिसं जित भिगु योग्यगु हे खँ धाल धका इमिगु वचन स्वीकार याना काल । अनलि इमिसं थथे जूसा जिपिनाप वा धका धया वयात नं बोना नगरे दुने द्वाहाँ वना अन अन

(४६)

उगु उगु थासे अंगः तद्ध्याना खुँ ज्या यात । उगु समयस
 जनपदे च्वह्य मनुयात धन दौलत प्राप्त जुया थ्वहे ज्या
 आत उत्तम धका इपि नापं खुँ ज्या यायां जीविका याना
 जुल । अनलि छन्हुया दिनस सिपाहितयसं खुँ ज्या यागुलि
 इपिं सकलें खुँ तयेत क्वातुक पाटा कसेयाना कोसल जुजु
 याथाय् यंका क्यने यंकल जुजुं इपि खना अथे धया
 बिज्यात - “भो खुँत ! छिमि पुचले सुनां मेपि खुँत
 सकसित स्याना छ्वे फँ वैत जीवन दान बी” धका आज्ञा
 जुल । व खँ न्यना इपिं खुँत सकलें थवं थः थःथित
 मिले चले जूपिं जुया अथे याय्गु इच्छा मयात । व
 जनपदे च्वह्य मनुनं जुलसां जि थुपि सकलें स्याना छ्वया
 बी धका जुजुयात धाय्व जुजुं अनुमति बीका वं मेपि
 खुँत सकसित स्याना छ्वत । वं अथे याःगु खना जुजु
 सन्तुष्ट जुया वैत खुँ स्याय्गु जागिर बिल । वं खुँत
 व प्राणदण्ड ब्युपि स्यास्यां नीन्यादँ तवक च्वना लिपा
 बुढा जुल । अनलि व दुर्बल जुगुलि निको प्यको पासानं
 खुँत स्याय् मफुत । जुजुं वखँ सीका मेह्य छह्य सित खुँ
 स्याय्गु ज्या ल ह्लाना बिल । अनलि व खुस्याय्गु
 जागिर - पद मदया थःगु छें हे वया च्वं च्वंवल ।
 उगु समयस सुं छह्य मनु मन्त्र ब्वना ह्लाय्यागु फसं मनु
 स्याय्गु विद्या सःगु जुया च्वन । अथे हे तुं ह्ला तुति
 ह्लाय्पं ह्लाय् छ्यो आदिस छुं छगू त्वाह्लाय् माल धाय्व
 मन्त्र ब्वना ह्लाय् यागु सासलं पुया छ्वेव उगु उगु अंग

प्रत्यङ्ग त्वादया अलग जुया वनीगु जुया च्वन । थुगु
 प्रतरं अत्यन्त आनुभाव दुगु व मन्त्र खः । अनंलि व
 (मनूस्याई ह्यस्यां) उह्य मनु नाप लाना मन्त्र प्राप्त
 याना कया जुजुयात सनाचार छ्वत - जि जुलसां थ्वयां
 ह्यापा बुढा जूगुलियाना खुं तयेगु ह्या तुति आदि कष्ट
 साथ त्वाह्याय्गु याना च्वना, स्याय्मापिन्तनं मुश्कीलं हे
 जक स्याना च्वना । आ जुलसां जि अथे मयाना जिगु
 मन्त्रया बलं त्वाह्याय्गु पालेगु आदि ज्या याना च्वना”
 धका । जुजुं व ममाचार न्यना ज्यू धका वैत सःता
 ह्यापायागु वैगु पदवि वैतंतुं ह्यापायार्थंतुं याना बिल ।
 वं अत्रलेसं निसें उगु ज्या यायां हानं न्यादें बिते यात ।
 अनंलि व अत्यन्त बुढा, आयू फुह्य दुर्बल जुया सीःत
 खाताय् गोत्तुला सीत्यःगु वेदना दुःखं ततःसलं भयानकगु
 शब्दं हाहां मिखा तिस्सीव भयानकगु नरक यागु मि
 ज्वाला हुरु हुरुं छ्वया च्वंगु (हान) नैं त्या नैं मुगः
 ज्वना च्वंपि जमदूनत नं स्व स्वं गोत्तुला च्वन । अनंलि
 वया छ्वाखेरं छें च्वंपि मनूत वैगु व हागु भयानकगु
 सःताया (स्याना) थथःगु छें त्वता विस्युं वन । उखुनुया
 दिने हे जुलसां महासारीपुत्र स्थविर दिव्य चक्षुं लोकस
 स्वया विज्याना व खुं स्याइह्य मनु उखुनु हे सिना वना
 नरके जन्म जूवनोगु खना, जि अन वन धाय्व जिखना
 मन प्रसन्न याना स्वर्गे जन्म कावनी धका सीका थौं जि
 वैत अनुकम्पा याय् माल धका सुथ ह्यापां चीवरं पुना

वया छेया लुखा क्वे बिज्यात । अंतलि वं स्थविर खना
तंचाया तमं वा कुरु कुरुं न्हयया ह्य ठुरु ठुरुं खाका थौं
थ्वयात जि शरीर टुकडा टुकडा याना वां छ्वया बी
धका गोतुतुं हे मन्त्र ब्वना ह्याय् यागु सासलं पुया छ्वत ।
स्थविर उगु समयस निरोधसमात्ति ध्याने च्वना उकिं
दँना सुद्यो थें ज्वाला ज्वालां थिना दना च्वना बिज्यात ।
अनंलि वं स्थविरयात स्वको तक्क अथेयातं नं छुं (बाधा)
याय् मफया अत्यन्त आश्चर्य जूगु चित्त याना स्थविरया
उपरे मन प्रसन्न याना थःत धका दयेका तःगु खीर भोजन
स्थविरयात दान बीके बिल स्थविरं आशीर्वाद बिया
बिहारेसंतुं बिज्यात । खुं स्याइह्य मनु स्थविरयात ब्यूगु
दान स्मरण यथां उगु क्षणे अनं सिना वना स्वर्गलोके
वना जन्म कावन । अहो वीतराग बुद्ध पुत्र पिनिगु
अनुभाव थ्व मनु नरके उत्पन्न जूवने त्यंहा नापं
गुह्यासिगु वलं याना स्वर्गे जन्म कावंगु जुल । उकिं धया
तलः-

१ दानंताणं मनुस्सानं दानंदुग्गतिधारणं ।

दानं सग्गस्स सोपानं दानं सन्तिकरं परं ॥१॥

(थ्व) दान बीगु घैगु मनु तय्या लागी (पापं)
रक्षा ज्वीगु स्थान खः दान बीगु घैगुलि याना दुर्गती
गबले सं लावनी मखु, दान बीगु घैगु स्वर्गे थाहाँ वनेगु
स्वान्हे समान जूवनी, दान घैगु वस्तु उत्तमगु निर्वाण
सम्पत्ति लाभ याना बीगु वस्तु जूवनी ॥१॥

२. इच्छित्तिच्छित्तदानेन दानं चिन्तामणि विय ।

कप्पकखो'व सत्तानं दानं महघटोविय ॥१॥

दान वीगु थःयोयोगु वस्तु दान वीगुलि याना
चिन्ता मणि रत्न समान जुया च्वन, (हानं) कल्प वृक्ष
मा समान नं जुया च्वन, दान वीगु धैगु सत्व प्राणि पित
पूर्ण कलस समाननं जुया च्वन ॥२॥

३. सीलवन्तस्स दानेन चक्क वत्तिस्सि'रिपिच्च ।

लभन्ति सक्कसम्पत्ति तथा लोकोत्तरं सुखं ॥३॥

शीलवान पित दानवी गुलिं याना चक्रवर्ति
जुजुया सम्पत्ति व देवराज इन्द्रया सम्पत्ति नापं (हानं)
अथेहेतुं लोकोत्तर सम्पत्ति समेतं प्राप्त ज्जी ॥३॥

४. पाप कम्मेषु निरत्तो ठितो'यं नरकायने ।

सारिपुत्तस्स थेरस्स पिण्डपातस्स वाहसा ॥४॥

पाप कर्मस लगे जुया च्वंहा नरके वनीगु लें
च्वं-च्वंहा थ्व (मनू) सारिपुत्र अरहन्त महास्थविर
यात पिण्डपात्र (भोजन दान व्यूगु) कारणं याना ॥४॥

५. अपायं परिवज्जेत्वा नेकदुक्खसमा कुलं ।

देवसङ्घं परिब्बूल्हो गतो देवपुरं वरं ॥५॥

अनेक दुःखं आकुल व्याकुल जुया च्वंगु नरक

तापाना वना, उत्तमगु देवलोकस वना देवतापिनि संघं
चाहुयेका (चवं च्वने दत) । ५ ।

६. तस्मा सुखेत्ते सद्दाय देव दानानि कामवं ।

दानं वेन्तेहि सीलम्पि पालनञ्चाति

सुन्दरगति ॥६॥

उकिया निम्ति भिगु पुण्य पुमा पीगु बुँस अर्थात्
शोलवान पित दान वीगु स्व, इच्छानुसारं सुख फल वीयोगु
खः, दान ब्यूपिसं शीलनं पालन याना यंकल धासा अत्यन्त
उत्तम जू ॥६॥

अनलि भिक्षुपि धर्म सभास मुना चवं बले तथागत
याके प्रश्न यात, “गथे ख भन्ते” व पापिह्य मनु प्यंगू
अपाय-नरकस गुगु नरके लावन” धका । अले तथागत
हे भिक्षुपि थौं हे सारिपुत्र यात ब्यूगु दानया प्रभावं
याना देवलोके वना जन्म कावन उकियागु हे अर्थात्
व दान यागु हे कारणं याना लिपा अनागत कालस
प्रत्येक बुद्ध नं ज्वी तिनी धका भविष्य वाणि याना
विज्यात ।

७. भो सारिपुत्ते निहितप्प दानं,

खणेन पापेसि हि सग्ग मग्गं ।

तस्मा सुखेत्तेसु ददाथ दानं,

कामत्थ चे सग्गमोक्खं परत्थ

॥७॥

(५१)

भो सज्जनपि ! गुंकियाना सारिपुत्रयात् उद्देश्य
याना ब्यूगु दानं तुरून्त हे स्वर्गं मार्गस अथवा अग्रगु स्वर्गस
थ्यंका बिल । उकिया निम्ति परलोके स्वर्गं मोक्ष सुख यदि
इच्छायासा भिगु पुण्य क्षेत्र रूपी जुया विज्यापि शीलवानपि
भन्ते पित दान बीगु स्व

॥७॥

खुंस्याहासिया बालें

षष्ठम - खुपु



Dhamma.Digital

(५२)

श्रद्धा उपासकया वाखनस

ध्व छसिनिसैया आनुपूर्वी कथा

ह्लापा अतीते जुलसां काश्यप दशवल तथागतया समयस छह्य मनु श्रद्धा तथा रत्नत्रयस प्रसन्न जुया तू कयलीगु यन्त्रस (ज्यायाना) जीवन निर्वाह याना बास याना च्व । अनंलि वं छह्य उसायमदुह्य भिक्षु खना वैत घ्यो छपसः दान विल । अथे हे तं छह्य भिक्षु यात साखः ह्यवारा दान विल । अनंलि कन्हे खुनु छह्य नय् पिऱ्याका च्वंह्य खिचा यात खना वैत जाछप्ये नका संग्रह यात । अनंलि छह्य माहुं कयंह्य छह्य सित छतका दां विल । अनंलि छन्ह्या दिनस धर्म श्रवण यायां धर्म देशना याना विज्याह्य भिक्षुयात गा छपुं पूजायात । वं थुलि जक पृण्य कर्म याना भवा भवस चाह्य जुजुं जितः समुद्र पर्वत आदिस वने वले छु छु इच्छा जुया वल उगु उगु सफल सिद्ध ज्वीमा धका प्रार्थना यात । व लिपायागु समयस सिना वना वहे कुशल कर्म याना घना दनावःह्य थं देवलोके वना जन्म कया अन तःघंगु दिव्य सम्पत्ति अनुभव याना अनंच्युत जुया वया की तथागत सम्यक् सम्बुद्धया समयस धावस्ती

(५३)

नगरे आपालं धनं दुग्धं महाशालकुन्सं तथा जन्म कावल ।
 अनंलि व ज्ञांदुह्य जुया वसेलि वारम्भार धर्मं श्रवण
 यायां छे गृहस्थी चनेगुया दोष व प्रव्रज्या ज्वीगुया आनि-
 संस (= फल) न्यना प्रव्रजित जुया ता काल मदुवं हे
 अरहन्त पदस थ्यंकः विज्यात । वं लिपायंगु समयस
 शास्ता यात वन्दना याना न्यासःह्य भिक्षुपिसं चाहुयेका
 उग्न नगरे विज्यात । अन जुलसां महाजनया कलाह्य
 अत्यन्त श्रद्धा प्रसन्नह्य जुया च्वन । वं स्थविरयात न्यासःह्य
 भिक्षुपि नाप भिक्षा विज्याना च्वंगु खना याकनं-याकनं
 वना स्थविरयागु भिक्षा पात्र कया न्यासःह्य भिक्षुपि सहितं
 भोजन याका स्थविरयात न्हावलेसं अन विज्य केत याचना
 याना न्यासःगू कूटागार-विहार दयेके व ह्यायपके बिया
 न्यासःह्य भिक्षुपि अन वास याके बिया ह्नि ह्नि प्यंगू
 प्रत्ययद्वारा उपस्थान-सेवा-सत्कार याना च्वन । अनंलि
 स्थविर वैत न्यागू शीलस प्रतिस्थापना याना अन यत्तले
 च्वना मेगु थासे वनेगु इच्छा याना छिसिनिसें पट्टन
 गामे विज्यात । अन जहाजे च्वना न्यासह्य भिक्षु
 पिसं चाहुयेका समुद्रया द्योने विज्याना च्वन । समुद्र
 तरेयाना च्वंह्य वया सागरया दध्वी प्वाथे वायू जाया
 वया तःसतं पीडा विल । व खना भिक्षुपिसं "भन्ते ध्व
 (रोग) ह्लापा छु वासलं लाल" धका न्यन । स्थविरं
 'ह्लापा आवुसो ! ध्व रोग जितः घ्यो ह्यपासः त्वने
 मात्र हे शान्त जुया वन धका धया विज्यात । भिक्षु

पिसं भन्ते ! समुद्रया विच्चे द्यो गथेयाना कावनेगु सह्याना
विज्याहँ धका धाल ।

व खँ न्यना स्थविरं आयुष्मानपि जित धन द्यो
दुर्लभ मजू, जिगु पात्र कया उकी समुद्रया लः जाय्क
तयाहति धका धया विज्याय्व भिक्षुपिसं अथेयात् । समुद्रया
ल तुया काय् मात्र व पात्रं च्वंगु ल व्याक्कं परिवर्तन जुया
द्यो जुयावन । अनंलि भिक्षु पिस व खना आश्रयं अद्भुत
चाया स्थविरयात् द्यो यका लः ह्लाना बिल । स्थदिर
द्यो तोने मात्रं हे रोग-पीडा शान्त जुयावन । अनंलि
वैत भिक्षु पिसं थ्व छु घैगु आश्रयं भन्ते ! थ्वयां ह्लापा
जिमिसं थथे जूगु गवले सं मखनानि धका धाय्व स्थविरं
अथे जूसा (जि) थाना वयागु पुण्यया फल-विपाक छको
सो धका धया समुद्र पाखे स्वया विज्याना थ्व द्यो जुया
व्यु (धाय् मात्रं) वसपोल खने दुथाय् तक्कया समुद्रया
ल परिवर्तन जुया द्यो जुया वन । अनंलि भिक्षुपि अद्भुत
आश्रयं च गु मन याना मेगुनं भन्ते ! थज्यागु पुण्य याना
विज्यानागु दनिला धका न्यन । अनंलि स्थविरं अथेजूसा
जिगु पुण्य स्वयाका आयुष्मानपि धका धया छ्चाखेरं
अन उगु थासे च्वंगु लोहँ यागु पर्वत प.खे स्वया
विज्यात् । व लोहँ दक्कों साख धी जुया वन । अनंलि
मिखां खने दुथाय् तक्क छ्चाखेरं व्यञ्जन तरकारि सहित
जा भोजन दया वल । अनंलि हिमाल पर्वत पाखे स्वया
विज्यात् । व सबल लुँ जुया वल । अनंलि न्ह्योनेसंतुं

चत्रंगु तःघंगु वन-जङ्गलस स्वया विज्यात । दक्को वन
खण्ड-जंगल नाना प्रकार रंगविरंगगु वस्त्रं जायावल ।
भिक्षुपिसं व प्रातिहार्य खना अत्यन्त विश्मय च या "भन्ते !
गुगु पुण्य कर्म याना छ.पिसं र्थिज्यागु प्रातिहार्य क्यने
फया विज्यात" धका न्यन । स्थविरं काश्यप दशवल तथागतया
समय थमं याना वयागु व सकल कुशल कर्म प्रकट याना
विज्यात । उकिं थन थये धया तलः-

१. इमस्मि भद्रके कप्पे कस्सपो नाम नायको ।

सब्बलोकहितत्थाय लोके उप्पज्जि चक्खुमा ॥१॥

थुगु भद्र कल्पस पञ्च चक्षु दया विज्याकह्य काश्यप
तां जुया विज्याकह्य तथागत, सकल लोकपित हितयाय्या
लागी लाकस उत्पन्न जुया विज्यात ॥१॥

२. तदाहं उच्छ्रयन्तस्मिह नियुत्तो गुलकारको ।

तेन कम्मेन जीवामि पोसेत्तो पुत्तदारके ॥२॥

उगु समयस जि तु पेले थाईगु यन्त्रस ज्यामि जुया
साखः दयेकीह्य जुया उगु ज्या याना काय् कलापि पालन-
पाषण यायां म्त्राना च्वना ॥२॥

३. किलन्तिन्द्रियमर्द्विख रोगातुरं तदा ।

मिक्खा चारक वत्तेन घतत्थं समुपागतं ॥३॥

उगु समयस त्यानु चागु शरीर दुह्य रोगं आतुर
जुया च्वह्य भिक्षा वनेगु व्रत दुह्य ध्योया लागी समीपस
विज्याह्य भिक्षु छह्य खना ॥३॥

४. उलुङ्कमत्तं सत्पिहस भवदं तस्स भिक्खुनो ।

सद्दहत्तो दान फलं वयायुदग्गमान सो ॥४॥

दानया फल-विपाक विश्वास याना दया-करुणां
ध्वागु मन जुया व भिक्षु यात ध्यो छपासः दान बिया ॥४॥

५. तेन कम्मेन संसारे संसरत्तो भवा भवे ।

यत्थिच्छामि घतं तत्थ उप्पज्जति अनप्पकं ॥५॥

व (कुशल) कर्म याना संसारस जन्म जन्म पत्ति जन्म
कया चाहू जुया बले गन जुलसां ध्यो यागु आवश्यक जुया
चवन अन जुलसां आपालं (ध्यो) उत्पन्न जुया वल । ५॥

६. इच्छामहं समुद्दिस्मि जलम्पि घतमत्तनो ।

ततं सब्बं घतं होति घतदानस्सिदंफलं ॥६॥

जि समुद्रस ल नापं थःत ध्यो इच्छा याना बले
व सकल (ल) ध्यो जुया वन ध्यो दान यानागु या थ्व
फल-विपाक खः ॥६॥

७. सुणाय मय्हं भञ्जम्पि पुठ्ठ कम्मं मनोरमं ।

तदा बिस्वानहं भिक्खुं रोगेन परिपोलितं ॥७॥

जिगु मनोरमगु मेगुनं पुण्य कर्म न्यो उगु समयस
जि रोगं पीडित जुया च्वह्म भिक्षु छह्म खना । ७॥

८. गूलपिण्डं गहे त्थान पत्तेन तस्ससमाकिरि ।

तेन सो सुखितो भासि रोगं ध्यपगतं तदा ॥८॥

साखः छ्म्वारा जोना वसपेलया पात्रे तया विया
 उगु समयस वसपोल भिक्षु उकि सुम्बी जुया त्रिज्यात रोग
 नं शान्त जुयावन ॥८॥

९. तेन मे गूलदानेन संसरं देवमानुसे ।

यत्थत्थोस्मि गूलेनाहं तत्थ तं सुलभं मम ॥९॥

जिगु व साखः दानं याना देव मनुष्य निगू लोकेसं
 चा चा ह्यु जुयाह्य जितः गन साखःयागु आवश्यक जुया
 वल अन व जित अःपुक्केहे प्राप्त जुल ॥९॥

१०. सेला च विपुला मय्हं होगि चित्तानु वत्तका ।

महन्ता गुलपिण्डाव गुलदाने इदं फलं ॥१०॥

महानगु लोहयागु पर्वत नापं जिगु मनयात अनुकूल
 ज्वीक वना महानगु साखः पिण्ड जुयावन साखः दान
 याना वयाया थ्व विपाक-फल खः ॥१०॥

११. अथापि मे कत पुञ्जं सुणाय साधु भिक्खवो ।

छातज्जत्तं फन्द मानं दिस्वान सुमखं तदा ।

भत्तपिण्डेन सङ्गण्हि तस्मि दानं फलावहं ॥११॥

हे भिक्षुपि ! मेगुनं जि याना वयागु पुण्य वांलाक
 न्यनाका अबले उगु समयस नये पित्याना छटपटे जुया
 च्वंहा खिचा छहा खना जा छपेल (वैत) संग्रह याना
 व अज्यागु स्वल्प दानं नापं (थीं जितः) विपाक-फल
 विया च्वन ॥११॥

१२. ततोपट्टाय नाहोसि अन्नपानेन ऊनता ।

सुलभन्नपानो सुखितो अहोसि जाति

जातियं ॥१२॥

अवलेसं निस्ये अन्न पानया तरफ मगाः घँगु (गवल्लें)
मजुल जन्म जूजू थाय् तक्क अन्नपान सुलभ जुया सुखी
जुया च्वना ॥१२॥

१३ अज्जापि यदि इच्छामि भोजनेन पयोजनं ।

चक्खुपथे समन्ता मे जायन्तुक्खलियो बहू ॥१३॥

यदि थौं हेनं भोजन प्रयोजन कायगु इच्छा जुल
घासा जिगु मिखां खने दक्को छ्चाखेरं आपालं जासि
थल उत्पन्न जुया वै ॥१३॥

१४. अथापरम्पि कुसलं अकासि तं सुणाय मे ।

इणट्टकस्स पोसस्स अवासेकं कहापणं ॥१४॥

हानं मेगुनं कुशल कर्म याना वयागु दु जिगु व
पुण्य कर्म नं न्यनाका साहु वयना च्वंहा मनु दह्हासित
छटका दां प्रदान याना ॥१४॥

१५. तेन मे पुञ्जकम्मेन अनोमभवसम्पदं ।

एचुरं जातहपं च लभामि जाति जातियं ॥१५॥

जिगु उगु पुण्यया प्रतापं जन्म जूजू थाय् हीन-
नीच मज्जुगु भव-भोग सम्पत्ति व आपाल लुँ वह रत्न
आदि सम्पत्ति नं लाभ जुल ॥१५॥

१६ सबज्ज धनका मो'हं धनसेलोपि पब्वतो ।

होति हेममयं सब्बं इणतो मोचने फल ॥१६॥

यदि थों जि धन इच्छा यात घासा कडागु लोहं
यागु पर्वत जूसानं सकल लुं यागु जुया वै साहुं मुक्त
याना विया वैया (थ्व) फल-विपाक खः ॥१६॥

१७ अऊज्जस्सि मम पुञ्जं भो सुणाथ सुतिसोभनं ।

कस्सपस्स भगवतो सासमैकं बहुस्सुतं ॥१७॥

भो सज्जनपि ! न्यने यया पुस्य च्वगु मेगुनं जिगु
कुशल कर्म न्यनाका काश्यप तथागतया शासनस छह्य
बहुश्रुत भिक्षु द्वारा ॥१७॥

१८. देसेत्तं मुनिनो धम्मं सुत्वा पीणितमानसो ।

पूजेसिं ताटकं मय्हं धम्मस्स धम्मसामिनो ॥१८॥

देशना याना विज्यागु तथागतयागु धर्म न्यना प्रसन्नगु
मन जुया धर्मं म्वामि जुया विज्याकह्य बुद्धया धर्मयात
जिगु गा छपुं पूजायाना ॥१८॥

१९ तेनाहं पुञ्जकम्मेन संसरं देवमानुसे ।

लमामि पचुरं वत्थं यं लोकास्मि वरं परं ॥१९॥

जि जुलसां उगु पुण्य कर्म याना देव मनुष्य लोकस
चा.ह्यू जुजुं थुगु लोकस अत्यन्त उत्तमगु गुगु वस्त्र दुगु
ख (अज्यागु) वस्त्र आपालं लाभ जुल ॥१९॥

२० इच्छमानोपहं अज्ज हिमवन्तस्मि पव्वतं ।

नानाविराग वत्थेहि छादयिस्सं समत्ततो ॥१०॥

(यदि) थौं जि इच्छा जकयात घासा हिमालय
पर्वत छगुलिं सकंभंनं अने अनेगु रंगी चंगीगु वस्त्रं त्वप्पुया
वीफु ॥२०॥

२१. सत्ते इच्छामि अज्जेव वत्थेनच्छादयामि ते ।

अत्तवो चतुदोर्पास्मि वत्थदानस्सिदं फलं ॥२१॥

यदि इच्छा जक यात घासा थौं हे (जि) प्यंगू
दिशाय्सं च्वपि इपि (सकल) जनतापित वस्त्रं पुंका बी
फु वस्त्र दान याना वयाया थ्व विपाक-फल जुल ॥२१॥

२२. एतेसं पुञ्जकम्मानं बाहसा काम भूमियं ।

सम्पत्तिमनु भूत्तवाने सावत्थिपुरमुत्तमे ॥२२॥

थुगु कुशल कर्मया आनुभावं याना (खुगू) काम
स्वर्गं सम्पत्ति अनुभव याना उत्तमगु श्रावस्ती नगरस ॥२२॥

२३ जातो कुले महाभोगे बुद्धिप्पत्तो सुखेधितो ।

तस्स धम्मं सुजित्वान पव्वजित्वान सासने ॥२३॥

आपालं उपभोग परिभोग वस्तु दुगु कुलस जन्म
जुया सुखपूर्वको तःधिकः जुया ज्ञान दया वसेलि वसपोल
तथागतयागु धर्मं न्यना शासनस प्रब्रजित जुया ॥२३॥

२४. लोकुत्तरं अंगरसं भुञ्जस्सेमुत्तिबाहसा ।

किलेसेपजहित्वान अरहत्तमपापुणि ॥२४॥

बुद्धयागु आनुभावं याना लोकोत्तर जुया च्वंगु
 श्रेष्ठगु रस त्वँ त्वँ क्लेश तापाका छ्वया अरहन्त भावस
 ध्यंकः वना ॥२४॥

२५. कुसलं नावमस्तब्बं खुद्दक'ग्ति कदाचिपि ।

अनन्त फलवं होति निब्बानम्मि ददातिंतं ॥२५॥

कुशल कर्मयात चीघं धका गवलेसं हे हेला याय् मत्यो
 व (चिकिचा घंगु) कुशल कर्म याना अनन्त-अप्रमाणगु फल-
 विपाक वी यो निर्वाण फल समेत वी फुह्वा ज्वी ॥२५॥

अनंलि वसपोलयागु धर्म देशना न्यना भिक्षुपि व
 आपालं जनतापिसं दान आदि कुशल कर्म याना आपाल
 याना मनूत स्वर्गस वना जन्म जूवगु जुल ॥

२६. मनोपसादेन'पि अप्पपुञ्जं,

एवं महत्तं भवती'ति जत्वा ।

मा अप्पपुञ्जग्ति पमज्जथम्भो

सराथ देवि इध लाजदायि ॥२६॥

भो जनता पि ! मन प्रसन्न याना (यानागु)
 भतिचा जकगु पुण्य कर्म जूसां थुगु प्रकारं महानगु फल
 वी यो धका सीका चिकिचा घंगु पुण्य धका हेला याना
 प्रमादि ज्वीमते थन जुलसां लाजदायी कुमारी यात
 प्रमाणया रूपं लुमके बहजू ॥२६॥

अद्धा उपासकया बालं

सप्तम-न्हेपु

(६२)

गरीब-दुःखीया वासनस

ध्व छत्तिनिसैया ग्रानुपूर्वी कथा

की तथागत परिनिर्वाण जुया विज्याय् धुंकुसेलि
बाराणसी नगरे च्वह्य छह्य गरीबह्य मनू मेपिनिगु छेँ
कुल्लि ज्या याना जीविका याना च्वन । उगु समयस
नगरे च्वपिं मनूतेसं आपालं याना उगु थासे मण्डप
आदि दयेके बिया महानमु दान बिया च्वन । व खना
गरीबह्य मनूनं थथे चिन्तना यात- “जि ह्यापा पुण्य याना
मवैगुलि याना मेपिनि छेँ कुल्लि ज्या याना दुःख कष्ट
सिया म्वाना च्वना । जिगु न्येगु वस्त्र व च्वनेत थाय्
छकूचा नापं दुःख सिया दयेका च्वना, थौं कन्हे बुद्ध
भगवानयागु शासन व भिक्षु संघपिनं दनि । थुपि सकल
सिनं दान विया स्वर्ग वनेगु (लँ) शुद्ध याना च्वन जिन
दान बीमाल व (दानं) जित ता काल तक्कया लागी
हितया लागी सुखया लागी जवी । तथापि जिके आ
जाकि छमना जक जूसं मदुनि, मेहनत उद्योग मयास्य
व ज्या सफल काय् फैमखु उकिया लागी जि उद्योग मेहनत
याना दान बी घका चिन्तना याना अबलेसं निसै कुल्लि
ज्या मा जुया उगु थासे कुल्लि ज्या याना ज्याला

वगुलि व भिक्षा चाह्यू वना प्राप्त जूगु हामो जाकि आदि
 नं छथाय् मुंके हया मनु तयगु ग्वालि कया अन मण्डप
 दयेके विया जंगले च्वंगु स्वां आदि हया उगु मण्डप छायापा
 भिक्षुपित निमन्त्रणा याना मण्डपे फेतुका सकल सित खीर
 दयेका भोजन याकल । अनंलि व सोधेका थमं याना
 वयागु व उत्तमगु दान लुमंकल । व उगु पुण्य कर्म याना
 घना च्वंहा मनु न्ह्यलं चाय्का दना वःह्य थें देवलोके
 बना जन्म कावन । उकि वं याना वःगु पुण्ययात ल्वेक
 तःघंगु लुं यागु विमान उत्पन्न जुयावल । छचाखेरं स्वंगू
 गाउंनं थाय् तक्क देवता पिसं अनेक प्रकार यागु बाजं
 ज्वंनौ पूजा उत्सव यात । न्ह्याबलेसं वैत अप्सरापि दोछि
 ह्यास्यां चाहुला च्वं च्वनी थुगु प्रकारं वं तःघंगु सम्पत्ति
 अनुभव याना च्वन । अनंलि छन्हूया दिनस सुवर्णशिल
 विहारे वास याना विज्याकह्य महासंघरक्षित स्थविर
 प्रतिसम्भदा साक्षात्कार याना कया देव चारिकास चाह्यू
 विज्याना व देवपुत्र यात अत्यन्त तःघंगु देव सम्पत्ति
 ज्वाला ज्वालां थिना च्वंगु खना सत्तिक विज्याना वं याना
 वःगु कर्म न्यना विज्यात व देवपुत्रं नं वसपोल यात
 यथार्थ खँ कन, उकि थन धया तलः-

१. सब्बसोणमयो आसि पासादो रतनामयो ।

सोणसिङ्गसताकिणो दुद्विखो च पमस्सरो ॥१॥

सकल थासे लुँदयेका तःगु प्रासाद-दरवार (छंगु)
 रत्नं दयेका तःगु सलंसःगू लुँया गजुलि चाहुला च्वंगु,

ज्वाला ज्वालां थिना च्वंगु (किंगु दिशास रश्मि फिजे
जुया च्वंगुलि) म्त्रयां स्वे थाकुया च्वंगु ॥१॥

२ कूटगार सताकिण्णो सोणमालासमाकुलो ।

मुत्ताकलापा लम्बन्ति तत्थ तत्थ मनोरमा ॥२॥

सलंसगू तोरणं आकीर्णं जुया च्वंगु, लुंयागु स्वां
मालं चाहुयेकातःगु अन उगु थासे मन प्रसन्न ज्वीगु—
मनोरमगु मोति कुप्पा लटके जुया च्वन ॥२॥

३ नेकगम्भसताकिण्णो सयमासनमण्डितो ।

विभक्तो सब्ब भागेहि पुञ्जवट्ठकिना कतो ॥३॥

पुण्य रूपी कःमि दयेकां ब्यूगु (जिगु प्रासाद)
अनेक सलंसगू कोठा - भण्डारं आकीर्णं जुया च्वन,
(दिव्यरुयगु) लासां स्वभायमान जुया च्वन सकल थाय्
भाग भाग छुटे जुया विभक्त जुया च्वन ॥३॥

४. नच्चन्ति पमदा तत्थ भेरिमण्डलमङ्कगा ।

पायन्ति काचि कीलन्ति वादेन्ति काचि

तन्तियो ॥४॥

अन उगु प्रासादे - दरवारे धिमे, नाय्खि बाजंया
दध्वी देवतापिं गुह्यं प्याखं हुया च्वन, गुह्यं म्ये हाला
च्वन, गुह्यं ह्यिता च्वन, गुह्यं गुह्यं वीणा - सितार
थाना च्वन ॥४॥

५. ततो तिगाधुते ठाने पासादस्स समन्ततो ।

सहच्छरा देवपुत्ता गहेत्वा भाततादयो ॥५॥

अनंलि प्रासाद - दरवारया छचाखेरं सोंगू गाउतति
दुगु धासे देव अप्सरापि सहित देव पुत्रपि आततादि
(न्यागू प्रकार यागु बाज) ज्वना ॥५॥

९. मोदेगित परिवारेत्वा नच्चगोतादिना सदा ।

उल्लङ्घति च सेलेन्ति सिलाघगितसमन्ततो ॥६॥

सदानं वैत छचा खेरं चाहुला नृत्य गीत आदि
प्रसन्न याना च्वन (ततःसलं हाला) तिं तिं न्हुया च्वन,
हुमुलुं नं चुया च्वन, छचाखेर च्वना (छपाह्ला च्वे छ्वया
वंत) स्तुति प्रशसा याना च्वन ॥६॥

७ एवं महिद्धिको दानि तुवं च्छदो व भासति ।

पुच्छाति तं देवपुत्त किं कम्ममकरि पुरा ॥७॥

हे देवपुत्र ! थुगु प्रकारं महानगु ऋद्धि दुह्य छ
आ यथे चन्द्रमा समान जाज्वल्यमान जुया च्वन, छके न्यना
च्वना ह्लापा छु पुण्य कर्म याना क्या ? ॥७॥

देवपुत्रं धासः-

८. अहोसि दुग्गतो पुब्बे वाराणसिपुरुत्तमे ।

दानं वेगित नरा तत्थ निमन्तेत्थानभिवच्छवो ॥८॥

ह्लापा परापूर्वं कालस उत्तमगु वाराणसी नगरस
दुखी-दरिद्रह्य मनु जुया च्वना, उगु नगरे मनुतयस भिक्षुपित

निमन्त्रणा याना दान विद्याचवन

॥८॥

९. जीवन्तो भतिया सोहं दानं वेगतेमहाजने ।

तुद्वहृद्वेपमुदिते एव चिन्तेस'हं तदा ॥९॥

कुल्लि ज्या याना जीविका याना चवनाह्य व जि
उगु समयस सन्तुष्ट जुया खुशी प्रसन्न जुया च्वंपिं आपाल
जनतापिसं दान विद्या च्वंग् (खना) जि थये चिन्तना
याना ॥ ९॥

१०. सम्पन्न बत्थालंकारा दानं देन्ति इमे जना ।

परत्थपि पहट्ठाव सम्पासमनुमोक्षि ते ॥१०॥

(ह्लापा याना वःगु पुण्य याना) समृद्ध जुया च्वंगु
वन्त्रालंकारं तिया थुपिं जनतापिसं दान व्यूजुल इ'पं परलोके
नं हर्ष-प्रसन्न जुया हे । उपभोग परिभोग) सम्पत्ति अनुभव
यावनी ॥१०॥

११. बुध्दुण्णादो अयं'दानि हम्मो लोके ववत्तति ।

सुसोला'दानि वत्तन्ति दक्षिणपट्टया

जिनोरसा ॥११॥

आ थ्व बुद्धयागु धर्म नाश मज्जनिगु बुद्धोत्पाद
समय खः, धर्म लोकस (निर्मल रूपं) प्रचार जुया च्वंगु
दनि बुद्ध पुत्र जुया विज्यापिं दक्षिणा वी योग्यपिं बांलागु
शील दुपिं थुगु समयस विद्यमान जुया विज्याना च्वंगु
दनि ॥११॥

(६७)

१२ अनवद्वितो व संसारो अपाया खलु पूरिता ।

कल्याणविमुखा सप्ता कामं गच्छन्ति दुर्गति ॥१२॥

संसार धैगु (च्युति प्रति सन्धि रूपं टुटे मज्जीक
न्ह्याना च्चनोगुलिं याना) अनवस्थित हे ख । अर्थात् स्थिरगु
आदि अन्त छुं सी मद्दु) अपाय-नरक जुलसां निश्चयनं
(पाप याः पिसं) जाया च्चन, कुशल कर्म लिफःस्वया
च्चंदिं सत्व प्राणिपिं एकान्तं दुर्गती कुत्युं मवनी मखु
वहे वनी ॥१२॥

१३. इवानि दुक्खितो हुत्वा जीवामि कसिरेनहं ।

दलिहो कपणो दीनो अप्पभोगो भवाम्हीयो ॥१३॥

दरिद्र-गरीव, कृपण-दुखी, दीन हीन असहाय जुया,
(उपभोग परिभोग) वस्तु मद्दुह्य (अन्तिम रूपं) जाकि
छमना नापं मद्दुह्य जि कष्टसिया म्वाणा च्चना ॥१३॥

१४. इवानि बीजं रोपेमि सुखेत्ते साधुसम्मते ।

अप्पेवनाम तेनाहंपरत्थ सुखितो सिया ॥१४॥

जि आ थुगु अवस्थास (बुद्धादि) सत्पुरुष पिसं
भिं-उत्तम धका सम्मत याना तःगु पुण्य रूपी बुँस पुण्य
पुसा पिना बी उकिया कारणयाना परलोकस (जि)
सुखी ज्वीदःसा अत्युत्तम ज्वी ॥१४॥

१५ इति चिन्तिय भिक्खित्वा भति कत्थान नेकधा ।

मण्डपंतत्थ कारेत्वा निमग्गेत्थान भिक्खवो ॥१५॥

१६. आयासेन अवासाहं पायासं अप्रताय त्वा ।

तेन कम्म विपाकेन देवलोके मनोरसे ॥१६॥

व जि (अत्यन्त) दुःख कष्ट सिया (अमृत रूपी)
निर्वाण प्रत्यक्ष यांना काय्या लागि (ल मंदुगु दुरुस
दायेका तःगु) खीर भोजन दान बिया उगु कुशल कर्मया
विपाक यांना अत्यन्त वांलागु थुगु देवलोकस ॥१६॥

१७ जातोमिह दिब्बकामेहि मोदमानो अनेकघा ।

दीघायुको वण्णवन्तो तेजसि च

अहोसहन्ति ॥१७॥

जन्म जुया दिव्य पञ्चकाम सुखद्वारा अनेक प्रकारं
खुशि प्रसन्न जुया च्वना, जि दीर्घायू दुह्य जुया रूप-वर्ण
सम्पन्नह्य व तेजस् दुह्य नं जुल ॥१७॥

थुगु प्रकारं देवपुत्रं थमं यांना वयागु कुशल कर्म
विस्तारपूर्वकं कन । स्थविर नं मनुष्य लोके क्वाहाँ विज्याना
मनूतयेत थमं प्रत्यक्ष रूपं स्वया विज्यागु दिव्य सम्पत्ति
प्रकाश यांना विज्यात । व (उपदेश) न्यना आपालं
यांना स्वर्ग लोकस वना जन्म कावगु जुल ।

१८ अनाह्लियो दुग्गतदीनकोपि,

दानं ददन्तोधिगतो बिसेसं ।

सग्गापवगं यदि पत्थयह्वो

हन्त्वानमच्छेरमलं ददाथाति


॥१८॥

(६६)

(थुगु प्रकारं) जाकि छमना नापं मदुह्य दुखी-
दरिद्रह्य मनुनं नापं दान बिया विशेष (दिव्य सम्पात्त)
साक्षात्कार याना काल (उकिया निर्मित) यदि स्वर्ग मोक्ष
सम्पत्ति प्रार्थना यानागु खः धैगु जूसा मात्सर्य-कप्ति-
नुगःस्यागु भावयात नाश याना दान याय्गु सो । १८॥

दरिद्रया बाले

अष्टम-च्यापु



Dhamma.Digital

देवपुत्रया बाखनस

थ्व छंसिनिसैया आनुपूर्वी कथा

थ्वयां ह्लापा जुलसां नारद सम्यक् सम्बुद्धया समयस
थ्व द्वीप मेगुहे नामं प्रकट जुया च्वन । अवले छगू समयस
जुलसां अनिकाल - दुर्भिक्ष जुल अन्न बांलाक उत्पन्न मजुल
सत्त्व प्राणिपित नये पित्यागु भयं पेलेयात, उगु समयस
नारद तथागतया शासने च्वंह्य छह्य थावक छगू गामे
भिक्षा विज्याना गथे ह्लापा सिला यंकुगु भिक्षा पात्र ख
अर्थेतुं (गामं) प्याहाँ विज्यात । अनंलि छगू गामे मनुत
जाकि छमना कापते पो चिना क्वालखे दाय्का उकियागु
ति जक त्वना जीविका याना च्वन । उगु समयस स्थविर
खना वन्दना याना पात्र कया उगु जाकि जा थुया पात्रे
तया स्थविर यात ल ह्लाना बिल । अनंलि इमिगु थुद्धा
यागु बल-प्रतापं व जासि (हानं) जां सम्पूर्णं जुयावल ।
इमिसं व अश्रयं खना आर्ययात दान वियागुया विपाक-
फल जिमिसं थौं हे खन धका मन प्रसन्न याना आपालं
जनतापि मुंका इमित जा नका लिपा थःपिसं नं नल ।
जा का का थासं (हानं) जायां तुं वल । अवलेस निसें
इमिसं व वःपि मनु तयेत दान व्यु व्युं आयू फुना वनेव
देवलोकस बना जन्म कावन । अले व स्थविरं भोजन

कया जिज्याना छमा सिमा क्वे च्वना भप्यगु शुरू यात ।
 उगु सिमास जन्म जुया च्वंहा छहा देवपुत्र जुलसां आहारां
 पोडित जुया भोजन याना च्वंहा स्थविर खना थःगु
 आत्म भाव तोता बुढा छहासिगु भेष कया वया लिक्क
 वया च्व च्वन । स्थविर होस मतसे भोजन याना च्वन,
 देवपुत्रं अन्तिमगु जाप्ये तोता मेगु नय सिधःबले मुसु
 तया थः अन च्वंच्वनागु भाव सीके बिल । स्थविर व
 खना पश्चाताप चाया व अन्तिमगु जाप्ये वया ह्लाते तया
 बिल । अनंलि वं जाप्ये जाना दना चिन्तना यात, जि
 जुलसां ह्लापा गबलें श्रमण द्राह्मण तयेत अथवा गरीब
 गरुवा तयेत जूसां अन्तिम रूपं को खिचा तयेत नापं
 आहार दान वियावे मनं ज्वीमा, उकिया निर्मित जि थीं
 देवता जुया नापं जा नये मखना च्वन जि थ्व जप्ये
 स्थविर यात हे दान बी, थ्व जित ता काल तक्क
 हित सुखया लागी ज्वीफु धका थथे जुलसां चिन्तना याना
 जाप्येले आशा याय्गु तोता स्थविर याथाय् लिक्क वना
 स्वामि छलपोलया दासयात थुगु लोक यागु संग्रह याना
 बिज्याय् म्वाल, जित परलोक यागु संग्रह याना बिज्याहुँ
 धका धया वसपोलया पात्रेतुं तया विल । अनंलि वैगु व
 जाप्ये पात्रे कुत्युंत्रने मात्र हे स्वंगू* गाउत दुगु थासे दिव्य

* "रतनं तानि सत्त व यट्ठि ता वो सत्तु सभंगाउत मुसभा
 सोति याजनं चतु गाउत" [न्हेंकुया छगू यट्ठि २० गू
 यट्ठिया छगू उसम ८०, गू उसभया छगू गाउत]

मयगु जा थल खने दया वल । देव पुत्रं स्थविर यात
 न्याकुं जोरेयाना वन्दना याना अनंलि दिव्य भोजन कया
 ह्लापा लाक दान बिया लिपा थमं नल । अनंलि देवपुत्रं कन्हे
 खुनुंसिं स्थविर यात व अन मू'वक्को जनतापित नं म्हा
 दानं व्यु व्युं आयूया अन्तस देवलोके जन्म जुया खुगू
 प्रकारया काम स्वर्गस उखें थुखें दिव्य सम्पत्ति अनुभव
 यायां पदुमुत्तर तथागतया पालाय् अनं च्युत जुया वया
 वाराणसो नगरस आपालं धन सम्पत्ति दुह्य मिथ्यादृष्टिह्य
 कुटुम्बिकया छे वना जन्म कावन । देव धका वैत नां
 छुना तल । लिपायागु समयस व ज्ञान दया वयेव वया
 मां बौपि मृत्यु जुया वन । वं लुं माणिक्य मोति आदि
 जाया च्वंगु धुकू आदि स्वया जिमि मां बौ पिस मिथ्या
 दृष्टि जूगुलिं याना थुकिं दान आदि छुं छुं कुशल कर्म
 मयासे परलोक जुया वं बले कानाकौ छःगहे मज्जसे वन जि
 जुलसां व ज्वनाहे वने धका अधिष्ठान याना नार्याखि च्चेके
 बिया गरीब गुरुवा दुःखी दरिद्रत मुंके बिया न्हेनुया दुने दक्को
 सम्पत्ति दान रूपं बिया जङ्गले द्वाहाँ वना ऋषि प्रब्रज्यास
 प्रब्रजित जुया कसिण ध्यान वृद्धि याना न्यागू अभिज्ञा^{१०}

^{१०} न्यागू अभिज्ञा घैगु -

१. इद्धिविध, २. परचित्त विजानन, ३. पुब्बे निवासान
 स्मृति, ४. दिव्य चक्षु, ५. दिव्य श्रोत ।

च्यागू समापत्ति^७ साक्षात्कार याना कया आकाशं वने
 फुह्य जुलं । अले उगु समयस पदमुत्तर घँह्य तथागत
 हंसवती घँगु नगरे वास याना देव ब्रह्मापिसं चाहुयेका
 प्यंगू सत्यं युक्तगु धर्म देशना याना विज्याना च्वन । उगु
 समयस व तपस्वी आकाशं वना च्वंबले आपालं मनूत
 मुना च्वंगु व तथागतया शरीरं प्याहाँ वया च्वंगु खुगू
 रंगया रश्मि खना थ्व छुथें धका आश्रयं चाया आकाशं
 क्वाहाँ वया तघंगु बुद्ध लीलां विराजमान जुया धर्म देशना
 याना विज्याना च्वँह्य तथागत खना प्रसन्नगु मन याना
 धर्म परिषदया अन्तस च्वना धर्म श्रवण याना भगवान
 तथागत यात वन्दना याना थःगु आश्रमेतुं ल्याहाँ वन ।
 अनांलि व अन आयु दतल्ले च्वना आयु फुना वसेंलि तावतिस
 देव भवनस जन्म कया स्वीगू कल्प तक्क दिव्य सम्पत्ति
 अनुभव याना खुगू काम स्वर्गस पालंपा चाह्यु ह्यु न्यी
 छगू आत्मभाव देवराज इन्द्र जुया जन्म काल न्यी छगू
 आत्मभाव चक्रवर्त्ति जुजु जुया मनुष्य सम्पत्ति अनुभव याना
 थुगु बुद्धोत्पाद समयस तथागत परिनिर्वाण जुया विज्याय्

७ च्यागू समापत्ति घँगु -

१. प्रथम ध्यान
२. द्वितीय ध्यान
३. तृतीय ध्यान
४. चतुर्थ ध्यान
५. आकाशानं चायतन
६. विज्ञानं चायतन
७. आकिञ्च ज्ञायतन
८. नैव सँज्ञा नासज्ञायतन ।

घुमेंलि श्रावस्ती नगरस छगू कुले जन्म कया. न्हेदें दुबले
 छह्य भिक्षुं धर्मदेशना याना च्वंगु खनालि वसपोल याथाय्
 वना धर्म श्रवण याना अनित्य भाव साक्षात्कार याना
 कया अन च्व च्वंहे अरहन्त जुया बिज्यात, अनंलि वसपोल
 प्रतिसम्भिदास थ्यंकः बिज्याना थह्यं याना वयागु पुण्य
 कर्म स्व स्व वसपोलं पूर्वाचार्यपि भिक्षुपिनि दथ्वी प्रकाश
 याना धया बिज्यात । उकिं (धया तल):-

१ नारदो किर सम्बुद्धो पुढ्बे आसि नरुत्तमो ।

लोकं दुक्खा पमोचेत्तो बबन्तो भमतं पवं ॥१॥

निर्वाण पद व्यु व्युं लोकजनपित (संसार) दुःखं
 मुक्त यायां मनूतमध्ये उत्तम जुया बिज्याकह्य नारद घंहा
 सम्यक् सम्बुद्ध ह्यापा जुलसां प्रकट जुया बिज्यात ॥१॥

२. तस्मि तु समये तस्स सावको छिन्नबन्धनो ।

भिक्षित्वा दीपके लद्धमाहारं परिभुंजितुं ॥२॥

उगु समये जुलसां भव बन्धनं मुक्त जुया बिज्याह्य
 वसपोल (नारद तथागतया) शिष्य छह्य द्वीप छगुली
 भिक्षा बिज्याना प्राप्त जूगु आहार भोजन भप्यत ॥२॥

३. रुक्खमूलमुपागंछि तत्थासि रुक्खवेवता ।

बुभुक्खिता उदिव्खन्ति अट्टासि तस्स सन्तिके ॥३॥

सिमा छमाया क्वे बिज्यात अन सिमाय् च्वंहा
 देवता छह्य जुया च्वनाह्य (जि) उगु सममस नये पित्याना

चवनां चवने मफया वसपोलया लिवक वना दना च्वं
वना ॥३॥

४ अदासि मे भत्तपिण्डं करुणापूरितन्तरो ।

गहेत्वान ठितो पिण्डं सहमानो खुद तदा ॥४॥

दया - करुणां विलि विलि जागु हृदय दया
विज्याकह्य (वसपोलं) जितः जाप्ये छप्ये विया विज्यात
उगु समयस व ज.प्ये छप्ये जि कया नये पित्यागु सह
याना दना (थये चिन्तना याना) ॥४॥

५. अदिन्नत्ता मयाबुब्बे किञ्चिदानं सुपेसले ।

जिधच्छापीलितो होमि जातो'पि देवयोनिं ॥५॥

जिं ह्यापा - ह्याया शीलवानपित छुं छगू वस्तु
इत्यादि दान याना मवैगुलि याना देव योनी उत्पन्न
जूपानं नये पित्याका चवने माल ॥५॥

६ अज्ज खेतं लुलद्धं मे देय्य घम्मो'पि विज्जति ।

बीजमेत्थ च रोपेमि भवतो परिमुत्तिया ॥६॥

जित थौं पुण्य क्षेत्र बांलाक भेटेजुल दान बीगु
वस्तु नं लहाते दु थ्व संसार दुख मुक्त ज्वीया लागि
थुगु पुण्य क्षेत्रस पुसा पो त्यना ॥६॥

७, इति विन्तिय वन्दिस्वा सामि वो ! दासिया अलं ।

सङ्गहं इध लोकास्मि करोथ पारलोकिकं ॥७॥

थुलि चिन्तना यास्य वन्दना याना स्वामी-भन्ते
 छःपिनि दासयात थुगु लोकस संग्रह याना बिज्याय् म्वाल
 परलोकया लागी संग्रह-उपकार याना बिज्याहूँ ॥७॥

८. इति वरवा अदासाहं भुंजि सोपि वयापरी ।

तेनाहं पुञ्जकम्मेन सुधन्नमन्निं खणे ॥८॥

जि थुलि घया (व जाप्ये वसपोल याततुं) प्रदान
 याना वसपोलनं दया-करुणा पूर्वकं भया बिज्यात जित
 जुलसां उगु पुण्य कर्म याना तुरन्त हे दिव्य भोजन प्राप्त
 जुध ॥८॥

९. ततो चतो छदेवेसुविन्दन्तो महतिं सिरिं ।

विर कालं वसिं तथ वेत्रिद्धिहि समद्भिन्नो ॥९॥

अनं सिना वना खुगू देवलोकस तःधंगु दिव्य ऐश्वर्य
 सम्पत्ति अनुभव यायां देवतापिनिगु ऋद्धि बलं संयुक्त जुया
 अन ताकाल तक्क वास याना च्वना ॥९॥

१०. सत सहस्से इतो कप्ये पदुमुत्तरनामको ।

उत्पज्जि लोकनयनो घम्मराणा तथागतो ॥१०॥

थुगु कल्पं छगू लाख कल्प ह्यापा लोकजन पिनि
 मिखा समान जुया बिज्याकह्य धर्मया जुजु जुया बिज्याकह्य
 पदुमुत्तर नां जुया बिज्याकह्य तथागत लोकस उत्पन्न जुया
 बिज्यात ॥१०॥

११. महिद्धिको तदा आसि तापसो.कानने दने ।

सम्पत्तपञ्चाभिञ्जो आकासेन चरामहं ॥११॥

उगु समयस जि न्यागु अभिज्ञास थ्यंह्य जुया तःधंगु
ऋद्धि दुह्य जुया महानगु वन जंगलस तपस्वी छह्य जुया
आकासं वना चवनावले ॥११॥

१४ तदाकासेन गच्छन्तो रम्मे हंसवती पुरे ।

बुद्धरंसो परिविखत्तं केतुमालाविलासितं ॥१२॥

उगु समयस आकासं वना च्वच्व रमणीयगु हंसवती
नगरस बुद्धरश्मि छचाखेरं फेले याना ध्वाय् माःथे बांलाना
च्वंगु ॥१२॥

११. देवसङ्घ परिब्वूह्लं देसेत्तं अट्टसं जिने ।

ओत्तरिस्वान नभसा टितो'हं परिसत्तके ॥१३॥

देवता संघ पिसं चाहुयेका (धर्म) देशना याना
बिज्याना च्वंह्य तथागत खना जि आकासं क्वाहाँ वया
परिसद पिनि सिथे च्वं च्वना ॥१३॥

१४. धम्मं सुत्वा उदग्गो'हं काल कत्थान सत्थुनो ।

ततो चुतो पपन्नोस्मि तावत्तिसे मनोरमे ॥१४॥

जि तथागतया धर्म न्यना च्वे थ्यंगु मन जुया
सिन वना - हानं अननं च्युत जुया वना बांलागु तावत्तिसे
देवलोकस वना उत्पन्न जूवना ॥१४॥

१५ तिस कप्प सहस्सानि चरंतो देवमानुसे ।

दुर्गतिं नामिजानामि लभामि विपुलं सुखं ॥१५॥

स्वी दोल कल्प तक्क देव मनुष्य लोकस चा चा
ह्यु जुया तःधंगु (देव मनुष्य) सुख प्राप्त जुल जि दुर्गति
धंगु सिहे मसिया ॥१५॥

१५. एकपञ्चासतिवखत्तां देवरज्जमकारयिं ।

अथेक वीसतिवखत्तां चक्कवत्ती अहोसहं ॥१६॥

जि जुलसां न्ये छको देवलोके राज्य याना हानं
न्यी छको चक्रवर्ति जुजु जुया जन्म कया ॥१६॥

१७ पदेसरज्जमकासाहं बहुवखत्तुं तहिं तहिं ।

इमस्मिं भट्टके कप्पे निब्बुतेसुतथागते ॥१७॥

जि उगु उगु थासे आपालं वार प्रदेश राज्य याना
वया थुगु भद्र कल्पस तथागत महापरिनिर्वाण जुया
विज्याय् धुंकुस्येलि ॥१७॥

१८ चोदितो पुञ्ज कम्ममेन सावत्थि पुरमुत्तमे ।

उत्पज्जित्वा कुले सेट्ठे जातिया सत्तवस्सिको ॥१८॥

पुण्य कर्मया बलं ध्वाका उत्तमगु श्रावस्ती नगरस
अति श्रेष्ठगु कुलस जन्मकया उत्पन्न जुया न्ह्येदं दया
वस्येलि ॥१८॥

१९ सुत्था धम्मं कथेन्तस्स भिक्खुस्सञ्जतरस्सहं ।

भवस्स तं करित्तवान अरहत्तमपापुणिं ॥१९॥

जि जुलसां धर्म देशना याना विज्याना च्वंहा छहा
 भिक्षुयागु (उपदेश) न्यना भव ससार यागु अन्त याना
 अरहन्त भावस थ्यंकः वना ॥१६॥

२०. सुदिन्नं मे तदा वामं सुस्सुतं धम्ममुत्तमं ।

दुक्खस्सत्त अकासा'हं तस्स कम्मस्सवाहसा'ति ॥२१॥

उगु समयस जि दान बांलाक याना वया उत्तमगु
 धर्म बांलाक न्यना वया, जिगु उगु पुण्य कर्मया विपाक
 यागु हेतुं याना (संसार) दुःख अन्त याना छ्वया ॥२०॥

थुगु प्रकारं जुलसां धया आपाल जनतापित कुशल
 कर्मस लगे याना विल ।

२१. दानेन'पेवं च्चिस्समायपिण्डया,

सवणाय धम्मस्स मुहुत्तकेन ।

लभन्ति सत्ता तिबिधम्मि सम्पदं

फलं वदे को बहुदायकस्स भो

॥२१॥

भो सज्जनपि ! थुगु प्रकारं अन्तिमगु जाप्ये छप्ये
 जक दानयाना नापं हान क्षणभर जक धर्म श्रवण यानागुलि
 नापं सत्व प्राणिपित्तं (दिव्य मनुष्य निर्वाण) स्वंगू प्रकारया
 सम्पत्ति नापं लाभ जुल । आपालं दान व्यूषित प्राप्त
 ज्वीगु फल विपाक यागु खँ सुनां जक ह्हाय् फै ? ॥२१॥

देवपुत्रया बालं

नवम-गुपु

(८०)

सीवलि स्थविरया वाखनस

ध्व छत्तिनिसेया आनुपूर्वा कथा

थनि जुलसां छगू लाख कल्प ह्यापा धर्मदेशनाद्वारा सत्व प्राणिपित अमृत महा निर्वाणस छ्वया बिज्याइह्य पदुमुत्तर घँह्य शास्ता तथागत लोकस उत्पन्न जुया बिज्यात । उगु समयस तथागतं हंसवती नगरस जुजु सहितगु परिसद पिनिगु दध्वी छह्य भिक्षुयात लाभ सत्कारपनि दध्वी दकले अग्रगु पदवी तथा बिज्यात । उगु समयस जुजु व खना उगु पद इच्छा याना बुद्ध प्रमुख भिक्षु संघपित महादान बिया भगवान तथागतया पालिकवे छ्यल चुया भवसुना चवन, अनलि वैत तथागतं “अनागत काले गीतम तथागतया शासनस उगु पदवि (छंत) लाभ ज्वी” धका धया भविष्यवाणी याना बिज्यात । व खँ न्यना प्रसन्न जूह्य जुजु पुण्य कर्म याना देवलोके वना जन्म कावन । अन लिपायागु समयस वाराणसी, नगरस महाजन पुत्र जुया दोछिह्य प्रत्यक बुद्धपित जन्मकाछि प्यंगू प्रत्ययद्वारा सेवा सत्कार याना देवलोकस जन्म कया तःधंगु सम्पत्ति अनुभव याना अनं च्युत जुया बया विपस्सि तथागतया समयस बन्धुमती नगरस छगू कुल गृहस जन्म जूवन । व उगु समयस सेनापति यागु थासे

(८१)

च्वना थ मालिक यागु ज्या याना च्वन । उगु समयस
 नगरे च्वंपि उपासकपिसं विपस्सी सम्यक् सम्बुद्ध याथाय्
 वना वन्दना याना भन्ते भगवान श्रावकपि सहित जिमित
 अनुग्रह याना बिज्याहुँ धका कन्हे खुनुया लागी भोजन
 यात निमन्त्रण याना महादान बिया सकलें छगू मत जुया
 भगवानयालागी अत्यन्त योग्यगु महा परिवेण-विहार दयेके
 बिया परिवेण उद्घाटन उत्सवस महानदान बिया च्ववले
 दान बिया च्वंथाय् थ्व वस्तु छगूला मटुका धका धाय् मफक
 दान तैय्यार याके बिया दान ब्यूथाय् वना स्वया न्हूगु
 धौ व कस्ति मखना मनूतयेत सःता दोछि दां बिया
 धौ कस्ति याकनं माला हति धका छ्वया बिल । इपि
 दोछि साईं दां ज्वना वना धौ कस्ति उगु उगु थासे
 वना मा जुजुं नगरया ध्वाका याथाय् वना च्वं च्वं
 वन । उगु समयस थ्व सेनगुप्तं जुजुयात भोजन सहित
 धौ कस्ति ज्वना वना च्व च्वं (नगरया) ध्वाकाय् थ्यंकः
 वन । अले इमिसं धौ कस्ति खना भो पुरुष ! दां कया
 थ्व जिमित ब्यु धका याचना यात । वं बीमखु धका धाय्
 दां बढेयाना यंकु यंकुं दोछि तक्क बिया हति धाल ।
 अनाल सेनगुप्तं थुमिसं आपा मूमवंगु वस्तु यात दोछिमछि
 दां बिया हति धाल छिमित थ्व छु याय्त धका न्यन ।
 इमिसं सम्यक् सम्बुद्धया लागी धका धाय् अथे जूसा जि
 हे दान बी धका जी चुं मले चुं सहित साखः कस्ति
 फाणित अदि नापं तया दान ब्यूथाय् यका बिल । व

शास्तायागु आनुभावं याना बुद्ध प्रमुख ख्वी च्यादोह्य भिक्षु
पित समेत गाना वन । अनंलि व उगु पुण्य कर्म याना देव
मनुष्य लोकस सम्पत्त अनुभोग याना लिपा यागु समयस
की भगवान बुद्धया समये कोलिय नगरस महा लिच्छव
जुजुया तरफं सुप्पवासा घेह्य वडामहारानीया गर्भे जन्म
कावन । व जुलसां न्हेदँ तक्क मांया गर्भे च्वना न्हेनु तक्क
मच्चा ब्वीमफया महान दुःख कष्टसिल । मांया गर्भे प्याहाँ
वःह्य वयात वया मां बी पिसं सीवली धका नां छुना
तल । शृगु प्रकार महान पुण्यवानह्यस्या थुलिमच्छि सम्य
तक्क मांया गर्भे च्वना दुःख सीमागु थमं याना वःगु
पापया कारणं हे खः । वं जुलसां अतीत समयस जुजु
जुया थः शत्रु जुजु नाप लडाई त्वात्वां माँम्हनाप
सल्लाह यात । माँम्हस्यां नगरया छ्चाखेरं घेरा विया
शत्रु जुजु यात ज्वना काय् फईधका उपाय स्यना बिल ।
व जुजुं नं वया मांया वचनं नगरया छ्चाखेरं घेरा
विया न्हेनु दुखुनु (शत्रु जुजुयात) ज्वनाकाल । उगु
पाप कर्मया बलं याना मां काय् निम्हसित नं थथिज्यागु
महानगु दुःख सीमाल । अनंलि व महारानीं पुत्र
उत्पन्न ज्वीतेका न्हेनु दुखुनु भगवान तथागतयात अनुस्मरण
याना सुखपूर्वकं बोळं मुक्त जुल । संतोष जुया व (महारानीं)
न्हेनु दुखुनु बुद्ध प्रमुख भिक्षुसंघपित महादान बिल । अनंलि
वया काय् न्हेदँ दुबले छें पिहाँ वया शास्ता खना
प्रवज्या फवन । शास्ता तथागतं सारिपुत्र स्थविरयात

लःलहाना विल । अनंलि सारिपुत्र स्थविर उपाध्याय
मौद्गल्यायन स्थविर आचार्य जुया प्रब्रजित जुल । अनंलि
व छच्चले च्वंगु सँ खाय् साथ हे अरहन्त जुया विज्याना
बुद्ध शासन यात शोभायमान याना विज्यात । वसपोल
न्हापा याना विज्यागु पुण्ययागु आनुभावं याना महान
प्रज्ञावान जुया विज्यात । लाभीपिनि दध्वी दकले अग्र-
उत्तमह्य जुया विज्यात । अनंलि छगू समयस तथागत
रेवत स्थविर नापलाय्त खदिर वन विहारे विज्याय्त
स्त्री दल भिक्षुपि नाप स्त्रीगू योजन दुगु वांछ्वया तःगु
रेगिम्तानस थ्यंकः विज्यात लः मदुगु स्वल्प भोजनगु (रेगिस्तान
जुया चवन) आपालं याना देवतापि सीवली स्थविर खना
प्रसन्न जू उकिं तथागत सीवली स्थविरयात न्ह्योन्ह्यो तथा
चारिका चाह्यु विज्याई देवतापिसं दयेका व्यूगु विहारे
वासयाना देवता पिसं तय्यार याना व्यूगु भोजन अनुभव
याना रेवत स्थविर दुथाय् थ्यंकः विज्याना वनागु ज्या
सिधेका जेतवन विहारेसतुं ल्याहाँ विज्याना (वसपोल सीवली
स्थविर यात) लाभी पिनि मध्ये दकले अग्रु पदवी तथा
विज्यात उकिं अपदानस थथे धयातलः-

१. पदुमुत्तरो नाम जिनो सब्बधम्मेषु चक्खुमा ।

इतो सतसहस्रिंहि कप्पे उप्पज्जि नायको ॥१॥

थनिं छगू लाख कल्प ह्लापा सकल (जेय) धर्मस हृदय चक्षु
दया विज्याकह्य, लोकया नायो जुया विज्याकह्य, पदुमुत्तर धँगु
नां जुया विज्याकह्य तथागत लोकस उत्पन्न जुया विज्यात ॥१॥

२. सीलं तस्स असङ्खेय्यं समाधिबजरूपमो ।

असंखियं ज्ञाणवर विमुत्ति च अनोपमा ॥२॥

वसपोल पदुमुत्तर तथागतया शील (निनां नीमफेक)
असंख्येय्य जुया च्वन, समाधि जुलसां वज्रायुध समान जुया
च्वन, उत्तमगु ज्ञान अप्रमाण जुयाच्वन, विमुक्ति नं उपमा
वियां बोथाय् मदया च्वन ॥२॥

३. मनुजाभरनागानं ब्रह्मानं च समागमे ।

समणब्राह्मणाकिण्णे धम्मं देसेति नायको ॥३॥

लोकया स्वामि जुया बिज्याकहा वसपोल सर्वज्ञ
तथागत श्रमण ब्राह्मणपिसं चाहुएका मनुष्य देव नागतयेगु
व ब्रह्मापिनिगु समागम सभास धर्मदेशना याना बिज्यात ॥३॥

४. ससावकं महालाभिं पुञ्जवन्तं जुतिग्धरं ।

ठपेसि एतदग्गम्हि परिसासु विसारदो ॥४॥

विशारद प्रज्ञा दया बिज्याकहा वसपोल सर्वज्ञ तथागत
(जुजुपि सहितगु) परिसद पिनि दग्धी पुण्य दया बिज्याकहा
(शील समाधि रूपी) तेजस-ज्योति दया बिज्याकहा
आपालं लाभ सत्कार दुह्य श्रावक यात एतदग्ग पदविस
तया बिज्यात ॥४॥

५. तदाहं वसितियो जासि नगरे हंससङ्घे ।

सुत्वा जिमस्स तं वाक्यं सावकस्स गुणं बहुं ॥५॥

उगु समयस जि हंसधतो धैगु नगरस क्षत्रिय जुया
 च्वना (पदुमुत्तर) तथागतया उगु वचन वसपोल श्रावक्यागु
 अपालं गुण न्यना ॥५॥

६. निमन्तयित्वा सत्ताहं भोजयित्वा ससाधकं ।

मदा दानं ददिस्थान तं ठानमभिपत्थयि ॥६॥

श्रावकपि सहित (पदुमुत्तर तथागत) निमन्त्रणा
 याना न्हेनु तक्क भोजनयाका महा दाननं विया उगु (अग्र
 श्रावक) पदवि प्रार्थना याना ॥६॥

७ तदा मं विनतं पावे दिस्थान पुरिसासभो ।

सरेन महता वीरो इदं वचन मब्रुवी ॥७॥

उगु समयस पुरूषोत्तम जुया विज्याकहा वसपोल
 सर्वज्ञ तथागत (थःगु) चरण कमलस वन्दना य ना च्वनाहा
 जि खना (ब्रह्म) स्वर पिकया विज्यास्य थुगु वचन
 आज्ञा जुया विज्यात ॥७॥

८. ततो जिनस्स वचनं सोतुकामा महा जना ।

देवदानव गन्धर्वा ब्रह्मानो च महिद्धिका । ८॥

अनंलि पञ्चमारयात त्याका विज्याहा-जिन तथागतया
 वचन न्यने योपि आपालं जनतापि व देव दानव गन्धर्वत
 व महान ऋद्धि दुपि ब्रह्मा देवतापि नं ॥८॥

९ समण ब्राह्मणाश्चापि नमस्सिं सु कतइअस्मि ।

नमो ते पुरिसाज्जइ नमो ते पुरिसुत्तइ ॥९॥

(८६)

श्रमणः ब्राम्हणः पिपनं ह्ला विन्ति याना पुच्छ श्रेष्ठ
 जुया विज्याकम्ह छलपोलयात नमस्कार, पुच्छोत्तम जुया
 विज्याकम्ह छलपोलयात नमस्कार ज्वीमा धका धया
 नमस्कार याना च्वन ॥६॥

१०. खत्तियेन महा वानं विघ्नं सत्ताहिकंम्वि वो ।

सोतु कामो फलं तस्स व्याकरोहि महामुने ॥१०॥

महामुनि जुया विज्याकम्ह भो तथागत ! जुजु
 पिसं ह्हेनु यंकं महादान बिल व दानयागु फल-विपाक
 न्येनेगु इच्छा याना च्वना आज्ञा जुया विज्याहुं । १०।

११. ततो अवोच भगवन् सुणाथ मम भासितं ।

अप्यमेयमिह बुद्धस्मि ससङ्गमिह पतिट्ठिता ॥११॥

अनंलि तथागतं आज्ञा जुया विज्यात जिगु वचन न्यो
 अप्रमाणगु (गुण दुमि) संबधि सहित बुद्धयात (गुण दक्षिणा-
 दान) प्रतिष्ठित जुल ॥ ११ ॥

१२. दक्षिणास्तय को वत्ता अप्यमेय्याफला हिमा ।

अधि चेषु महत् भोगो ठानं पत्थेति मुत्तम ॥१२॥

१३. लाभी विबुस लाभी नंघवा पिण्डु सुवस्समो ।

तस्माह'मि मयेयमिह लच्छत्ते तं अत्तागते ॥१३॥

उगु-दक्षिणा-दान सम्बन्धि (आनिसस-विपाक)
 सुनांजक वयान याक् फे ? (फेहेमखु) गुकिया निमित्त उग
 दानंया अप्रमाण (प्रमाणहे मदुगु) फल विपाक दुगु जुल

(उकिया निर्मित) मेगुनं सुदर्शन भिक्षु गथे ख अथे हे
 जिन् आपालं (चतुर्प्रत्यय) लाभिपिनि दथ्वी अग्रह्य लाभ
 दुह्य ज्वीदय्मा धका थ्व महानगु भोग सम्पत्ति दुह्य जुजुं
 व उत्तमगु अग्र पदवि प्रार्थना यात भविष्य समग्रस व
 अग्र्ग पदवि (थुगु दानया प्रभावं) छं साक्षातकार याना
 काय् फे ॥१२-१३॥

१४. सतसहस्रे इतो कप्पे ओक्काक कुलसम्भयो ।

गोतमा नाम नामेन सत्था लोके भविस्सति ॥१४॥

थनि छगू लाख कल्पलिपा इक्षाकुवशस उत्पन्न जूह्य
 नाम गोतम नां जुयाच्चह्य शास्ता-तथागत लोके प्रकट
 ज्वी तिन ॥१४॥

१५. तस्स धम्मेषु दायादा ओरसो धम्मनिम्मितो ।

सीवली नाम नामेन हेस्सति सत्थु सावको ॥१५॥

वसपोल तथगतया नव लौकोत्तर धर्मस अस दुह्य
 कुशल धर्मया हेतु-कारण जुया च्वह्य बुद्धपुत्र सीवली नां
 जुया च्वह्य तथागतया श्रावक-शिष्य ज्वीतिनि ॥१५॥

१६. तेन कम्मेन सुकतेन चेतनापणिघोहि च ।

जहिस्सा मानुसं देहं तावत्तिसूयगो अहं ॥१६॥

भिकथं याना वयागु उगु कुशल कर्मयाना व चित्तया
 प्रतिज्ञां याना जि मनुष्य शरीर त्याग याना तावत्तिस देवलोके
 वना जन्म कावना ॥१६॥

१७ ततो परस्मि समये वाराणसिपुस्तने ।

सेट्टिपुत्तो अहं भासि भङ्गप्पत्तो महा धम्मो ॥१७॥

अनं भक्ता लिपा जि जुलसां वाराणसी उत्तममु
नमस्स आपालं धन सम्पत्ति दुह्व अधिपति साहु महाजन
छम्ह जुया च्वचना ॥१७॥

१८ सहस्समत्ते पञ्चकेकभायके च निमग्गित्थ ।

मधुरेनन्नपानेष सन्तप्पेसि तदा दरो ॥१८॥

उगु समयस दोह्विह्वति प्रत्येक बुद्धपि निमन्त्रणा
याना मधुरगु-सागु अन्नपान भोजनं आदर - गौरवपूर्वकं
दोह्वल्लपा ॥१८॥

१९. ततो चतो छ कामगे अनुभोसि महायस ।

देवचक्षरा वरिवुत्तो पासादे रतनामये ॥१९॥

अनं सिनावना खुगु काम स्वर्गस रत्नं दयेकातःगु
प्रासाद-दरवारस देव अप्सरापिसं चाहवेका तःधंगु यश-
ऐश्वर्य अनुभव याना च्वना ॥१९॥

२०. एवं अचिन्तिया बुद्धा बुद्ध धम्मा अचिन्तिया ।

अचिन्तिये पसंभानं विपाकी होतचिन्तियो ॥२०॥

थुगु प्रकारं भगवान बुद्ध चिन्तना यानां यायु
थाकुगु गुण दया विज्यात, बुद्ध आज्ञा जुया विज्यागु च्ये
प्यदोगु धर्मस्कन्धयानं चिन्तना यानां यायु मफुगु गुण दवा
च्वनं, (हानं) चिन्तना यानां यायु मफुगु गुण कुगु त्रिरत्तस

प्रसन्न जूर्पित (प्राप्त ज्वीगु) फल-विपाक यागु नं चिन्तना
यानां याय् फैमखु ॥२०॥

२१. एक नवते इतो कप्ये विपक्षी लोकनायको ।

उत्पज्जि चारुदस्सो सन्न घम्म विपस्सको ॥२१॥

थनि गुई छगू कल्प ह्लापा विशेष रूपं धमंयात
खका कया विज्याकह्य, स्वेहे ययापुस्य च्वना विज्याकह्य,
विदर्शी घैह्य तथागत (लोकस), उत्पन्न जुया विज्याति ॥२१॥

२२ तदाहं बन्धुमतिया कुलस्सञ्जतरस्स च ।

दायतो पत्थितोपुत्तो आसिं कम्मस्तव्यावटो ॥२२॥

उगु समयस जि बन्धुमती नगरस छुं छगू कुलया
थ.थिति पिसं यागु दया-करुणा दुह्य, मां बौपिसं प्रार्थना
याना दुह्य, ज्याखँ मामलास लगे जुया च्वनाम्ह पुत्र छम्ह
जुया च्वन ॥२२॥

२३. तदा अञ्जतरो पूगो विपस्सिस्स महेसिनो ।

परिवेणं अकारेसिं महत्तमिति विस्सुतं ॥२३॥

उगु समयस छुं छगू तःधंगु जनसमूह विदर्शि तथागत
यात महान-तःधंघका प्रख्यान्त जुया च्वगु परिवेण-विहार
दयेके बियः ॥२३॥

२४. निट्टिते च महादानं दवं खज्जक संयुतं ।

नवं दधिमधुं चे'व विचिन्नेव भद्दस ॥२४॥

(विहार) सिवेकालि जुलसां न्हगु त्वनेगुलि संयुक्त
जुयाच्वंगु त.घंगु दान बिया चवनाबले (थन छु मद्दु घका)
माला स्वयाबले न्हूगु धी कस्ति मखना । २४॥

२५. तदा हृतं गच्छेत्थान नवं वधि मधुं पि च ।

कम्मसाभि घरं गच्छि तमेसन्ता ममद्दसुं ॥२५॥

अबले जि व न्हूगु धी व कस्ति नापं जोना थः
मालिकया छे वना चवना व (न्हूगु धी व कस्ति) मावःपिसं
जितः खंकल ॥२५॥

२६. सहस्रं पि च वत्थान मलमिसु च तश्चयं ।

ततो एवं विचिंतेसि मेतं हेस्सति ओरकं ॥२६॥

दोछिसाई दां बिलं नं व निता (इमित) प्राप्त
मजुल उकि थथे चिन्तनां याना थ्व जुलसा चीघंगु ज्या
मखु ॥२६॥

२७. यथा इमे जना बब्बे सक्करोन्ति तथागतं ।

अहम्पि कारं करिस्तामि तसंघे लोकनायके ॥२७॥

गथे थुपि सकलें मनूत तथागतयात सत्कार याना
चवन जिनं श्रावक संघपि सहित लोकया नायो जुया
बिज्याकत्था शास्तायात छगू सत्कार याना बी घका ॥२७॥

२८. तदाहमेवं चिन्तेत्वा वधि मधुं च एकतो ।

योजेत्वा लोकनाथस्स तसंघस्स भवासहं ॥२८॥

(६१)

अत्रले जुलसां जि थथे चिन्तना याना धी व कस्ति
व छगुली त्वाक छ्याना संघपि सहित लोकयानाय जुया
विज्याकहा शास्तायात प्रदान याना बिया । २८ ।

२९. तेन कम्ममेन सुकतेन चेतनापनिर्घोहध्व ।

जहिस्वामानुसं वैहं तावतिथे मगंघेहं ॥२९॥

भिमु याना वैगु कुशल कर्म याना व चित्तयागु
अधिष्ठान याना मनुष्य शरीर तोता जि तावतिस देव
लोकस वना ॥२९॥

३०. पुमाहं धाराणस्त्रियं राजा हृषीकेश महायती ।

ससु कस्स तथा वट्टो द्वाररोध भकारपि ॥३०॥

जि हान वाराणसी नगरया आपालं यश ऐश्वर्यं
सम्पति दुम्ह जुजु जुयः जन्म कथा उगु समयस शत्रु
जुजु छम्हसित तम (नगरं प्याहाँ वये मजीक) ध्वाका
प्वा तिना बिया ॥३०॥

३१. ततो सपला नी वट्टा ससाहं रविजिता अहं ।

ततो तस्स विपाकेन पापं तं विरयं भुसं ॥३१॥

अनलि जिमिसं (नगरं प्याहाँ वये मजीक) प्वातिना
तयाम्ह शत्रु जुजुयात न्हेमुतक्क (गुकि याना नगरं पिने
वये मजीक) पा, च्वं च्वना उकि-उगु अकुशल विपाकं
याना व्वातुगु-ककषगु व नरक महानगु दुःखस ध्यकं:
वना ॥३१॥

३२. पच्छिमे च भवेदानीं जातो हं कोलिये पुरे ।

सुप्रवासा च मे माता महानि लिच्छवी

पिता ॥३२॥

जि आ ध्व अन्तिमगु जन्मस कोलिय नगरे जन्म
जुया जिमि मांया नां सुप्रवासा (महारानी) खः बौ
महाली लिच्छवी जुजु खः ॥३२॥

३३. खलिये पुञ्ज कस्मेन द्वार रोघस्स बाहसा ।

सत्तावस्सानि निर्वासि मातुकुच्छिन्धि

बुद्धिखतो ॥३३॥

कुशल कर्म याना क्षत्रिय कुलस (जन्म जुया)
नगर ध्वाका तिना बियागु अकुशल कर्म याना न्हे दं
तक्क दुःखी जुया मांया प्वाथे वास याना । ३३॥

३४ सत्ताहं द्वारमूहो'हं महादुक्खसमप्पितो ।

माता मे छन्वदानेन एवमासि सुदुक्खता ॥३४॥

जि जुलसां न्हेनु तक्क गर्भं भुले जुया तःधंगु दुःख
युक्त जुया च्चन्ना जिमि मां न (नगर ध्वाका तीत) राय
व्यूगुलि याना थुंगु प्रकारं तःसकं दुःख कण्ट सी माला
वन ॥३४॥

३५. सुवत्थितो'हं निक्खन्ता बुद्धेन अनुकम्पितो ।

निक्खन्तदिवसेयेव पब्बजि अनगारियं ॥३५॥

(६३)

बुद्धं "सुप्पवासा कोलिय धीता सुखिनी अरंगा
 अरोगं पुत्तं विजायतु" इत्यादि धया विज्यासे कनुकम्पा
 तथा विज्याय्व जि सुखपूर्वकं (मांया प्वाथं) प्याहाँ वया
 (गृहस्थ भावं) प्याहाँ वंखुनु हे गृहस्थ जोवनं मुक्तगु
 प्रब्रजित जूवना । ३५।।

३६. **उप्पज्जासारिपुत्तो मे मोग्गस्लानो महिद्धिको ।**

केसे ओरोपयत्तो मे अनुसासि महामति ॥३६॥

जित सारिपुत्र स्थविर उपाध्याय जुया विज्यात
 महान ऋद्धि दया विज्याकह्य तःधगु प्रज्ञा दया विज्याकह्य
 मौद्गल्यायनं स्थविरं जिगु सँ खाना विज्यात जितः
 अनुशासन नं याना विज्यात । ३६।।

३७. **केसेसु छिज्जमानेसु अरहत्तमपापुणि ।**

वेधा नागा मनुस्सा च पच्चयेमुपनेत्ति मे ॥३७॥

सँ खाय् धुने साथं (जि) अरहन्त भावस थ्यंकः
 वना देवतापिसं, नागतय्सं, सनूतय्सं प्यंगू प्रत्ययद्वारा जित
 उपस्थान सेवा सत्कार यात । ३७।।

३८. **पदुमुत्तर मायञ्च विपसिञ्च विनायकं ।**

सम्पूजयिं पमुद्धितो पच्चयेहि विसैसतो ॥३८॥

पदुमुत्तर बुद्ध व विपश्ची तथागतपित प्रसन्नगु मन
 याना विशेष जुम्हा च्वंगु प्यंगू प्रत्ययद्वारा बांलाक पूजा
 याना । ३८।।

३९. ततो तेसं बिसेसेन कम्मानं विपुलुत्तमं ।

लाभं लभामि सम्प्रत्य वने गामे जले धले ॥३९॥

अनलि उगु (कुशल) कर्मया विपाकं याना जंगले
गामे लक्ष्णे भूमि दक्को घासे महानगु उत्तमगु (प्यंगु प्रत्यय
यागु) लाभ विशेष रूपं प्राप्त याना कया ॥३९॥

४०. रेवतं दस्समत्थाय यदा याति विनायको ।

तिससिक्खु सहस्सेहि सह लोकनायको ॥४०॥

गवले जुलसां लोकया नायो जुया बिज्याकह्य सम्यक
सम्बुद्ध तथागत स्वी दोल भिक्षुपि नाप रेवत स्थविर
नापलाय्या लागी विज्यात ॥४०॥

४१. तदा बेवो पनीतेहि ममत्थाय महामति ।

पच्चयेहि महावीरो ससंधो लोकनायको ॥४१॥

४२. उपट्ठितो मया बुद्धो गन्त्वा रेवतमहस ।

ततो जेतवणं गन्त्वा एतदग्गे ठपेसि मं ॥४२॥

उगु समयस जिगु प्रयोजनया लागी देवतापिसं हःगु
प्यंगु प्रत्ययद्वारा महानगु प्रज्ञा दया बिज्याकह्य महावीर
जुया बिज्याकह्य संघपि सहित लाकया नायो जुया बिज्याकह्य
तथागत यात्त जि उपस्थान याना, रेवत स्थविर नापलाना
अनलिपा जेतवणे बिज्याना जितः अग्रगु 'एतदग्ग' पदविस
तया बिज्यात ॥४१-४२॥

४३. लाभीनं सीवली अगो मम सिस्सेसु भिक्खवो ।

सब्बलोकहितोसत्था कित्तयि परिसांसु मं ॥४३॥

सकल लोकजनपित हित याना बिज्याईह्य शास्ता
तथागतं भिक्षुगणपि ! जिह्य शिष्यपिनि दथ्वी लाभ जूषि
भिक्षुपिनि मध्ये सीवली स्थविर दकले अग्र-श्रेष्ठ धका
परिसदपिनि बिच्चे जितः प्रकाशित याना बिज्यात ॥४३॥

४४ किलेसा कापिता मय्हं भवा सब्बे समूहता ।

नागो'व बन्धनं छेत्वा बिहरामि अनासवो ॥४४॥

जि (सकल) क्लेशयात भस्म याना छ्वे धुन सकल
भव संसार नाश याना छ्वे धुन बन्धनं मुक्त जूह्य किसि
थें (कामादि) आस्रवं रहित जुया वास याना च्वना ॥४४॥

४५. सागतं वत मे भासि बुद्धसेट्टस्स सन्तिकं ।

तिस्सो बिज्जा अनुप्पत्ता कत बुद्धस्स सासनं ॥४५॥

श्रेष्ठह्य बुद्धया समीपस निश्रय नं बांलाक थ्यंकः
वया (पूर्व निवासानुस्मृति ज्ञानादि) स्वगू विद्या छसिनिसें
साक्षात्कार याना काय् धुन, सर्वज्ञ तथागत बुद्धया
(अववादानु शासनरूपी) शासनस (अहत मार्ग ज्ञानन)
सफल याना काय् धुन ॥४५॥

४६. पटिसम्भवा चतस्सो'पि विमोक्खा'पिअ मट्टिमे ।

छलभिञ्जा सच्छिक्कता कतं बुद्धस्स

सासनन्ति ॥४६॥

(अर्थ प्रतिसम्भदा निरुक्ति प्रतिसम्भदादि) प्यंगू
 प्रतिसम्भदा व (प्यंगू मार्गं प्यंगू फलया रूपं) च्यागू
 विमोक्ष धर्म व (ऋद्धि विघ्न, दिव्य श्रोतादि) खुगू अभिज्ञा
 धर्म नं जिं साक्षात्कार याना काय् धुन (उर्कि) बुद्ध
 तथागतया शासनस (अर्हत मार्गं ज्ञान लाभ याना काय्गुया
 रूपं) ज्या व्याक्क सफल याना काय् धुन ॥४६॥

आयुष्मान सीवली स्थविरं थुगु प्रकारं जुलसां थुपि
 गाथात आज्ञा जुया बिज्यात ।

४७. सुत्वान एतं चरितं महग्भुतं,
 पुञ्जानुभावं च सिरिसिरिमतं ।
 हित्वा कुसीतं कुसलं करोष भो,
 कामत्थ कामं भव भोगनिव्युत्तिगित्ति ॥४७॥

भो सज्जनपि ! महान आश्चर्यगु थुगु (सीवली)
 चरित्र (थथि ज्यापि) श्रीमान पिनिगु पुण्य महिमा व
 श्रीसम्पत्ति नं न्यना भवभोग सम्पत्ति व निर्वाण सम्पत्ति
 समेतं इच्छा यानागु खःसा आलसि भाव तोता एकान्तं-
 निश्चय याना कुशल कर्म याय्गु सो ॥४७॥

सीवली स्थविरया वाखं
 दशम-फिपु

महासेन जुजुया बाखनस

थ्व छसिनिसैया आनुपूर्वी कथा

भगवान तथागत महापरिनिर्वाण जुया विज्याय
घुंकुसेलि पाटलि पुत्र नगरस धार्मिक धर्म राज्य याना
च्वंह्य महासेन घेह्य जुजुं राज्य याना विज्याना चवन ।
वसपोल जुजु जुलसां थः बौ बाज्या आदि पिनिगु धनरासि
खना 'थुमिसं थ्व सम्पत्ति धन दौलत (व्याक्क थनंतुं)
तोता मृत्युया म्हुत्वी लावन, अहो ससरिक मनूतयेगु
अज्ञानता, धन तोता थःगु विनाश व थःत तोता धनयागु
विनाश ज्वीगु भाव मस्यू खनी सम्पत्ति दया वंगु व विनाश
जुया वनीगु सकल चिन्तना याना धर्म श्रवण याना श्रद्धा
लाभ याना ह्लि फिदो भिक्षुपित मधुरगु अन्नपानं सन्तर्पण
यायां अनेक प्रकारगु पुण्य सञ्चय यायां छन्हुया दिनस
एकान्ते याकःचा गुप्तगु थासे च्वना थथे चिन्तना याना
विज्यात । "थुगु प्रकारं जुजु जुया हुक्म चलेयाना जनता
पित पोडा बिया, बियागु दानया सिकं थःगु ह्लाति हे
ज्या याना प्राप्त जूगु धनं बियगु दानस महान फल
महान आनिसंस दै धका, जि थथे याय् माल" धका ।
वसपोलं थ विश्वासिह्य मन्त्री छह्यसित राज्य लःह्लाना

थः किजा छह्य बोना सुनानं मसोक सुनानं हामस्युगु भेष
कया नगरं प्याहाँ वना उत्तरमधुर धैगु नगरस विज्यात ।
अन आपालं धन सम्पत्ति दुह्य महाजन छह्य वाम याना
च्वन । इपि महाजनया थाय् वना दना च्वं वनेव वं छुया
निमित्त वयागु धका धाय्व जुजुं छंगु छेँ च्यो ज्या याय्या
लागी वयागु धका धाल । अनंलि व अनुमति वोका सो दँ
तक (अन च्वना) च्यो ज्या यात । अनंलि छन्हुया दिनस
महाजनं इमित सःता “छिपि सापहे सुकुमार अथे जूसं
थुगु छेँ ज्या याना च्वगु आपा दये धुकल थुलिमछि
समयया दुने छुं हे आलसि भाव छुं ज्यायसं खने महुं
आचरण मभि धैगुला छखे हे ति जा व यागु-जाक्वाति
वाहेक भेगु छुं छिमित जि वियागु महुं, छुया निमित्त छिमिसं
थथे ज्या याना च्वनागु धका” न्यन ।

जुजुं वैगु वचन न्यना “थुगु जनपदस वा बालि
बांला धागु आपासिके न्यना तयागु दु, उकिं वा या लागि
जिपि थन वयागु” धका धाल । व खँ न्यना इपि खना
खुशि जुया महाजनं वायागु दोछिगु गाडा बिल । जुजु
वा प्राप्त याना कया महाजनयात थथे धाल, भो महाजन !
थव (वा) थुलि जिमिगु नगरे थ्यंका व्यु । व खँ न्यना
महाजन ज्यू धका घया वां बिलबिलि जाःगु दोछिगु गाडा
जुजुया शहरे थ्यंका बिल । जुजु थःगु शहरे वना अनेक
रगिचंगिगु वस्त्रं व लुँ वह आदि गाडा जायेका लित
विया छ्वयां मैत्रीभाव स्थिर याना हःगु वा व्याक्कं दरवारे

छथाय संग्रह याका बिज्यात । अनलि निनु प्यनु दयेका
जुजुं थःगु ह्लाति हे लुसि ज्वना वा सुया बिज्यात । सुई
धुंका वा केहेह्लास्यां हाया बिल । थुगुप्रकारं निह्लास्यां
जाकियागु तःधंगु द्वँ दयेका सिँ ल आदि नं (थःमं
हे) हया पाउँगु जा थुया राजदरवारे न्यासःगु आसन
लाय्के बिया समय घोषणा यात “अनुकम्पा तया आर्यपि
जिगु दरवारे बिज्याना भोजन याना बिज्याहुँ” धका ।
व (घोषणा) न्यना न्यासःह्य भिक्षुपि आकासं बिज्यात ।
जुजुं वसपोलपित माक्को भोजन याका बिज्यात । अनलि
वसपोलपिनि दश्वी पियगु द्वीपे वासयाना बिज्याह्य छह्य
महासोव स्थविर घैह्लास्यां जा कया थुमिसं जित खनेमा
धका अधिस्थान याना आकासं पियंगु द्वीपे बिज्याना जा
न्यासःह्य भिक्षुपित इना बिया भोजन याना बिज्यात । व
जुलसां वसपोलया आनुभावं याना सकलसित पर्याप्त जुया
वन । थुगुप्रकारं भतिचा जक जूगु ब्युगु दान जूसां सत्पुरुष
पिसं दाता पिनिगु मन प्रसन्न याना प्रतिष्ठा याना बिज्याई
उकि धया तलः-

१. अप्पकेनपि मेघाबी दायकानं मनं पति ।

सद्धं वड्ढेष्ति चग्दो'व रंसिना खीरसागरं ॥१॥

(थःगु शरीरयागु) रश्मि समूहं दुह्यागु समुद्रयात
(ज्वःला ज्वालां थिका च्वंगु) चन्द्रमाथें स्थानोचित प्रज्ञा
दया बिज्यापि (आर्य श्रावक) पित स्वल्प जकगु जूसां
दानं याना दायक पिनिगु मनस श्रद्धा वृद्धि याई ॥१॥

(१००)

२ अट्ट ने न नियोजन्ता करोन्ता तेव सन्निधि ।

परिभोगवाक्येण, तेव कसेनित् पक्कं ॥२॥

स्थानं मरुत्तं (पुण्यशीलापिण्डं वान्त्तं वेगुली, थःगु
घन) लगेमयासे (घनयात) मुंका जक तयेगु नं मयासे
(थःमं), अनुभोगं न मयासे प्यंगु प्रत्यय (रूपी घनयात
अर्थेतुं) नाश याना छ्वेगु योग्य मज्जू ॥२॥

३. न पापेन्ताथ थेय्यस्स न करोन्ता तथेविणं ।

विभज्जन्ते ते सुत्तिलेसु सयं हुत्वा न शीलवाति ॥३॥

इपि थेय्य परिभागं नं मयापि अथेहेतुं ऋण परिभोगं
नं मयापि थ थमं शीलवान् जुया च्वना बांलाक शील
दुपित (व दान वस्तु) वितरण याई ॥३॥

अनलि जुजु केहेह्मा नाप अन हे च्वना पियंगु द्वीप
यापि भोजन याना बिज्याना च्वपि क्षीणाश्रव भिक्षुपि
न्यासःह्य खना हर्षं जुया अत्यन्त प्रसन्न जुल । अले हानं
इपि भचालिपा थमं याना वयागु उत्तमगु दान लुमंका
याकनं निहं हे स्रोतापत्ति जुया बिज्यात ।

४ न गणेन्तात्तनो दुक्खं बिहाय म्हाति त्तिरि ।

आर्याति भव मिच्छन्तासुजनेवं सभेरता ॥४॥

थुगुप्रकारं थःत (जुया वंगु) दुःखयात वास्ता
(पर्वा) मयासे सत्पुरुषपि मनुतयसं तःवंगु ऐश्वर्यं सम्पत्ति
तोता लिपायागु भव सम्पत्ति इच्छा याना भिंगु ज्या यायगुलि

(अर्थात् पुण्य याय्गुली) लगे जुया च्वनो ॥४॥

५. आयासेन कतं पुञ्जं महत्तफलदायकं ।

इति अस्त्याद्य मेधावी सङ्गत्थेनैव त करेति ॥५॥

थःगु शरीरं हे दुःख कष्ट सिया यानागु पुण्य
महानगु फल-विपाक वीगु सीका प्रज्ञावानपिसं व पुण्य
थःगु ह्लातिं हे याय्गु सो ॥५॥

महासेन जुजुषा बालं

प्रथम-छपु

Dhamma.Digital

(१०२)

सुवर्णं तिलकया वासनस

एव छसिनिसेया आनुपूर्वा कथा

लंका द्वीपे जुलसां अनुराधपुर नगरस छह्य मिसा
श्रद्धा प्रसन्न जुया सदानं अभयगिरि चेत्ययात स्वां छाया
पूजा याना च्वन । अनंलि छन्हुया दिनस व मिसां थः
म्ह्याय् नाप उगु चेत्ययात स्वां छाया पूजा याय् धका
वना स्वां छायागु आसनस ल मखना म्ह्याय्हासिगु ह्लाते
स्वां घकि तथा लघः जोना पुखू पाखे वन । अनंलि व
मिसा मचां मांहा ल्याहां मवयेकहे सिलामतःनिगु स्वां
छायागु आसने स्वां कले ज्वना छ्वाखेरं पूजा याना प्रार्थना
यात । उकि धालः—

१. महावीरस्स धीरस्स सयम्भुस्स महेसिनो ।

तिलोकगस्स नाथस्स भगवन्तस्स सत्थुनो ॥१॥

अत्यन्त वीर जुया बिज्याकह्य महानगु वर्यं दया
बिज्याकह्य, थःथमहे ज्ञान साक्षात्कार याना कया बिज्याकह्य,
महान ऋषि जुया बिज्याकह्य, स्वगू लोकया अग्र-उत्तम
जुया बिज्याकह्य, अनाथापनि नाथ जुया बिज्याकह्य, भाग्यवान
जुया बिज्याकह्य शास्ता तथागत यात ॥१॥

(१०३)

२. यम'हं पूजयिं पुष्पं तस्स कम्मस्स वाहसा ।

रूपीनं पव्वरा हेस्सं आरोह, पुरिणाह्वया ॥२॥

जि गुगु स्वां छाया पूजा याना उगु कुशल कर्मया
प्रतापं याना रूप बांलापिनि दथ्वी अत्यन्त उत्तमगु आरोह
परिणाह लक्षण दुम्ह ज्वादयेमा ॥२॥

३. मं दिस्वा पुरिसा सग्गे मुच्छत्तु काममुच्छिता ।

मिच्छरत्तु सरीरा मे रंसियालीव रंसियो ॥३॥

सकल मिजंत जि खनेव, कामास्रवं याना मुच्छि
जुया वनेमा, ज्वाला ज्वालां थी ह्य सूर्य मण्डल समानं
जिगु शरीरं रश्मि फेले जुया वनेमा ॥३॥

४. हृदयङ्गमा कण्णसुखा मञ्जु भाणि सुभामम ।

सिन्नरानं थया बाणी एवमेव पवत्तूति ॥४॥

किन्नरितय्गु वाणि-सःथे, हानं अथेहेतुं हृदयङ्गमगु
अर्थात् सकलसिगु मन साला काय् योगु, अत्यन्त हे न्यने
ययापुस्य च्वंगु, मनोज्ञ जुया च्वगु मधुर वाणि-सः जिगु
मूतुं प्याहाँ वये दय्मः ॥४॥

अनंलि वया मांहा वया सिलामतःगु आसने स्वां
छाया तःगु खना चण्डालि छं छाया सिले मधुनिगु आसने
भगवानयात स्वां छाया छं अयोग्यगु ज्या यात धका धाल ।
व अथे धागु न्यना वं मां खना तं चाया छहे चण्डालिनी
खः धका बोबिल व मिसा मचां थुलि पुण्य व अपुण्य

याना लिषायामु समयस अनं सिनः वना जम्बू द्वीपस
उत्तरमथुरा नगरस छह्य चण्डालिनी गन्धर्व ब्राह्मणीया
म्हाय जुया जैन्म जूवने । अस्थिन्ते बालीगु रूप सम्पत्ति
दुर्हा जुल । वैगु शीरारै व मुसुह न्दुगु ख्वालं विजुलि
चमके जूथे रश्मि प्याहाँ वै चवन । छचाखेरं प्यकु पाक्क
शरीरयागु प्रकाशं याना अन्धकार मदया वन । म्हुतु
पलेस्वांयाग वासना वः । शरीरं श्रोखण्डयागु बास वया
दुरुष्वः निष्वःया दश्वी लुंयागु वर्णे दुगु ती छगः दुगु
जुयां च्वने । उकिं नकतिनि लूहा सुर्ध्यागु रश्मि थे
च्वंमु प्रकाश प्याहाँ वया चवन । आपालं याना वैत खंपि
सकले बये थे जुया काम मद याना मुछर्चा-मुछर्चा हे
जुया वनीगु अहो आश्चर्य कुशलाकुशल यागु आनुभाव ।
उकिं घया तलः-

५. येन सा कोधसा मातु चण्डालि इति भासि च ।

तेन सा असि चण्डालि जेगुच्छा हीन जा तया ॥५॥

व मिसा मचां मुकिया निम्ति मां यात्त चण्डाली
धका वो बिया वल, उनु कारणं याना व (मिसा मचा)
वृणितंगु हीन जाति जुया च्वंमु चण्डालिनी जूवन ॥५॥

६. सस्लवखेरवान सम्बुद्धगुणं पूजेसि येन सा ।

तेन पुञ्जानुभावेनासि सुरूपी मनोरमा ॥६॥

व मिसा मचा सम्बुद्ध गुण लुमंका गुगु स्वा नं
(बुद्ध भगवानयात्) पूजायात् उगु पुण्यया प्रभावं स्वेहे

ययापुस्य च्वंहा अत्यन्त रूप सौंदर्य दुहा मिसा जूवन । ६॥

७. येन येन पकारेन पुञ्ज पापानि यो करे ।

तस्स तस्स नुरुपेन मोरोब लभते फलं ॥७॥

गुह्यस्यां गुगु आकार पुण्य पापत याई वैत उगु
उगु हे अनुरूपं म्हैखा थे फल-विपाक लाभ ज्वी । ७ ।

८ पापेन च तिरच्छाने जायन्ति कुसलेन ते ।

व्रणपोषखरताहोति मोरानं कम्ममोदिसन्ति ॥८॥

व म्हैख'त पापं याना पशु योनो उत्पन्न जुल
(अथे जूसां तभि) पुण्य कर्मयागु बल याना वर्ण सौंदर्य
बांलाहा जुल म्हैखातय कुशल कर्म विपाक थ्वहे जुल । ८ ।

अनंलि वया मां बीपिस वयात सुवर्णतिलक धका
नां छुना तल । उगु समयस जुलसां ममरे मनूतय्स वैगु
रूप स्वयाव न्वना (अन्न) मुंनःसां तभि थ्व चण्डालया
म्ह्याय धका जात हेला याईगु भयं (सुनान) व्याहा याना
मका । तदनन्तर उगु नगरस थकालिहा चण्डाल ब्राह्मण
या कायनं वया लागी वया मां बीपिं थाय वस्त्र, तिसा,
सुगन्ध माला आदि बीके छ्वया सुवर्णतिलक यात जिमित
व्यु धका (धाय्के छ्वत, इमसं उगु समाचार वैत कन ।
वं वयात घृणा याना हेला याना छ्वत । अनंलि ब्राम्हण
पुत्रं लज्जा चाया जुजु याथाय वना वीणा बाना म्ये
हाहां थथे धालः-

९. लल नान नानी चल लोचनानी,
 तद्वारुणानि चलिता धरानी ।
 मनुजोहि यो नेत्त पियं करोति,
 स तु नीचजातीमपि नो जहाति ॥९॥

व मनुष्यं ब्रह्म मिसातय् दध्नी (त्वसां तैतःकुलुं
 थें ज्वाला ज्वालां थीगु) ख्वादुह्य लीलां चा चाहुला च्वंगु
 मिखादुह्य ल्यासे जुया बांलाना च्वंह्य सना च्वंगु ह्याउसे
 च्वंगु म्हुतुसि निबाला दुह्य (बांलागु शरीर अङ्ग प्रत्यङ्ग
 दुह्य) गुकिया निम्ति थ्व मिखा निगःयात यया च्वनी व
 अज्याह्य मिसा जुलसां नीचगु कुले जन्म जू वसां त'म
 तोत्त छ्वे मज्यू ॥६॥

व सु खः घका जुजुं न्यनेव धालः-

१०' समेति किं देव छमाय मत्तिका,
 कदाचि चामीकरजातिकाय ।
 सिगाल धेनू अपि नीचजाति या,
 समेति किं सीह्वरेण देवाति ॥१०॥

भो महाराज ! लुँ बागु जात व बँस च्वंगु चा
 गबलेसं हे गथे समान ज्वी फँला ? भो महाराज ! हानं
 (पशुत जूसानं) नीचगु जात दुह्य मिसाह्य धोचा उत्तमह्य
 सिंह राज नाप गबले समान ज्वी फँ ? (गबले है ज्वी
 फँगु खँ मखु) ॥१०॥

(१०७)

थथे जुलसां धया महाराज ! थुगु नगरे सुवर्ण तिलक
 घैम्ह झम्ह चण्डालया म्हाय् दु । वं थः समान जातया
 म्हस्यां छोया हःगु भेट वस्तु छुं मका । त. घंगु कुलदुम्ह
 हे जक इच्छा याना चवन । गबले जुलसां मिसम्ह को
 सुवर्ण हंम नाप समान ज्वो फे ? महाराज ! धका
 (बिन्ति यात । जुजुं व खँ न्यना वया बौम्ह सित स तके
 छवया व खँ कना, थ्व सत्य खःला धका न्यन । वं न
 खः महाराज ! वं जाति कुल बांलाम्ह हे प्रार्थना यानां
 चवन धका बिन्ति यात । जुजुं अथेजुसा सेवक ! पञ्चमधुरं
 नगरस उद्दाल ब्राम्हण घैम्ह दु व जुलसां मां बौ निम्हस्यां
 पाखेनं उच्च कुलयाम्ह खः, जातिवाद आदिपाखें निन्दो
 चर्चा याना मतःम्ह नं खः । घृणा याय् योग्यपि प्रतिकूलपि
 थज्यापि मिसातय् नाप मच्चं, थःगु छेँ राजदरवारस वनी
 बले नं ल्याहां वै बलेनै फिखुगः घः दुर लख हा हा याका
 मिसात खनेव जि कालकणिगत खन धका दुरं लखँ ख्वा
 सिली । छं म्हाय् वयां नीप चवने फुला ? थ्व खँ छं
 म्हाय् यात धा धका धालि । वं थ्व खँ न्येमां छेँ वना
 म्हाय् यात सःता जुजुं आज्ञा जैथे तुं वत न्ये कल ।
 व मिसां थ्व खँ न्यना जि उद्दाल ब्राम्हण नाप चवने ।
 छिमिसं छुं चिन्ता याय् म्वा मेगु छुं क्कट नं याय् मागु
 मद्रु (जि) कन्हे सुथ त्तापां हे कने धका धाय् वया
 बौम्हस्यां जुलसां दोछिदीं वंगु विचित्रगु का व लनं थः
 म्हाय्या शरीरे न्येका वीणादि बाजं ज्वंका म्हाय्म्ह नाप

यात्रा या वन । लँस वना च्वं च्वं लँया विच्चे छ्गू नगरे
जुजु याथाय् म्ये हाला बाजं थाना क्यना च्वंवले म्हाय्हा
सित छ्खे लिक्क फेतुका थःगु गन्धर्व विद्या क्यना च्वन ।
अनंलि वया ल्यूने पाखे फेतुना च्वंहा सुवर्णतिलक मिखा
कुंचां दृष्टिपात् याना रससहित याना वंत स्वया फिना
तःगु लं भचा हटे याना (थःगु) शरीरयागु प्रभा खने
दयेका बिल । जुजुं जुलसां वैगु शरीरयागु रश्मि व रूप
वांलागु नं खना काम क्लेशं आत्तुर जुया होस हवास हे
उडे जुया वन । भचा लना हानं होस दयका व भात
दुह्याला मदुनिह्याला धका न्यना घण्डालया म्हाय् धैगु न्यना
लोक निन्दा चर्चायागु भयं वैत ह्ये मजिया थंभिज्याम्ह
रूपवर्ण यौवन सम्पूर्णम्ह स्त्रीरत्न प्राप्त मजूम्ह जि म्वाना
च्वनाया छु प्रयोजन धका शोकयाना विलाप याना काम
तृष्णां मुद्धर्चा जुया थुगु याय् त्यो थुगु याय् मत्यो धैगु
मसिया खड्ग कया थःगु छ्छों थःमंतुं त्वाह्लाना सिना
वन । थुगु प्रकारं लँया विच्चे न्याम्ह जुजुपि रूप सम्पत्ति
यात दमन याय् मफया खड्गं छ्छों त्वाह्लाना मृत्यु जुया
वन । थथे हे निश्चयनं सत्व प्राणिपि लुँ वह दास दासि
काय् कला प्रिय-योपिनिया निमित्त काम तृष्णां मुद्धित
जुया आपाल दुःख कष्ट र्यू वनीगु जुया च्वन, उकिं
तथागतं धया तलः-

११. पियतो जायती सोको पियतो जायती भयं ।

पियतो विष्णुत्तस्स नत्थि सोको कुतो भयं ॥११॥

(१०६)

प्रिय-योगुलि याना शोक उत्पन्न ज्वी (रूपकामादि यात) येकेगुलि याना भय-त्राश उत्पन्न ज्वी (कामादि पाखें) यो घंगु मदुहसित शोक घंगु दै मखु भय गनं दै ? (दै हे मखु) ॥११॥

१२. पेमतो जायती सोको पेमतो जायती भयं ।

पेमतो विप्पमुत्तस्स नत्थि सोको कुतो भयं ॥१२॥

प्रेमं याना शोक जुया वै प्रेमं याना हे भय जुया वै, प्रेमं मुक्तजूहसित शोक दै मखु भय गनं दै ? (दैहे मखु) ॥१२॥

१३. रतिया जायती सोको रतिया जायती भयं ।

रतिया विप्पमुत्तस्स नत्थि सोको कुतो

भयं ॥१३॥

रागं याना शोक उत्पन्न ज्वी रागं याना भय-त्राश दया वै राग मदुहसित शोक दै मखु भय गनं दै ? (दैहे मखु) ॥१३॥

१४. कामतो जायती सोको कामतो जायती भयं ।

कामतो विप्पमुत्तस्स नत्थि सोको कुतो

भयं ॥१४॥

कामं तृष्णां याना शोक उत्पन्न ज्वी कामं याना भय दया वै कामं तृष्णां मुक्त जुया च्वंहसित शोक ज्वी मखु भय गनं ज्वी ? (ज्वी हे मखु) ॥१४॥

१५. तर्ह्ययं जायती लोको तर्ह्ययं जायती मयं ।
तर्ह्ययं विद्वेषुस्सि नत्थि लोको कुलो

मयन्ति ॥१५॥

तृष्णां वान्ना शोक उत्पन्न ज्वी तृष्णां याना भय-
प्राश दया वै, तृष्णा हे मदुम्हसित शोक दे मखु भय
गमं दे ? (दे हे मखु) ॥१५॥

अनलि व छसिनिसं पश्चमधुर नगरस वना थः
वयागु समाचार जुजुयात धायके छवया वं अनुपति वीव
वनी जुजुयागु दर्शन यति, उगु समयस उद्दाल ब्राह्मण
जुजुया सत्तिक कम्बल लाया तःगु उत्तमगु आसनस फेतुना
च्वंगु जुया च्वन, गन्धवं ब्राह्मण नं म्हाय्हा नाप म्ये
हा हां फेतुना च्वन । उगु क्षणस बोह्यास्या ल्यूने फेतुना
च्वंहा सुवर्णतिलकं उद्दाल ब्राह्मण गुह्य धका न्यना उगु
उत्तमगु आसने फेतुना च्वंहा वहे खः धका न्यना वच्चुगु
रंग दुगु मिखा निर्गलि वैत स्विया दर्शन संसिम स्वाक ज्यगु
अत्यन्त ह्यउसि ज्वेगु म्हुसि निवाकां म्हुहं हिला वैत
स्वया न्ययातःगु गा भचा हटेयाना शरीरयागु प्रभा तोता
छवत ब्राह्मणं व खना वै थें जुया शोक डाह जूगु शरीर
म्हुह जुया व्वागु फसं जागु म्हुतु न्हाय् दुम्ह जुया स्ववि
प्यगु मिखा दुम्ह जुया बेहोस जुया वन । अनलि वं
क्षणभर आश्रय प्राप्त जूम्ह रोगिये जुजुया धासं दना वया
थःगु छे वना यःत हित याईपि संबक तथैत सःता इमित
थथे घाल । थन गाथाद्वारा धया तलः-

(१११)

१६. धो आपदे समुपपन्ने षपत्तिट्टति सन्तिके ।

सुखदुक्खे समो होति सो मित्तो सोच

जातको ॥१६॥

गुम्ह जुलसां विपत्ति-दुःख जुया वै बले सत्तिक
चवं च्वनो सुख दुःख निगुलीसं समान जुया चवं च्वनी व
धात्थेंयाम्ह पासा खः वहे धात्थेंयाम्ह थःथिति न खः ॥१६॥

१७. धो गुणं कासते यस्स अगुणञ्च निगूहति ।

पटिसेधेतकत्तब्बा सो मित्तो सोच जातको ॥१७॥

गुम्ह जुलसां गुम्ह मित्रयागु गुण प्रकाश याई अवगुण
नं सुचुकाबी याय् अयाग्यगु ज्या रोके याका बी अज्याम्ह
मित्र हे जक मित्र ज्वो अज्याम्ह हे जक थःथिति नं
ज्वी ॥१७॥

१८. सुवर्णतिलका नाम ललसा काम जालसा ।

नीलविखचण्डकण्ठेहि विखण्डेसि मनोमम ॥१८॥

कामस लालसा दुम्ह सुवर्णतिलक नां जुया च्वम्ह
विशेषम्ह स्त्री छम्ह, वच्चुगु वर्णगु मिखा दया चन्द्र रश्मि
फैले जुया च्वम्हस्यां जिगु मनरूपी शरीरयात खण्डित याना
चूर चूर याना बिल ॥१८॥

१९. तस्सा मुबभ्बुजे ससा मम नेत्तमधुब्बता ।

अप्यमिपि न सरग्ता मं तत्थेवाभिरमन्ति ते ॥१९॥

(११२)

व मिसाया ख्वा रूपी पलेस्वांस आसक्त जुया च्वापि
जिगु मिखारूपी भंबःत भतिचा जक हे मं जिते लुममंकुसे
अनहे जक इपि भंबःत भुले जुया आनन्द ताया च्वन ॥१६॥

१०. सहे'व तेहि मे चित्तं गतं उत्संघियुद्धतो ।

लज्जागम्भीरपरिखं धितिपाकारदुग्गतं ॥२०॥

इपि मिखारूपी भंबःत नापं हे जिगु ध्व मन
लज्जारूपी अत्यन्त गावंगु घः व ताजाक दना तःगु घयं
रूपी पःखा (तिन्हया) च्वंपुला वन ॥२०॥

२१. सम्मुट्टहामि वमुट्टहामि सत्त्वा मुट्टहन्ति मे विसा ।

तस्स मे सरर्यं होथ करोथ मन सङ्गहन्ति ॥२१॥

मोहित जुया, अत्यन्त मोहित जुया, जि सकल दिशा
मोहं याना भुले जुया च्वन व जित शरण जूवा, जितः संग्रह
(=उपकार) याना ब्यूवा (घका विलाप यागु जुल) ॥२१॥

व खं न्यना इमिसं थये धालः-

२२. यं त्वमाचरिय पत्थेसि चण्डाली सा असङ्गमा ।

किंन नीलहेन संयोगो चण्डनस्स कदा

सिषा ॥२२॥

हे आचार्य ! छःपिसं गुह्य स्त्री इच्छा यात व
जुलसां उत्तमगु जात नाप च्वने मज्यूहा चण्डालिनी ख.
गथे असुचि मूत्र नाप श्रीखण्डयागु मेल गबले ज्वी फं ?
(ज्वी फं हे मखु) ॥२२॥

२३. भगम्मगमना याति नरानं दूरतो सिरी ।

किति चायु बलं बुद्धि भयसं च स गच्छतीति ॥२३॥

वने अयोग्यपि थम् बने गुलि याना (उत्तम जात
यापि) मन्तयेगु श्री लक्षण व कीति व आयु व शरीर
बल व बुद्धि समेतं तापाना वनी हानं पर्याप्ति निन्दा चर्चा
नं जूवनी ॥२३॥

अनलि इमित ब्राह्मणं धालः-

२४. न परिच्छजति लोको'यं अमेज्जे मणिमुत्तमं ।

थीरतनं सुबाणी च दुक्कुला अपि

गाहिया'ति ॥२४॥

थव संसारे असुचि-खी च्वंगु उत्तमगु रत्न यात
त्याग याना छ्वै मखु (वथेतुं) बांलागु न्यने हे ययापुसे
च्वंगु वचन-सःकुहा स्त्री रत्न नं नोचगु कुलयाहा जूसां
ग्रहण याना काय् योग्य जू ॥२४॥

यथे जुलसां धया व मिसा भातं दुहा महुहा सीका
ब्रा धका धाल । इमिसं अथे यात । अनलि ब्राह्मण वयात
छे हसैनिसें प्यला तक्क जुजुया चाकरिस वना मबिल ।
व ब्राह्मण याथाय् जुलसां न्यासहा राजकुमारपि अनेक
प्रकारयांगु शिल्प विद्या सयेकः सीकः वैगु जुया च्वन ।
इमिसं उगु कारण सीका सुवर्णतिलक दतल्लेयात की शिल्प
विद्या सयेकेगु ज्यास बाधा ज्वी छुं छगु उपाय याना वैत

(११४)

स्याना छ्वे माल धका चिन्तना याना इमिसं किसि मागः
यात सःता घूस विया थथे धाल- “किसियात अयेला
त्वका थवं काय्का सुवर्णतिलकयात स्याना छ्व” धका ।
अनंलि इपि सकलें राजगृह नगरे छथाय् मुना दूत छ्वया
बिल कि “आचार्य यागु दर्शन याय् माल” धका । अनंलि
ब्राम्हण वया फतुना चवनेव बुँखँ ह्लाना भो आचार्य आचार्यनी
स्वैमांसे वया चवन धका धाल । तदनन्तर व सुवर्णतिलक
यात थन बोना हति धका मनूत छ्वया बिल । इमिसं
अथे यात । अनलि इपि लया विच्चे थयनेव किसि तीर्ता
हल व किसि सोथं भूमी दात्तु दाया व्वां व्वां वया सोथं
वयात लुचुक्क लह्वना थःगु छयले फेतुकल । अनंलि जुजुया
मनूतय्सं वैत अथे याना स्याय् मफयो कन्है खुमु चान्हे
मनूत छ्वया स्याके छवत । ब्राम्हण नं अथिज्याम्ह मिसा
मदेकं जि जक म्बाना चवनां छुयाय् वरू सिना वनेगु हे भि
धका शोक याना बिलाप याना जुजुया दरवारया न्ह्योने
सि यागु चिता दयेके बिया उकि मि तया मो द्वाहाँ
वना सिना वन । थुगु प्रकारं मिसा तयेगु बसे वनेव
महानगु अनर्थ दुःख व मरण नं समेतं जुया वने यो ।
उकि तथागतं धया विज्यातः-

२५. मया वेता मरीचीव सोको रोगचुपद्दो ।

खराव वग्घना चेतामच्चुपासो गुहासयो ।

तासु यो विस्ससे बोसो सो नरेसु

नराघमो'ति ॥२५॥

ध्व स्त्री धर्यापि (मिजंतयेत भुले याइगु) माया-
जन्दु समान खः मृग तृष्णासमानं खः, शोक समान खः,
रोग समान खः, उपद्रव समान नं खः, ध्व मिसा धर्यापि
कडागु बन्धन समान खः, मृत्युपास समान खः, (भालुत
ध्वनीगु) गुफा समान खः, अज्यापि मिसातय् नाप गुह्य
मिजंनं विश्वास याई व मिज मनूतये दध्वी अधम-नीचह्य
मनू जूवनी ॥२५॥

२६. अयोनिसो सा पुरिमाय जातिया,
पुञ्जं करित्वा भलभीदिसं गति ।
धीसम्पयुक्ता कुशलं करोष्ता,
निम्बाणंमेवाहिमुखं करोथा'ति ॥२६॥

व सुवर्णतिलक ह्यापःयागु जन्मे शुद्ध मज्जीक पुण्य
याना वःगुलि याना रथियज्यागु गति ज्वीका च्वने माल
(उकिं) ज्ञानं-बुद्धि युक्त जुया कुशल कर्म यायां निर्वाण
हे जक प्रार्थना-आशिका याय्गु स्व ॥२६॥

सुवर्णं तिलकया बाखं

द्वितीय-निपु

कृपण-दरिद्र्या वाखनस

थ्व छत्तिनिसेया आनुपूर्वी कथा

भगवान तथागत महापरिनिर्वाण जुया बिज्याय्
धुंकुसेलि जम्बूद्वीपस अन च्वपि भिक्षु भिक्षुनीपि व उपासक
उपासिकापि न जयमहाबोधियात वन्दना यय् धका आपालं
याना जनतापि वना वन्दना याननी । लिपायागु समयस
आपालं भिक्षुपि मुना महाबोधिस वन्दनायाय्या लागी वना
च्व च्वं छगू गामे भिक्षा बिज्याना आसन शालास वना
भोजन याय् सिधेका भचा विश्राम याना च्वना बिज्यात ।
उगु समयस अन छहा कृपण-दरिद्रहा मिसा छहा अथे
फतुना च्वपि भिक्षुपि खना न्होने वना भोसुना वन्दना
याना छखेलिक्क फेतुना आर्यपि गन बिज्याय्गु धका न्यन ।
भिक्षुपिसं व खँ न्यना आनुभाव दुगु जयमहाबोधि यागु
वन्दना याय्त थःपि वना च्वनागु खँ कँकं थथे आज्ञा
जुया बिज्यातः-

१. यत्थासिनो जिनो जेसि ससेनं मकरद्वजं ।

हन्त्वा किलेस सेनं च बुद्धो आसिनिरुत्तरो ॥१॥

गुगु सिमा क्वे च्वना सर्वज्ञ बुद्ध भगवान सेना

(११७)

सहित मारयात व क्लेश सेना यातनं नाश याना वसपोलया
सिनं उत्तमपिं सुमदुह्य सम्यक् सम्बुद्ध जुया विज्यात ॥१॥

२. यं पूजेति महाप्रोरो द्वितो पद्मकोपयं ।

सत्तरत्तिन्दिवं नेतानीलनीरजरंसिना ॥२॥

अत्यन्त महान वीर जुया विज्याकहा सर्वज्ञ तथागतं,
श्रीपाद-तुतिं लुई ध्वी मजुसे दना जक विज्याना न्हेवा
म्हेनु यंकं गुगु सिमायात वःगु मिखां प्याहाँ वःगु वँचुगु
रश्मिं पूजा याना विज्यात ॥२॥

३. सुरासुरनरादीनां नेतानिपालिपातना ।

मेचकाकारपस्तेहि सिखण्डी विय भाति यो ॥३॥

गुगु वंगल सिमा जुलसां देव दैत्य मनुष्यपिनिगु
त्रेत्र रूपी भवःतयसं भुना च्वंगुलिं, हानं (म्हैखातयेगु)
मिखापा समानगु हःलं याना म्हैखाराज समानं शोभायमान
जुया बालाना च्वंगु ॥३॥

४. सुरपावपो'व सत्तानं यं तिद्वृति महितले ।

इध लोके परस्थ च ददन्तो इच्छित्तिच्छित्तं ॥४॥

गुगु वंगल सिमा थुगु लोक व परलोके नं सत्व
प्राणिपितं थः यःयःगु वस्तु बीगु कल्पवृक्षमा थे पृथ्वीले
खडा जुमा च्छन ॥४॥

५. यस्स पुराणपण्णस्य पत्तितं यो नरो इध ।

पूजेति तस्स सो वेत्ति भद्रभोगं महीरुहो ॥५॥

गुगु वंगल सिमाया हाया वःगु पुलांगु हःयात नापं थुगु
लोकस मुह्य मनुनं पूजा याई व बोधिबृक्षमां वयात भवभोग
सम्पत्ति प्रदान याना विज्याई ॥५॥

६. पम्धमावेहि सलिलेहि वमुपसति सबा नरो ।

अरुक्तां च बहिद्धा न बुद्धितं तेन हञ्जति ॥६॥

(गुह्य) मनुनं गुगु बोधिबृक्ष सिमा यात सुगन्ध
स्वामा आदि, (सुगन्ध दुगु) लखं न्ह्याब्रलेसं उपासना याई
(= पूजा याई) व बोधिबृक्षमां (वंगु) आध्यात्मिक बह्य
यागु उपद्रव क्षान्त याना वो ॥ ६॥

७. यो देति इह लोकत्थं यो देति पारलोकिकं ।

सम्पदं जया बोधिं तं भोति गच्छाम बन्धितुन्ति ॥७॥

भो सज्जनह्य मिसा ! गुगु बोधिबृक्षमां (= वंगल
सिमां) थुगु लोकयागु सम्पत्ति बिया च्वन गुगु बोधिबृक्षमां
परलोकयागु सम्पत्तिने बिया विज्याईगु, उगु जय श्रीमहा
बोधिबृक्षमायात वन्दना याय्वा लागी वनेनु (धका धया
विज्यात) ॥७॥

व खँ न्यता उत्तेजित जूगु प्रसन्नगु मन याना भिक्षु
पित थथे धाल भन्ते जि करपनिगु छे च्योज्या याना
दुःख कष्ट सिया जीविका याना च्वना । जिके कन्हैया
लागी जाकि छमना नापं मदु । मेगु धनयागूला खँ हे
ह्लाय् मागु मदु । (जिके) थ्वहे गाछपु सिबेत मेगु पानं
मदु । छाय् घासा जि ह्लापा पुण्य याना वयागु मदुगुलि

(११६)

याना, उकि भन्ते जिगु उपरे दया करुणा तथा ध्व गाछपु
स्वोकार याना कया बिज्यासे बोधिवृक्षया छचाखेरं ध्वाय्
य ना चिना बिज्याहुँ धका याचना याना गा हिया शुद्ध
याना वसपोलपित्त बिल । भिक्षुपिसं नं वैत अनुकम्पा तथा
व (गा) कया अनं बिज्यात । व मिसा गा चह्ले याना
अत्यन्त प्रमुदित हृदय जुया छेँ वना उखन्हुहे चान्हे दथु
यागु यामस शस्त्रक धैगु फसं कया सिना वना, इपि
भिक्षुपि वना च्वंगु लँया बिच्चे छगू अत्यन्त रमणीयगु बन
खण्डे, भूमि च्वनीह्य देवतानी जुया जन्म कावन । अनलि
व मिसाया पुण्ययागु प्रतापं याना स्वगू योजन दुगु थासे
दिव्य कल्पवृक्षमा उत्पन्न जुया वल । उगु थासे अनेक
प्रकार रंग दुगु ध्वज पताका य खाया तल, देवपुत्रपि व
देव धीतापि नं सकल तिसा वसतं तिया छायापा अथेहेतुं
ध्वजा पताकादि ज्वना ह्यिता च्वन, म्ये हालेगु, प्याखं
हुयेगु आदि अनेक प्रकारयागु आश्चर्यगु ज्या याना कयना
च्वन । अनलि कह्ले खुनु इपि भिक्षुपि नं बोधिमण्डलस
वना च्व च्वं संफाकाती उगु थासे थ्यंका थौं थन ध्वहे
बनखण्डे बासं च्वना वने माल धका अन वना बासं च्वं
वन । अनलि इमिसं चान्हे अनेक रंग दुगु ध्वाय् व
देवतापिसं प्रयोग याना च्वंगु म्ये हागु बाजं थागु आदि
व स्वंगू योजन दुगु थासे कल्पवृक्षमात नं ध्व व्याक्कं
देवतापिनिगु ऐश्वर्यं वैगु प्रतापयागु आनुभावं उत्पन्न जुया
वःगु भाव खना आश्चर्यं चागु मन जुया देव धीतायात

स.ता गुगु कर्म यांना थन वया उत्पन्न जूवया धका न्यन ।
 व (देवघीता) वया भिक्षुपित ह्ला बिनित यांना दना
 चवना भन्ते जितः ह्यसिया मबिज्याना ला ? धका न्यन ।
 भिक्षुपिसं जिमिसं ह्यमसिया केहे मयेजु ! धका धया
 बिज्याय्व वं थःगु परिचय व्यु व्युं थये धालः-

८. हीयो आसनसालायं निसीदित्थ समागता ।

तुम्हाकं सन्तिकाम्भ या वराकीमिवादयि ॥८॥

ह्मिगः आसन सालास मुना बिज्यापि (छलपोलपि
 सकलेंहे) फेतुना बिज्यात व छलपोलपिनि सत्तिक गुह्य
 अत्यन्त गरीबह्य गृहस्थ मिसा छह्य वया छलपोलपित
 वन्दना यावल मखुला ? ॥८॥

९. या बोधिं पूजनत्थाय वत्थकं पट्टिपादयि ।

साहं हीयो चुत्ता भाधिं रत्तियं व्याधिपोलिता ॥९॥

गुह्य मिसां महाबोधिबृक्ष वन्दना याय्या लागी
 काप छकू तैयार यांना व्यूह्य व जि ह्मिगः चाह्णे रोगं
 पोडित जुया अनं च्युत जुया वया ॥९॥

१०. नानासम्पत्तिसंयुक्ता नाना भूसण भूसिता ।

विमाने रतनाकिण्णे जाताहं एत्थकामने ॥१०॥

जि अनेक प्रकारगु दिव्य सम्पत्तिं संयुक्त जुया
 च्वंगु, अनेक प्रकारगु दिव्य तिसां तिया थुगु जंगले अनेक
 प्रकारगु रत्नं चाहूला च्वंगु विमाने उत्पन्न जूवया ॥१०॥

(१२१)

११. हीयो पस्सिथ मे गत्तं रजोजल्लेहि संकुलं ।

अज्ज पस्सथ मे गत्तं वण्णवत्तं पभस्सरं ॥११॥

ह्रिगः धुले बुत्तु बुला च्वंगु जिगु शरीर खना
बिज्यात, आ थौ वणं दुगु प्रभाश्वरगु (= ज्वाला ज्वालां
थिना च्वंगु) जिगु शरीर स्वया बिज्याहुँ ॥११॥

१२ हीयो पस्सिथ मे भन्ते निवत्थं मन्निमरं ।

अज्ज पस्सथ मे भन्ते दिब्बमम्बरमुत्तमं ॥१२॥

भो भन्ते ! ह्रिगः जि न्यया च्वनागु हाकुक् खिति
थागु गा खना बिज्यात, भो भन्ते ! थौ जिगु उत्तमगु
दिव्य वस्त्र स्वया विज्याहुँ ॥१२॥

१३. विक्किण्ण फालतग्गेहि केसेहि विरलाकुलं ।

ऊका मूचपटिवकूल हीयो आसि सिरं मम ॥१३॥

ह्रिगः जिगु छ्योले सँ चिच्चा दना स्वत्तु स्वया
भुलुमुलु दना सि पाँय् पाँय् दाया दुगन्ध दया स्वय् हे
घच्चायापुसे च्वंच्वन ॥१३॥

१४. अज्ज तं परिमत्तिमा मम पुञ्जानु भावतो ।

सुनीलमुदुधम्मिल्लं कुसुमा मरण भूसितं ॥१४॥

थौ व परिवर्तन जुया जिगु पुण्ययागु प्रभावं अत्यन्त
वच्चुसे च्वना नाइसे च्वंगु सपः दया अने अनेगु दिव्य
स्वां न छाया तल ॥१४॥

(१२२)

१५ पुरा भि सकसीसेन चहितं दारुवकाशिकं ।

पुञ्जेना'हं भञ्ज मालामारं सीसेसमुद्धहे ॥१५॥

जि ह्लापा थःगु छचलं सिं लः इत्यादि ल्हया जुया
(ह्लिगः याना वयागु) पुण्यं याना थौं (व जिगु) छचले
दिव्य स्वांमा ल्हना च्वना ॥१५॥

१६ धजत्थाय मया हीयो पदिन्नं थूलसाटकं ।

भञ्जनिब्बात्ति मे भन्ते महन्तं दिब्बसम्पदं ॥१६॥

भो भन्ते ! ह्लिगः (जय महाबोधिबृक्षयात) ध्वाय्
व्वेकेया लागी जि तःपुगु गा छपु प्रदानं याना (उकि)
थौं तःधंगु दिव्य सम्पत्ति जित्त उत्पन्न जुया वल ॥१६॥

१७. जानमानेन कत्तब्बं दानादिसु महफलं ।

देवलोक मनुस्सेसु सुखदं दानमुत्तमन्ति ॥१७॥

दान वीमु आदिस तःधंगु फल दु धंगु स्यूपिसं
देव मनुष्य निगू लोकेसं सुख वीयोगु उत्तमगु दान याय्
फय्केमा ॥१७॥

व खँ न्यना सकल भिक्षुपि आश्रय अद्भुत चाया
विज्यात । व देव कन्या उगु चा कटे जुया वनेव सकल
भिक्षुपित निमन्त्रणा याना दिव्य नयेगु त्वनेगुलि थःगु हे
ह्लात्ति नका त्वंका वसपोलपि नापंतुं वना लँ जोछि दान
व्यु व्यु वना महाबोधिस थ्यंका सकलसिनं ध्वाय् पताका
आदि व अनेक प्रकारयागु रंगीविरंगी सुगन्ध दुगु स्वां व

प्रदीप घूपं नं बोधिवृक्षयात पूजा याना भिक्षुपित्त चीवर
या लागी दिव्य वस्त्र दान याना त्याहाँ वया वहे बन-
जङ्गले वास याना चवं चवं अनेक प्रकारगु पुण्य याना
तावतिस देवलोके वना जन्म कावन । भिक्षुपिसं नं उगु
आश्चर्यं थाय् थासे प्रकाश यायां आपालं जनतापित्त पुण्य
कर्मस लगे याना विज्यात ।

१८. एवं विधापि कपणा जिनसासनम्हि,

कत्वा पसादमथथूलकुचेलकेन ।

पूजेत्वा दिग्बविभवं अलभोति जत्वा,

पूजापरा ममथ वत्थुसु तीसु सम्माती ॥१८॥

थुगु प्रकारं गरीब-दरिद्रह्य गृहस्थ जूसां बुद्ध
शासनस प्रसन्न जूगुलिं याना अनंलि हाकुगु पुंलागु गा छपु
(श्री महाबोधिवृक्षयात) पूजा याना दिव्य ऐश्वर्यं (कन्हे
खुनु हे) लाभ जुल धका सीका स्वगूरत्नस बांलाक पूजां
(= सत्कार) याय्गु स्व ॥१८॥

दरिद्रह्यसिया बाखं

तृतीय-स्वपु

(१२४)

इन्द्रगुप्त स्थविरयागु बाखनस

श्व छसिनिसैया आनुपूर्वा कथा

की भगवान गौतम बुद्ध महापरिनिर्वाण जुया बिज्याय्
धुंका गुलीछि समय बिते जुया वसेलि जम्बूद्वीपस जुलसां
पाटली पुत्र धैगु नगर छगू दया च्वन । अन महान ऋद्धि
दुह्य-महान आनुभाव दुह्य आणा चक्रवर्ति धर्माशोक धैह्य
जुजुं राज्य याना बिज्याना च्वन । च्वे आकासे व क्वे
जमीने छगू योजन तक सकल जम्बूद्वीपस बसपोल यागु
हुकम-आज्ञा चले जू । उगु समयस सकल जम्बूद्वीपस च्वंपि
चयेप्यदोह्य जुजुपि व थः थः पिनि सेना पलटन बोना
वया धर्माशोक महाराज यागु सेवास हाजिर जूवैगु जुया
च्वन । उगु समयस देवपुत्र नगरस देवपुत्र धैह्य महाराज
थः सेना पलटन बोना (अशोक) महाराजया सेवास वःगु
जुया च्वन । धर्माशोक महाराजं देवपुत्र महाराज नाप
लाना मधुरगु कुशल वार्ता खँ ह्लाना छिमिगु देशे बहुश्रुत,
सकल त्रिपिटक अध्ययन याना तःपि महान गुणदुपि आर्ये
(भिक्षुपि) दुला घका न्यया बिज्यात । व खँ न्यना देवपुत्र
जुजुं दु महाराज ! उगु नगरे सिंहगुम्बक धैगु विहार
छगू दु । अन दोलंदो भिक्षुपि बास याना च्वन बसपोलपि

(१२५)

शोलवान, अल्पेक्ष (=आपा इच्छा मद्रुपि) संतोषी एकान्त
 प्रेमिपि जुया बिज्याना च्वन । वसपोलपिनि मध्ये अर्थकथा
 सहित त्रिपिटक धारण याना बिज्याहा इन्द्रगुप्त स्थविर
 धैह्य वसपोलपिनि आचार्य-नायो जुया बिज्याना च्वन ।
 वसपोलं अनेक प्रकारं मनुष्यपि सहित देवतापित व भिक्षु
 पित धर्म वर्णना याना बिज्याई । गुणवान जुया थःगु
 गुणया कारणं याना संसारस प्रसिद्ध जुया बिज्याना च्वंगु
 दु महाराज ! धका (बिन्ति यात) । व खँ न्यना
 (धर्माशोक) महाराज संतोष जुया प्रसन्नगु मन याना
 बिज्यासे स्थविर भन्ते नाप लाय्गु इच्छा जुया हे पासा !
 छ हे वना स्थविर यात प्रार्थना याना थन बिज्याका हयाव्यु
 धका आज्ञा जुल । व खँ न्यना देवपुत्र जुजुं थःगु ह्लाते
 दुगु बल वाहन सेना-पल्टनं चाहुएका इन्द्रगुप्त स्थविरया
 समीपस वना वन्दना याना आर्य छलपोलयात धर्माशोक
 महाराजं नाप लाय्गु इच्छा याना बिज्यात धका बिन्ति
 यात । स्थविरं ज्यू धका स्वीकार याना बिज्यात । जुजुं
 स्थविरं स्वीकार याना बिज्यागु समाचार धर्माशोक महाराज
 याथाय् छ्वया विल । अनंलि धर्माशोक महाराजं प्रसन्न
 जुया थःगु हुकम चले जूथाय् तक्क जुजुपिंथाय् सकलसिनं
 स्थविर बिज्याईगु लँ छायापाति धका समाचार छ्वया
 बिज्यात । अनंलि इपिं जुजुपिसं सन्तुष्टगु मन याना थःथःगु
 नगरे नाय्खिं च्वेके बिया देवपुत्र नगर पाटली पुत्र नगर
 तक्क उलिया बिच्चे न्येन्यागु योजनया लँ माथं मवंगु माथं

त्रंका देवतापिनि दिव्य लै थें च्वंक छायापा धर्माशोक आणा
चक्रवर्ति महाराजयात थुगु प्रकारं समाचार छ्वा विल्ल,
थन थये धयातल:-

१. इन्द्रगुप्तमहाथेरसामिनोगमनाय नो ।

मगं अलङ्करोभूति महाराजेन पेसितं ॥१॥

इन्द्रगुप्त महास्थविर (पाटलीपुत्र नगरस) विज्याकेया
लागी लै छायापाति धका (धर्माशोक) महाराजं छ्वा
हया विज्यागु (समाचार न्यना) ॥१॥

२. ततो ते अपनेत्वानपासानकण्टकादिकं ।

विसमं समं करित्वान सम्मज्जित्वान साधुकं ॥२॥

उकिया निर्मित इमिसं लोहं कं आदि हटे याना
गावंगु थासे बराबर याना गाह्लाना समान याका बांलाक
बै पुका ॥२॥

३. धोतमुत्तासमाभासा ओकिरित्वान वालुका ।

उत्सापता तत्थतत्थ दुस्सतोरणपत्तियो ॥३॥

सिला सफा याना तःगु मोति थें तुयूगु फि लाया
उगु उगु थासे कापः यागु ध्याका दयेका को को लाक
थना तल ॥३॥

४. कलधोतहेमरम्भादि नानातोरणपत्तियो ।

तथा पुप्फमयानेकतोरणपरितोरणा ॥४॥

बहयागु ध्वाका लुँयागु ध्वाका केरामा आदियागु
 ध्वाका नाना प्रकारयागु ध्वाका कोलं व स्वांनं दयेका
 तःगु अनेक प्रकारयागु ध्वाकाया द्योने ध्वाका अथेहेतुं (को
 को लाक्क थना तल) ॥४॥

५ तेसु तेसु च ठानेसु सङ्घता कुसुमग्धिका ।

तथेव गन्धतेलेहि दीपिता दीपपन्ति यो ॥५॥

अथेहेतुं उगु उगु थासे अमूल्यगु स्वांनं छायापा तल,
 सुगन्धित चिकनं च्याका तःगु मत को को लाक्क च्याका
 तल ॥५॥

६ पदुमुप्पलसंनोरपुष्पपल्लव'लङ्कता ।

ठपिता घटमालायो पुण्णा सोगन्धवारिहि ॥६॥

पलेस्वां उत्पल स्वां नैक्यामायागु स्वां वांउसे च्वंगु
 सिमाहः आदि छायापा तःगु सुगन्ध दुगु लखं सम्पूर्ण जुया
 च्वंगु पूर्ण कलस घः को को तया छायापा तःगु ॥६॥

७ मोल पीतादि सम्भिन्नपताकाहि धजेहि च ।

मगस्स उभतो पस्से वनमा'सि समाकुलं ॥७॥

लँया निखेर पाखें वन-जङ्गल वँच्चुगु ह्यासुगु आदि
 अनेक प्रकारया वर्णं दुगु पताका व ध्वाचं आकुल व्याकुल
 जुया च्वंगु ॥७॥

८. केतवो उरगता तत्थ मन्दमन्द समीरणा ।

अग्घ्यन्ता'व सोमन्ति ब्रह्मोरगसुरादयो ॥८॥

अन बुलुंबुलुं वावया च्वंगु फसं याना च्वे बंयेका
तःगु (फिरिफिरि सना च्वंगु) ब्रह्मा नाग दैत्य आदिपित
ह्लासंका थनवा थनवा धया च्वंथें च्वंक शोभायमान जुया
च्वन ॥८॥

९. नाग चम्पकपुन्नाग केतकीवकुलादिही ।

पद्मुप्पलादिजलजेहिमालती कुसुमादिही ।

माला दामेहि नेकेहि मग्गमासि विचित्तकं ॥९॥

नाग सिमा, चम्पा स्वांमा, पुन्नाग सिमा, केतकी
स्वांमा, वकुल स्वांमा आदि (जमीने बुया वैगु सिमा-
स्वांमा) व पलेस्वां उत्पल स्वां आदि लखे बुया वैगु स्वां
आदि व दावास्वां आदि (दयेका तःगु) अनेक प्रकारयागु
स्वांमालं लें विचित्ररूपं छायापा तःगु जुया च्वन ॥९॥

१०. पत्थरित्वा पादपटे सित्तसम्मट्टभूमियं ।

लाजादिपञ्च पुष्फानि विकिरिसु मनोरमं ॥१०॥

सिचुगु ल होला माथं वंका तःगु भूमिस बसा
लाया उकिया द्योने टाय् व न्यागू प्रकारयागु स्वां स्वेहे
ययापुसे च्वंक होला तल ॥१०॥

११. अलङ्कारित्वा हत्थस्ता कुसुमाभरणादिहि ।

मग्गालङ्करणत्थाय ठपितांसु ततो ततो ॥११॥

स्वांयागु अलङ्कार आदि छायापा किसि सलत लें
वांलाकेया लागी अन अन उगु उगु थासे थना तथा तःगु
जुया च्वन ॥११॥

१२ तेसु तेसु च ठानेसु भेरिमण्डलमज्जगा ।

नच्चन्ति चतुरा नारी रसभावनिरन्तरा ॥१२॥

अन अन उगु उगु थासे नं (ताल विसरे मज्जीक
थाना च्वंगु) वाजं मण्डलया विच्चे वना च्वंपि (प्याखं
ह्वीगुली) अत्यन्त दक्षपि मिसात न्हून्हुगु तालं रस प्याहाँ
वयेक प्याख हुया च्वन ॥१२॥

१३. कंसवंसादि पग्गट्टह वज्जेस्ता नेकतन्तिये ।

गायन्ति मधुरं गीतं गायतेत्थ लयम्मितं ॥१३॥

(गुह्यं गुह्यं) कैयागु वाज ह्लातं जोना थाना
च्वन (गुह्यं गुह्यं मिसात) अनेक प्रकारयागु सितार थाना
म्ये हाला च्वन, थन (हानं गुह्यं गुह्यं मिसात) स्वंगू
रागं संयुक्त ज्वीक राग कया न्येहे ययापुसे च्वंक मधुर
ज्वीक म्ये हाला च्वन ॥१३॥

१४. मग्गो सो साधुवादेहि भेरीनं निनदेहि च ।

करीनं कुञ्चनादेहि हयान हेसितेहि च ।

नेकविट्ठुसङ्घेहि सोकरीहि समाकुलो ॥१४॥

व लं (मिसा मिजंतयेगु) साधुकार व्यूगु शब्दं
याना व वाजं थागु सलं याना नं किसि तयेगु कुञ्चनादं
याना व सलतयूगु हागु सल नं अनेक प्रकारयागु वसत
तिया प्याखंमो तयेगु समूह व नाना प्रकार यापि किसि
तय्सं व लं आकुल व्याकुल जुया च्वन ॥१४॥

(१३०)

१५ मग्गस्स उभतो पस्से देव कञ्जूपमा सुभा ।

मालाकलापे परगट्ठं तिट्ठन्ति तुट्ठमानसा ॥१५॥

लैया निखेपाखेरं देवकन्या समानपि बां बां लापि
(ल्यासे ल्यासेपि) मिसातसें स्वां कले कले ज्वना प्रसन्नगु
मन याना वया दना च्वंवल ॥१५॥

१६. तथा पुण्णघटे गट्ठं पदुमुप्पलसंकुले ।

अट्टमङ्गलमुग्गट्ठं तिट्ठन्ति पमदातहिं ॥१६॥

अथेहेतुं (ल्यासेपि) मिसात पलेस्वां उत्पल स्वां
संयुक्तं जुया च्वंगु पूर्णं कलस ज्वना उकी अष्टमङ्गल अंकित
याना अन अन उगु उगु थासे वया दना च्वंवल ॥१६॥

१७. सीत लूदकसम्पन्नं पपाहिं समलङ्कतां ।

सिनानत्थं खता आसुं पोक्खरञ्जो तहिं तहिं ॥१७॥

उगु उगु थासे ल्वाउसे च्वंगु लः बावया च्वंगु
करनां, बांलाक अलंकृतं जुया च्वंगु मो ल्हुयेमुया लायी
(उगु थासे) पुखू न म्हुईका तःगु दुगु जुया च्वन ॥१७॥

१८ तहिं तहिं कता आसुं दानं साला मनोरमा ।

निच्चितासुमनेकानि दानेपकरणा तहिं ॥१८॥

उगु उगु थासे अत्यन्तं बांलाना स्वेहे ययापुसे च्वंगु
दानशाला दयेका तल अन अनेक प्रकारगु दान बीगु वस्तुत
नं द्वच्चिकं मुंकातःगु जुया च्वन ॥१८॥

(१३१)

१९ एवं नेकविधा पूजा अम्हेहि पटिपादिता ।

ठपेत्वान महागङ्गं तं जानातु

महोपतीति ॥१९॥

(चन्द्र भागा घेगु) तघंगु खुसि छगू तोता जिमिसं
थुगु प्रकारं अनेक प्रकारयागु पूजा जोरे याना तथा पृथ्वीया
मालिक जुग्रा बिज्याकह्य भो महाराज ! व खुसि छायाप्यगु
छगू छलपोलं स्वया याका बिज्याहुँ ॥१६॥

व खँ न्यना धर्माशोक महाराजं खुसि अलङ्कार
याना छायापाब्यु धका फिखुह्य लाखेत छवया बिज्यात ।
इपि थः थः परिवारपि नापं अन वना थःगु आनुभावं
खुसिया दुने स्वंगू गाउत दुगु थासे जग लोहँ तये यंकल ।
अथे जग स्वाना उकि छोने थां थना धलि लाया हिमालयं
ह्याउँगु श्रीखण्डसार कया हया सपू फाया (धलिया छोने)
लाया बिल, अनेक प्रकारगु पूजाविधानं छायापा जुजुयात
थथे सयाचार छवया बिल ।

उकि थन थथे घया तलः

१०. यमत्थाय मयं सब्बे महाराजेन पेसिता ।

अम्हेहि'वानितं सब्बं कतमे'व सुणोथ तं ॥२०॥

महाराजं गुगु ज्याया लागी जिपि सकलें छवया
हया बिज्यात आ जिमिसं व ब्याक्कं ज्या याय् सिघेके
धुन उगु समाचार न्यना बिज्याहुँ ॥२०॥

(१३२)

२१ गावुत्तसयगम्भीरं गङ्गं योजनदित्थतं ।

यम्भे पतिट्टपेत्थान अनग्घरत्तवम्बनं ॥२१॥

स्वंगु गाउत तक्क गाःवंथाय् छगु योजन ब्यादुगु
(चन्द्र भागा) खुसी थांस्वाना अत्यन्त मूवंगु रक्त चन्दन
(= ह्याउंगु श्रीखण्ड) (हया) ॥२१॥

२२. हिमवन्ततो हरित्थान सेतुं तत्थ सुमापितं ।

तोरणा च उभो पस्से रतनेहि सुनिम्मता ॥२२॥

हिमालय पर्वतं निसें हया अन खुसीस ता बांलाक
दयेका निखेर पाखें रत्तं दयेका तःगु तोरण-ध्वाका (नं
दु) ॥२२॥

२३. पुण्णकुम्भद्वजाचे'व पवीपावलियो तथा ।

उभोपस्सेसु रतनानि मापेत्था लम्ब नानिच ॥२३॥

अथेहेतुं पूर्ण कलस व ध्वाय् नं (बोयेका तये धुन)
को को लाक मतनं (च्याका तये धुन) तां या निखेर
पाखें (ध्वाखाय्) यातां प्यातां खाया च्वंगु (न्हेगु) रत्तनं
खाया तये धुन ॥२३॥

२४. सुवण्णमणिमुत्तादिवामेहि समलङ्कता ।

वालुकत्थाय ओक्किणा धोतमुत्तापमस्सरा ॥२४॥

लुं माणिक्य मोति आदिया मालां (थुगु प्रकारं
खुसि यात) बांलाक छायापा तये धुन फि होले माथाय्
ज्वाला ज्वालां च्वंगु सिलातःगु मोति होला तथा ॥२४॥

२५ तेषु तेषु च ठानेषु ठपितासुं महामणि ।

मानारागवितानेहि सोमितं सेतुनोपरि ॥२५॥

अन उगु थासे ततःगोगु माणिक्य रत्न तथा तथागु
दु ताया च्चे अनेक रंगिचंगिगु इलां प्यना तःगु नं शोभायमान
जुया च्वन ॥२५॥

२६ ओलम्बितासुं सत्थेव दिग्धादिक्कुसुमादयो ।

निद्रितं इध कातम्बयुत्तं पूजाविधिस्तु नो ।

देवो तं पटिजानातु इति वत्त्वानपेसयुन्ति ॥२६॥

व हे इलामे दिव्यमय स्वांत यातां प्यातां खाया
च्वंगु दु, जिमिसं थन याना वोमागु पूजाविधि जुलसां
सिधेका बो धुन भो महाराज ! थ्व कारण सीका बिज्याय्
माल थुलि च्वया समाचार पत्र छ्वया बिल ॥२६॥

व समाचार नं न्यना धर्माशोक महाराजं छिमिसं
हे स्थाविर यात थन बिज्याका हति धका इमित जवाफ
पत्र छ्वया बिज्यात । इमिसं ज्यू हवस धका इन्द्रगुप्त
स्थविर याथाय् वना वन्दना याना भन्ते पाटलिपुत्र नगरसं
बिज्याकेगु समय जुल धका बन्ति चह्ले यात । अनंलि
स्थविर स्वीदोलति भिक्षु संघपिसं चाहुएका न्ये न्यागु योजन
दुगु लँस बिज्याय्गु प्रारम्भ याना बिज्यात । अले देवपुत्र
नगरे च्वंपि मनुतयेसं अनेक प्रकारयागु स्वांमा सुगन्ध लुं
यागु ध्वजा पताका आदि अनेक प्रकारगु ताल प्याख ह्वीगु,
प्याखं व म्ये हालेगुलि, बाजं थाय्गुलि नं पूजा याना तः

वःगु जुया च्वन । अनलि स्थविर तःधंगु पूजा विधान
सहित जम्बूद्वीपस च्वंपिसं पूजा सत्कार याका छसेंसिसें
चन्द्र भाग खुसी ता याथाय् थ्यंका अन अत्यन्त तःधंगु
पूजाविधि स्वया थथे चिन्तना याना बिज्यात थुगु प्रकारं
थपाय्जि तःधंक पूजाविधान थौं तक्क जम्बूद्वीपस मेपित
स्वितं हे मजूनि थ्व थपाय्च्वगु पूजा जितः हे जक यात
थन जिहे जक उत्तम जिगु समानपि सुं मद्दु, थुगु प्रकारं
जि उत्तमयासिनं अत्यन्त उत्तम-श्रेष्ठह्य खः धका अभिमान
पिकया च्वं च्वना बिज्यात । उगु क्षणस छह्य क्षोणाश्रव
स्थविरं वसपोल अभिमानं व्याप्त जुया च्वंगु चित्तं च्वं
च्वंगु दिव्य चक्षुं खना वसपोलयाथाय् वना वन्दना याना
स्थविरयात उपदेश व्युव्युं थथे धया बिज्यात । उकिं धालः-

२८. मा मानस्स वसि हेथ मानं भन्ते वसकीतं ।

अनत्थदो सदा होति पातेत्थान भवावटे ॥२८॥

भो भन्ते ! अभिमानया बसे बिज्याय् मते अभिमान
या छःपि बसे बिज्यात धासा संसार चक्रस आपालं अनर्थं
जक सिद्ध जूवनी ॥२८॥

२९. मानोपलालितोसन्तो तण्डापटिघसङ्गतो ।

मक्कटोरगसोणादि हुत्वाजायति जातिसु ॥२९॥

अभिमानं बुलुसे च्वंगु (मन दु ह्यस्या) तृष्णा द्वेष
निगुली थ्यंकःवंह्य सत्त्व प्राणिपि जन्म जन्मपत्तिकं माकः,
सर्प, खिचा आदि जुया जन्म जूवनी ॥२९॥

३०. मा मानं सामि पूजेहि अत्तानं परिसोधय ।

अपरिसुद्धासयो भिक्खु दायक न परितोसति ॥३०॥

भो स्वामि भन्ते ! अभिमानयात प्रोत्साहन बिया
विज्याय्मते थःत परिशुद्ध याना विज्याहुँ परिशुद्ध मज्जूगु
मनदुह्य भिक्षुं दातापित सन्तुष्ट याय् फइमखु ॥३०॥

३०. ददन्तानं सरन्तान पूजेन्तानं सचे तुवं ।

महप्फल महाभूति कामत्थ होथानब्बणाति ॥३१॥

छलपोलयात (प्यंगू प्रत्यय) दानयापित व (नां)
स्मरण यापित व पूजा सत्कार यापित महान फल महान
आनिशंस दय्का विज्याय्गु जूसा अभिमान मुक्त जुया
विज्याहुँ ॥३१॥

व खँ न्यना स्थविर संसार खना घृणा चाया अनहे
चवना (अनित्य, दुःख, अनात्मा) स्वंगू लक्षण भावनायाना
थ्व कर्म दैवःगु शरीरयाबारे विचार विमर्श याना प्रति
सम्भदा सहित अरहन्त भावस थयंकाहे जक अनं प्याहाँ
विज्य त । अनंलि धर्माशोक महाराज सेना-पल्टनं चाहुयेका
तःधंगु पूजाविधान नाप लँ सो विज्याना वन्दना याना
वयासिनं निदुगं पूजा सत्कार याना आपालं भिक्षुसंघपि
सहित स्थविरयात थःगु नगरे बोना यंका वसपोल यागु
धर्म देशना न्यना प्रसन्नगु मन याना पञ्चशीले प्रतिष्ठित
जुया तःधंगु विहार दयेके बिया स्थविर नाप विज्यापि
ख्वीदोल भिक्षुपित प्यंगू प्रत्ययद्वारा उपस्थान-सेवा याना

(१३६)

बिज्यात । अनंलि स्थविरं अर्थकथा सहित स्वंगू पिटक
 प्रकाश यायां अनन्तकाल तक्क च्वना बिज्याना अन हे
 परिनिर्वाण जुया बिज्यात । अनंलि जुजुं परिषर्दापि सहितं
 वसपोलयान्णु शरीरयात अग्नि संस्कार याके बिया धातु
 कया हया तःगोगु चैत्य दयेके बिया बिज्यात ।

३२. पुरा कतानं भुवि पुञ्जकस्मिन्नं,
 गुणानुभावेन महेश्चि एवं ।
 सदेवका नं मनसि करोन्ता
 पुञ्जं करोथायतने सदादराति

॥३२॥

ध्व संसारस ह्यापायागु जन्मे पिना बयागु पुण्य
 कर्म दुपिनिगु शीलादि गुण धर्मयागु प्रतापं याना देवतापि
 सेहित लोकवासिपिसं थथे थुगु प्रकार पूजा सत्कार याई
 (उकिया निम्ति) उगु पूजा सत्कार मने ल्वीकूपिसं स्थविर
 या उपरे न्हाबलें आदर सहित याना पुण्य कर्म याय्गु
 सो

॥३२॥

Dhamma.Digital

इन्द्रगुप्त स्थविरया बालं

चतुर्थ-प्यपु

(१३७)

शाकमाला पूजायाग्हसिगु बाखनस

थ्व छसिनिसैया आनुपूर्वी कथा

की भगवान तथागत किगू पारमिता पुरेयाना छसिनिसैं तुसित भवनस जन्म कया देवतापिसं प्रार्थनायाका शाक्य राज कुलस जन्म कया मांया प्वाथं प्वाहां वया छसिनिसैं परम अभिसम्बोधिस थ्यंका अबलेसंसिनिसैं पीन्यादैं तक्क च्वना बिज्यासे चयप्यदोगू धर्मस्खण्ड देशना याना बिज्याना निनां नी मफेक सत्व प्राणिपित भवसंसाररूपी रेगिस्तानं तरेयाना बिज्याना सकल बुद्ध कार्य सिधेका बिज्याना कुशीनगरया सत्तिक मल्ल जुजुपिनि शाल वनस शाल वृक्ष छजोया दथ्वी उत्तर पाखे फुस लाका लाया तःगु खाताय् बैशाख पुह्ली खुनुया दिने जवपाखें फिलिं च्वना स्मृति बांलाक तया बिज्यासे गबलें दने म्वागु शैय्यास गोत्तुला बिज्याना पश्चिमगु पहरास भिक्षुपित अववाद याना बिज्याना द्यो तुयू तुयू धाय् न्ह्यो महा पृथ्वी कम्पमान याना अनुपादि शेष निर्वाण धातुस परिनिर्वाण जुया बिज्यात । लोकनाथ भगवान तथागत महापरिनिर्वाण जुया बिज्याय् घुंका जुलसा आनन्द स्थविर मल्ल जुजुपिथाय् बिज्याना थुगु समाचार न्यंकः बिज्यात । अनंलि कुशीनगरे च्वंपि व

देव ब्रह्मापि नं मुंवया प्याखं हुयेगु म्ये हालेगु बाजं थाय्गु
 व स्वांमा सुगन्ध आदि नं सत्कार यायां गौरव यायां
 माने यायां पूजा यायां कापःयागु इलां प्यना भगवान
 तथामतयागु शरीर नगरया दध्वी गन कि मकुटबन्ध घैगु
 मल्लतये चत्य दुगुख अन यंका चक्रवर्ति जुजुपिनिगु शरीर
 थेंतुं न्हूगु वस्त्रं हित्तुहिना अनलि (सच्छिको) प्यना तःगु
 कपाचं हिना थुगु प्रकारं न्यासः जो कापतं हित्तुहिना नै
 यागु चिकंदुगु नांचाय् (= थले) तथा मेगु नै यागु थल
 छगुलि त्वप्पुया सकल सुगन्धं चिता दयेका भगवान यागु
 शरीरयात चिताया द्योने तल । अनलि महाकाश्यप स्थविरं
 भगवानया पाली छ्छलं वन्दना याय् मात्रं देवतापिनि
 आनुभावं याना चिता छगुलि छगुपाखं हे मि च्यात भगवान
 यागु शरीर भस्म ज्वी घुंका दाबास्वां घू समानगु घातु
 बाकि जुया च्वन । उगु समयस कासल जुजुया जनपदस
 च्वंहा छ्हा गामानी भगवान परिनिर्वाण जुया उकियागु
 अन्तिम संस्कार उत्सवया लागी वया च्वच्वं लँया बिच्चे
 थःगु शरीरे उत्पन्न जूगु वातरोगं कया अन्तिम संस्कार
 उत्सवस थ्यंक्रः वने मफया लिपा दीपे वना भगवानया
 घातु शरीरस शाक स्वां स्वफो छाया प्रसन्नगु मन याना
 भ्वस्मुना वन्दना याना वना उखुन्हुहे चान्हे दथुयागु पहराय्
 मृत्यु जुया वना तावतिस देवलोकस स्वीगु योजन दुगु लुँ
 यागु विमानस वना जन्म जूवन । वैगु ह्हापायागु पुण्य
 कर्म प्रकाश याय्या निम्ति घःचापाय् चागु शाकस्वां अन

उगु थासे यातां प्यातां खायातल । उकिंहे सकल विमान छगुलि प्रकाश प्याहां वया च्वन । उकिं सुगन्ध दुगु कलस समान नं जुया च्वन । वं जुलसां थःगु सौभाग्यं प्राप्त जूगु आत्मभाव व विमान सम्पत्ति व परिवार सम्पत्ति नं खना आश्चर्य चागु मन याना ह्लापा जि छुं पुण्य कर्म याना वयागुलि याना थ्व सम्पत्ति प्राप्त जुल ज्वी धका विचा याना स्वया भगवानया धातु शरीरस पूजा याना वयागु स्वफो शाक स्वां खना प्रसन्नगु मन याना घःचा पाय् चागु शाक स्वांया माला ह्लाति ज्वना धातु पूजा याय्या लागी वन । उगु समयस अन मुना च्वंपि मनु तयेसं वैगु रूप सम्पत्ति व ह्लाते ततः चागु शाक स्वांमा खना आश्चर्य चागु मन याना भो मयेजु ! छ गन च्वं च्वनाह्य ख ? थज्यागु स्वां गन कायगु दु ? धका न्यन । व खं न्यना देव कन्यां थमं भगवानया धातु शरीरस पूजा याना वयागु शाक स्वां स्वफोया आनुभावं याना थःत प्राप्त जूगु सम्पत्ति व दिव्य विमान व ह्लापा सीना वयागु शरीर नं सकतां इमित क्यना धर्म देशना याना धर्म देशनाया अन्तस धालः-

१ समागता भगवन्ता भो ! पस्सन्तु मम सम्पदं ।

कतमप्पेन कारेन सम्मासम्बुद्ध धातुया ॥१॥

भो सज्जनपि ! (थन) मुं वःपि पुण्यवानपि छिपि सम्भयक् सम्बुद्ध त्थागतया धातु शरीर यात याना वयागु भतिचा जकगु पूजा सत्कारं याना (प्राप्त जूगु) जिगु थ्व

सम्पत्ति स्वया का

॥११॥

२. साकमालानि तीर्णेषु हीयो'हं मुनिघातुया ।

पूजयित्वा सन्तुष्टा निवृत्ता ताय रत्तिया ॥१॥

जि ह्यिगः सर्वज्ञ तथागतया घातुयात शाक स्वांमा
स्वमालं पूजा याना संतुष्ट जुया ल्याहाँ वया उखुनु हे
चान्हे ॥२॥

३. मरुतो खरवातेन तमहं सुवृत्तिं सर्ति ।

तेमहं पुञ्जकम्मेन तावत्तिसुवगा अहं ॥३॥

कडागु वातया वेदना जुया सिना वंहा जि (जि
यानागु) व भिगु चरित्रसुकर्म लुमंकागु उगु पुण्यकर्मया
प्रताप याना जि तावत्तिस देवलोकस वना जन्म जूवना ॥३॥

४. तस्य मे आसि प्रासादो विसम्भोजननुरगतो ।

कूटागारवराकिण्णो साकमालो'स्ति विस्सुत्तो ॥४॥

अन देवलोके जितः स्वीगू योजन ताःजागु उत्तमगु
कूटागारं छचाखेरं चाहुला च्वंगु शाकमाला धका प्रसिद्ध
जुया च्वंगु (जिगु) प्रासाद-विमान जुया च्वन ॥४॥

५. यथा सत्त्वसुगन्धेहि करण्डं परि भावितं ।

तथा दिव्यसुगन्धेहि गन्धितं भवनं मम ॥५॥

सकल सुगन्धं सुगन्धित यानातःगु तांफ गथे खः
अथेहेतुं जिगु देव विमान दिव्य सुगन्धं ह्वाला ह्वालां
सुगन्धं वास वया च्वन ॥५॥

६. चक्रमत्ता साकपुष्पा ततथ तत्थूपलम्बरे ।

दिग्बगम्भा पवायन्ति मधुब्बतनिसेविता ॥६॥

भम्बतयेसं नित्य सेवन याना च्वंगु घःचा पाय्चागु
शाक स्वांत अन उगु उगु थासे यः खाया तल, दिव्य सुगन्ध
नं ह्वाला ह्वालां बास वया च्वन ॥६॥

७ भस्सन्ति एकपुष्कस्मा तुम्बमत्ताहिरेणवो ।

तेहि पिठजरितादेवा कीलन्ति च ललन्ति च ॥७॥

छफोस्वानं तुम्बापाय्गोः रेणु बुँ क्वाहाँ वना
च्वन व रेणु-बुँयानिम्ति याना प्याहाँ वया च्वंगु पिगु-
ह्याउगु लुँ यागु वर्णं दुपि देवतापि ह्यिता च्वन (थःगु)
लीला वयना च्वन ॥७॥

८. पिलग्घित्तवान मालायो दिग्बाभरणानि च ।

सहच्छरा देवपुत्ता नच्छगीतादि व्यावटा ॥८॥

देव अप्सरापि सहित देवपुत्रपि भिभिगु बांबांलागु
दिव्य तिसां व, दिव्य स्वामा आदि क्वखाया प्याख ह्वीगु
म्ये हालेगुली व्यस्त जुया च्वपि ॥८॥

९. पस्सथेमं भुजङ्गा भो ! सत्ता मोहेन पारुता ।

हीयो मत पबिद्धं मे पूतिभूतं कलेद्धरं ॥९॥

१०. पुलवेहि समाकिण्णं मक्खिकागणकीलितं ।

काकसोणादिसत्तानमाहारं कुणपालयं ॥१०॥

मोहं त्वप्पुया च्वंपिं भो घूर्तं जनपि ! तुं वायां
 वःयां दाया च्वंगु भुजि पुचःत ह्मिता च्वंगु, को खिचा आदि
 सत्व प्राणिपिनि आहार जुया च्वंगु लाशया आकार जुया
 च्वंगु ह्मिगः सीह्य (उर्किहे पिने वां छ्वया तःगु घ्वगिना
 च्वंगु जिगु ध्व (मृत) शरीर (बांलाक) स्व ॥६. १०॥

११. पत्थेण्ठि पुरिसा पुग्घे अनेकोपायनेन तं ।

इट्ठुम्पि दानि निच्छन्ति तण्हाय उज्जाणता

अहो ॥११॥

ह्मिपा पुरुषतयसं अनेक प्रकारगु उपाय याना व
 शरीर (लाभ यायगु) आशिका याई आ जुलसां (उगु
 शरीर) छको अथेक स्वेगु हे नं इच्छा याई मखु तृष्णाया
 कारणं याना ज्वीगु अज्ञानभाव अहो अश्चर्य खः ॥११॥

१२ लोकपज्जोतकस्साहं बिमसस्स यसस्सिनो ।

धातुं होयो माहि सम्मा अज्ज सग्गे

वतिट्ठता ॥१२॥

ह्मिगः जि निर्मलगु यश ऐश्वर्य दुगु स्वंगू लोक
 यात ज्वाला ज्वालां थिका बिज्याह्य तथागतयागु शरीर
 धातु बांलाक पूजा याना (उगु पुण्यं याना) थौं स्वर्गस
 प्रतिष्ठित जुया (जन्म जूवया च्वना) ॥१२॥

१३. हित्था नेत्ताविसं कायं लद्धं दानि ममेविसं ।

दिग्बत्तमाहं सोमाहि भासमानमुदिपखथ ॥१३॥

अज्यागु (घृणितगु) शरीरयात त्याग याना आ
 प्राप्त जुया च्वंगु थ्व अज्यागु शोभां जाज्वल्यमान जुया
 थिना च्वंगु जिगु देवत्व भावयात स्व वा ॥१३॥

१४ भासमानाय मे वाचं सुणोथेत्य समागता ।
 नस्थे'वाकतपुञ्जस्स अणुमत्तं भवे सुखं ॥१४॥

थन मुना च्वंपि (महान जनतापिं) धया च्वनाहा
 जिगु वचन न्यात्रा पुण्य मयापिंत थ्व संसारस भत्तिचा
 जक जूसां सुख देहे मखु ॥१४॥

१५. बिन्दु मत्तम्पि यो पुञ्जबोजं रोपेति सासने ।
 नभानस्तफलं होति याव
 निब्रह्मणपत्तिया'ति ॥१५॥

गुहास्यां जुलसां शासनरूपी (बुँस) छफुत्ति जक
 जूसां पुण्ययागु पुसा पी (वयात व पुण्य) निर्वाण मथ्यं
 तल्ले आकाश समानं अनन्त फल प्राप्त जुया च्वनी ॥१५॥

थुगु प्रकारं व देव कन्यां थःत प्राप्त जूगु देवता
 पिनिगु विभत्र सम्पत्ति कयना जनतापिंत अववा'द उपदेश
 याना दिव्य शाक स्वानं सर्वज्ञ धातुयात पूजा याना मनु
 तयेसं स्वया च्वंक च्वंक हे विमान नापं देवलोके तुं
 ल्याहां वन । व (अथे जूगु) खना आपालं जनतापिं दान
 आदि पुण्य याना देवलोक जायेकः वन ।

१६ एवं हि सा पुष्कमत्तेन घातुं,
 पूजेत्य देवेषु अलत्थ भूति ।
 तुम्हेपि भोन्तो तिबिबेसु सातं,
 कामत्थ चे कत्थ पुञ्जानि साधुगि ॥१६॥

थुगु प्रकारं जुलसां व मिसां स्वां मात्र (सर्वज्ञ
 शारीरिक) घातुयात पूजा याना (उगु पुण्यं) देवतापिनि
 दथ्वी महानगु दिव्य सुख लाभ याना काल (उकिया
 निर्मित) भो सज्जनपिं छिपिनं देवलोकस दिव्य सुख इच्छा
 यात घासा बांलाक पुण्य याय्गु स्व ॥१६॥

शाक स्वांमा पूजायाह्यस्वा बाखं
 पञ्चम-न्यापु

Dhamma.Digital

मोरिय ब्राह्मणया वाखमस

एव छत्तिसिसैया आनुसूवी कथा

की भगवान तथागत महपरिनिर्वाण जुय बिज्याय
धुंका मन्ध राष्ट्रस मचल धंगु तःधंगु गां (छगू) दया
चवन । अन श्रद्धावानह्य (त्रिरत्नय उपरे) प्रसन्नगु चित्त
दुह्य मोरिय धैह्य ब्राह्मण छह्य वास याना चवन । वया
सेना नांजुया च्वंहा कलाह्य छह्य दु । व नं त्रिरत्नस
श्रद्धां प्रसन्नगु चित्त दुह्य खः । इपि निह्यं मिले चले
जुया खुशि प्रसन्न जुजुं भिक्षुसंघपित निमन्त्रण याना न्हाबलेसं
दान बीगु ज्याया चीवर आदि प्यंगू प्रत्ययनं उपस्थान
सेवा याना शील रक्षा यायां उपोसथ कर्म यायां दिन बिते
याना चवन । अनंलि वया छेँ सम्पत्ति आपालं याना दान
आदि ब्युब्युं फुना वन । अले ब्राह्मणनीनं स्वामि कीगु
छेँ धन दुगु पवी धुंकल आ कीसं गय्याना दान बीगु चालु
याना चवनेगु धका ब्राह्मण यात धाल । अनंलि ब्राह्मणं
हे प्रिये ! छं चिन्ता याय् मते न्हांगु उपाय यत्न याना
जूसं दान बीगु ज्या स्यंके बीमखु स्थिरहे याना तये धका
धया वैत थःगु उत्साह प्रकट याना धालः-

(१४६)

१. ज्ञानमानो हि लोकास्मिन्नानन्देन फलं इति ।

क कश्चात् को बुसीमेसु भण्णमि दिवसम्मत्ति ॥१॥

दानयागु थज्यागु विपाक-फलं चका स्खुविसं एव
संसारसु सुम्भं जक वान्नागु शीलदुषितं हित्यं स्वल्पं जक
बूला (दानं) मकीपि दे ? (बिहे की) ॥३॥

२ सम्मलोकनिदानानि दानानि मतिमा इध ।

कौ हि न्यमं नरो लोके न ददेय्यं हिते रतौ'ति ॥२॥

शुभु बोकसं ज्ञानुहा थत्त हित यायुगुलि लगे जुया
चवंगु सु मन्नं जक स्वयं लोक (सम्पत्ति सिद्धयान्ता बीत)
निश्चयं चं हेतु-कारणं जुया चवंगु दानं मवी ? (बिहे
बी) ॥२॥

धये जुलसां धय्यं प्रिये ! बने द्वाहां वना अनेक प्रकारगु
ह व फलफुल दात्ता ज्ञायकं मत्ता हया व मिया जुसां
दात्त बीगु दुते यम्हं मखु भक्ता धया अबलेसंनिसें वत-
जङ्गले वना हः व फलफुल कया हया व मिया जुसां
दात्त बीगु उक्ता दुते मयासे वास याता चवन । हानं छन्दु
व ह्याप बने द्वाहां बना (लप्ते) सिमा हः व फलफुल दात्ता
जङ्गला छवंगे तथा छे ल्याहां वया चवंगे स्वां फल
सिमाकचा (बोकं) कोछुना चवंगु अनेक प्रकारगु सिमा
सम्पदं धिप्पा सिप्पा जुया चवंगु (फल रस अनुभवा यायुगुलि)
सन्तुष्टं जुया चवंगे अनेक प्रकारयापि कंगः सम्पदं व प्या
वुत्ति कुमि प्रसन्नयेषं सेवक याता चवंगु (अन उगु थासे)

फँले जुया च्वंगु अनन्त स्वां सिमा हःलं व (स्वांथागु)
 केसरि, ल्वाक ज्यागु तुयूगु फि ब्व दुगु न्ह्याना क्वब्वं
 वया च्वंगु सिच्चुसे च्वंगु निर्मलगु ल बावया च्वंगु दु ।
 म्यातना मदुगु छसिनिसें ताजाः जुजुं वना च्वंगु बांलागु
 घाटं याना रम्य जुया च्वंगु पुखू छगू खना दाला पुखूसिथे
 तथा (पुखुली) क्वाहाँ वना मोल्हुया च्वन । उगु क्षणस
 अन सिमा छमास अधिग्रहित जुया च्वंहा देवपुत्र छहास्यां
 वैत अन मोल्हुया च्वंगु खना गथेख थ्व मनू भिगु मनशोभा
 दुहा खःला अथवा पापिगु मन दुहा मनूला धका दिव्य
 चक्षुं परीक्षा याना स्वया थ्व मनू जुलसां आश्चर्यंहा मनू
 खः थः गरीब जूसानं तभि थःगु दान परम्परा टुते ज्वीगु
 भयं वने वया लप्तेहः व फलफुल यंका दुःख कष्ट सिया
 (थःगु) जीविका चले याना दान धर्म टुते मयासे याना च्वं
 च्वन धका चिन्तना याना वैगु गुण धर्मया कारणं याना
 दालाय् च्वंगु लप्तेहः व फलफुल सकतां लुं ज्वीमा धका
 अधिष्ठान यात । तदनन्तर वैगु आनुभाव-प्रतापं याना
 (दालाय् च्वं को) व्याक्क लुं जुया वन । हानं व देवपुत्रं
 लुं जागु दालाया द्योने लुं पुचःया दथ्वी लाक्क इच्छा
 याक्को व्याक्कं पुरे याना बीगु तःगोगु चिन्तामणि रत्न
 छगः नं तथा अन्तरध्यान जुया वन । अनंलि ब्राह्मण
 मोल्हुया पुखुलि थाहाँ वया दालाय् जाय्क लुं यागु ज्वाला
 ज्वालां थ्वीगु प्रकाश अनेक रंगबिरंग रश्मि जाज्वल्यमान
 जुया च्वंगु माणिक्यरत्न खना थ्व छुथें घैगु शंका परिशंका

जुया दालाया लिक्क वना ह्ला चक्कंका काय्गु साहस
मदया अर्थे दना च्वन । वं अथे याना च्वंगु खना देवपुत्रं
थः शरीर क्यना छ ग्याय् म्वा ब्राह्मण आम ब्याक्कं जि
याना बियागु खः ज्वना हुँ घका घाल । अनंलि ब्राह्मणं
देवपुत्रयागु खँ न्यना थ्व देवपुत्रं थुपि (लुँ) ज्वनाहुँ घाल,
थ्व लुँ ब्याक्क थःगु आनुभावं ब्यूगुला अथवा जि यानागु
पुण्यकर्म याना दया वःगुला घका वंके जि न्यने माल घका
ह्ला बिन्ति याना देवपुत्र याके न्यन्यं घालः-

३ पुच्छामि पञ्जलीदानि देवपुत्तमहिद्विक ।

वदासि मे सुवर्णं च कामदं मणिमुत्तमं ॥३॥

आपालं ऋद्धि दुह्य हे देवपुत्र ! ह्लाबिन्ति याना
आ (जि छके) न्यना च्वना जित लुँ व यो योगु वस्तु
बीगु उत्तमगु माणिक्य रत्न बिल ॥३॥

४. नापि भो नो तुवं ज्ञाति न मित्तो नोपकारको ।

किं त्व अथवसं दिस्वा मम दज्जासिमं धनं ॥४॥

भो देवपुत्र ! छं जिपि थःथिति मखु पासानं मखु
उपकार यानातयाह्य नं मखु छ छु प्रयोजन खना जितः
थ्व धन बिया च्वनागु खः ? ॥४॥

५. केन तपेन सीलेन केनाधारगुणेन च ।

येन दज्जासि मे देव ! किं मे सुचरितं धितं ॥५॥

भो देवपुत्र ! गुगु कारणं याना जितः (थ्व धन
राशि) बिया बिज्यानागु ? (जि याना बयागु) गथिज्यागु

तपस्याया कारणं, गन्धिज्यागु शीलया प्रभावं याना, गन्धिज्यागु
 शिष्टाचार गुण धर्मया कारणं याना खः । (श्व धन जित
 विया विज्यानागु) जि मुंका वयागु छु सुचरित्र या कारणं
 खः ? (श्व वस्तु जित वियागु ?) । ५॥

६. किन्नुपुरातनं कम्मं केन कस्मेन दस्ससि ।

अथ वा तविद्विया देसि तं मे अक्खवाहि

पुच्छितो'ति ॥६॥

अथवा पूर्व जन्मस याना वयागु (मेगु छु कुशल)
 कर्मया कारणं यानाला, गुगु कर्मयाना (श्व धन) जितः
 विया च्वना अथेनं मखुसा छःपिनिगु ऋद्विया वलं जक
 वियागुला ? जि न्यनागु उगु कारण (छःपिसं) जितः
 कना विज्याहुँ । ६॥

अनंलि देवपुत्रं हे ब्राह्मण ! जिपि देवता धका
 जुलसां मेपितं छुं छगू वीमफु छं ह्लापा यानावःगु सुचरित्र
 यागु प्रतापं हे उत्पन्न जुया वःगु खः धका धया दिव्य
 चक्षुं वेगु ह्लापा यानावःगु कर्म खना वैत प्रकाश याना
 धालः-

७ कस्सपे लोकपज्जोते सम्बुद्धे परिनिब्बुते ।

सब्बत्थ पत्थटं आसि तस्स बुद्धस्स सासनं ॥७॥

लोकपित प्रदीप जुया विज्याकहा काश्यप सम्यक्
 सम्बुद्ध महापरिनिर्वाण जुया विज्याय् धुंकुसेलि वसपोलया

शासन (जम्बूद्वीपस) सकल थासे फैले जुया वन ॥७॥

८. तदा पृच्छन्तिमे गामे त्वमासि कुलदारको ।

सदो आसि पसन्नो च दायको कुसलेरतो ॥८॥

उगु समयस छ प्रत्यन्त गामे छह्य कुलपुत्र जुया
च्वन श्रद्धा दुह्य (संघापि खना) प्रसन्न चित्त दुम्ह कुशल
यायगुली लगे जुया च्वम्ह (हानं) दाता नं जुया च्वम्ह
(खः) ॥८॥

९ तदा पब्वज्जितो एको गच्छन्तो अन्तरापथे ।

चोरेहि अनुबद्धोसि अच्छिन्नपत्त चोवररो ॥९॥

उगु समयस लँया बिच्चे विज्याना च्वम्ह छम्ह
भिक्षुयात खुँतयेसं लिना यंका (वसपोलयागु) भिक्षा पात्र
व चोवर लाका काल ॥९॥

१०. साखाभङ्गं निवासेत्वा पारुपेत्वा तथेव तं ।

अन्तोगामं पबिद्धासि एसमानो पिलोतिके ॥१०॥

सिमा कचां (लाज त्वप्वीत धोतिथे) चिना अथेहेतुं
(सिमा हःह्वना) उकियागु गां न्यया भ्वाथःगु कापः मामां
गामे दुने विज्यात ॥१०॥

११ ततो त्वं चरमानं तं विस्वा कम्पितमानसो ।

वत्थयुगं अदासि त्वं सहहं दानतो फलं ॥११॥

अनलि छं (अथे) चाह्य जूम्ह व भिक्षु खना
हृदय कम्पमान ज्वीका, दानं (प्राप्त ज्वीगु) विपाक फल

विश्वास याना वसः छजो छं (वयात) बिल ॥११॥

१२. पत्थोदनेन तं भिक्षुं परिवसित्वा यथा बलं ।

पेसेसि अभिवादेत्वा सद्भाय सुद्धमानसो ॥१२॥

शुद्धगु मन याना थःगु गच्छे अनुसारं (साधारण)
जा छसा व भिक्षुयात श्रद्धापूर्वकं भोजन याका वन्दना

याना छवया बिल

॥१२॥

१३ इमं त्वं अकरो पुञ्जं तुय्हेतं चरितं इदं ।

तस्स ते पुञ्ज कम्मस्स अमुख्य फल

मोदिसग्गि ॥१३॥

- छं (अबले) थ्व पुण्य याना वल छंगु उगु (ह्लापा
यागु) चरित्र खः छंगु उगु पुण्य कर्मया थ्व प्रधान मखुनिगु
विपाक थये खः (धका न्यंकल)

॥१३॥

थये जुलसां धया हे ब्राह्मण ! थ्व छंगु धन खः
जुजु आदिपिसं काय् मफेक याना बी धुन छं छुं हे शंका
मयासे कया यंका थःत मागु ज्यास प्रयोग या हुँ । थ्व
माणिक्य रत्न जुलसां छं मने वःवगु व्याक्कं इच्छा पुरे
याना बी थुकियागु आनुभावं नं छंगु दान बीगु ज्या टुते
मयासे काय्कलापिं पालन पोषणया धका उपदेश बिल ।
व खँ न्यना ब्राह्मणं व (देवतां) धागु अनुसारं भिक्षुसंघ
पित महादान व्यु व्युं शोल रक्षा यायां ताकाल तक
म्बाना च्वना लिपायागु समयस अन च्युत जुया वना देवलोके
वना जन्म जूवन ।

१४. एषः निहीनापि धनेन सन्तो,
दानश्रयं नैव परिचचञ्जति ।
तस्मा हि त्रीन्सौ सति इत्यथश्ने,
मा कथ्य दानेषु पमादभावन्ति ॥१४॥

सत्पुरुषपिसं थुगु प्रकारं धन शेष छुंहे मदेक हीन
जूसां तभि (अःगु) दान परम्परयात्त गबलेसं हे तोती
मखु भो सज्जनपि ! उकियानिम्ति हे बी योग्यगु वस्तु
देवले दान बीगुलो प्रमाद ज्त्रोमते (= लिपा च्वने
मते) ॥१४॥

मोरिय ब्राह्मणयागु बाखं

षष्ठम-खुपु

Dhamma.Digital

(१२३)

काय्यागु वासनस

ध्व छसिनिसैय आनुपूर्वी कथा

छगू समयस जुलसां लंका द्वीपे च्वंपि ख्वीह्याति
भिक्षुपि जय महाबोधिबृक्ष वन्दना याय्गु इच्छा जुया
सकस्यां छकोलं सल्ला याना महातीर्थ जहाजे च्वना जम्बू
द्वीपस थ्यका तामालत्तपट्टन घंगु तीर्थे क्वाहाँ वया छसिनिसै
फोलाक वया पाटलिपुत्र नगरे थ्यकः विज्यात । अनंलि
उगु नगरस भिक्षा काः विज्यापि इपि भिक्षुपि छह्य गरीबह्य
मनूनं खना “ताकाल लिपा जि बुद्ध पुत्र भिक्षुपि खना”
धका प्रसन्नगु मन याना कलाह्यासित सःता प्रिये ! थुपिं
आर्यपित दान बीगु इच्छा जुया च्वन ह्यापा कीसं पुण्य
याना मवंगुलि याना आ थौं फी गरीब दरिद्र जुल थुपि
पुण्ययागु बुँस (कुशलयागु) पुसा पी मफत धासा हान
थथे हे (गरीब-दरिद्र) जूवने माली धका धया जिगु
छेँ छु दान बी योग्यगु वस्तु दु ? धका न्यन । कलाह्यास्यां
व खँ न्यना स्वामिः फोगु छेँ आर्यपित दान बी योग्यगु
वस्तु छुं मखना तथापि जि काय्यात स्याना दान ब्यूसा
जक बी फँ, वं वैगु खँ न्यना प्रिये ! काय्यात स्याना
छु दान बीगु ? धका घाल । कलाह्यास्यां व खँ न्यना

(१५४)

गथे स्वामि छिमस्यूला कोकाय् सित धाय्व दृष्टान्त खना
 नुगः मछिपि थःथितिपिसं व पासा भाईपिं कोथाय् वैबले
 छुं भति भति कोसेलि ज्वना वै कोसं व कोसेलिद्वारा
 दान बो घका धाय्व उपासकं ज्यू अथेसा अथेहे या घका
 (व ज्या) मांहासितं तुं तोता बिल । मांहास्यां थ काय्
 स्याय्गु साहस मदया घाल । उकिं थन थथे घया तलः-

१. किच्छा लद्धं पियं पुत्तं भम्म'म्माति पियं वदं ।

सुनीलनेत्तं सुममुं को पक्कमितुमिच्छति ॥१॥

(वैचुगु पलेस्वां समानगु मिखादुहा बांलागु मिखा
 फुसि बाला छजो दुहा योमा योमा घका प्रियगु वचन खं
 ह्लाइहा दुःख कष्टसिया दुहा प्रिय योहा काय्यात स्याय्
 सुनांजक फं ? (फं हे मखु) ॥१॥

२. मातरा मारियन्तोपि मातरमेव रोदति ।

मारेतुं तं न सक्कोनि हवयं मे पवेघती'ति ॥२॥

मामं (काय्यात) दा सानं (योमा योमा घका)
 मांयागुहे नांकया सःता ख्वई (उकिं) व काय्यात स्याय्
 फैमखु जिगु हृदय कम्पमान जुया च्वन ॥२॥

थथे जुलसां घया भोस्वामि ! जिं काय्यात स्याय्
 फैमखु छं स्या घका काय्यासित बोहासिथाय् छ्वया बिल ।
 अनंलि वं नं वैत स्याय् मफया थथे घाल । उकिं घया
 तलः-

(१५५)

३ तायन्ति पितुनो दुःखं पुत्ता पुत्ता ति कित्तिता ।

पितु दुःखं सुखं पुत्ता वायादा होन्ति सब्बदा ॥३॥

काय् घयापि बीयात् जूगु दुःख (पना इमिसं)
रक्षा याना बी (उकिया निम्तिं) पुत्र घका घया तल
काय्पि न्हाबलेसं बीया सुख दुःख निगुलीसं अंश थःह्य
जूवनी ॥३॥

४ तस्मा मे सदिस पुत्तं पिल्लकं मञ्जुभासनं ।

न सक्कोमि अहं भद्दे जीविता तं वियोजितुं ॥४॥

भो प्रिये ! उकिं मधुर ज्वीक खं ह्लाईह्य जि
समानह्य व हिसिचा दुह्य मचाचाह्य पुत्रयागु जीवन चप्फुई
जिं फे मखु ॥४॥

५ अयसं च अकित्ति च पप्पोति पुत्तघातको ।

पाणातिपातकम्मम्यि कामं सो फुसते नरो'ति ॥५॥

काय् स्याह्य मनूया अवश व अकीत्ति नं फेले जूवनी
व पुत्रघात याह्य मनू प्रणघात यागु (अकुशल) कर्मनं
निश्चयनं स्पर्श यावनी (उकियाना नरक आदि अपायस
जन्म जूवनी) ॥५॥

थये जुलसां घया वं छं हे छंकाय् यात स्या घका
छ्वया बिल थये वं धाय्व काय् स्याय्गु उपाय् मामां
थये घाल कीपिं निह्य स्यानं थ्वयात् स्याय् फे मखुत् की
छे'या ल्यूने तःधंगु कुमिचिगु चा दो' दु उकी नागराज
छह्य च्वं च्वंगु दु कुमारयात् अन छ्वया बी वं वयात्

(१५६)

न्यना श्याना बी श्व खासागु उपाय खः धका चिन्तना
माना कुमारयात सःता अजल उईका बुल्यी न्होका छायेपा
धया ह्ति भकुंवारा तथा पुता ! छिया ल्युने कुमिचिगु
आ दो याथाय वना ह्तिता च्व हूँ धका छवया बिल
अनलि मचा वना भकुंवारा नाप म्हेतु म्हेतु चो वीवीचिया
पवाले भकुंवारा द्व हां वन । अले व म्वां भकुंभार
पिकाय धका चा दोषोत्तिय प्वाले ह्ति हुत छवत अनलि
नाग तंचाया सूसु म्पिक्क म्पिक्क व म्गु म्पिक्क प्वालं
छघो पित हया मार देवतभ्यागु ह्तिता तोःता हःगु सोचिपाय
थें स्वया च्वन । अनलि कुमारं ह्ति मसिया नागया गःपते
ववात्त क ज्वन अले वया मां वी पिनिगु श्रद्धावलं नागराजां
कुमारया ह्तिता च्वना य यःगु वस्तु बीथागु गःपते च्वंगु
नागमणि कुरुका बिल । कुमारया मां वीपि निमहं लुखा
याथाय च्वना वंगु व सःहसिक्कगु ज्या खना उगु माणिक्य
रत्न नं खना याननं वना मचायात बुया कया ह्तिता
मणिरत्न न काल । अनलि इमिसं व नाग मणिरत्न
परिशुद्धगु आसने तथा म्पिक्क म्पिक्क याना जिमित थज्या
थज्यागु वस्तु व्यु कधा धया शुद्धगु ल हया हा हा यात ।
अले इपि मणिरत्नयागु आनुभावयाना छें या न्होने पिखा
लखी तःधगु मण्डपदयेके बिया इलां आदि प्यना मण्डप
यात छायेपा भिक्षुपित आसन आदि लाया इपि खीह्तिता
भिक्षुपित फेतुका तःधगु दान बिल । अनलि नगरे च्वपि
मनूत मणिरत्नयागु आनुभाव न्यना (अन) मूवल । अले

इमिदध्वी थःगु श्रद्धा बलं याना मणिरत्न लाभ जूगु भाव
 प्रकाश याना ध्व जुलसां दानया लागी हे परित्यागयाय्
 त्यना धका छगू थासे प्रतिष्ठापनायाना उकियागु आनुभावं-
 प्रतापं जन्म भर तक्क दान बिब्युं शील रक्षा यायां आयु
 फुना वसेलि देबलोके बना जन्म जूवन ।

६. छेत्रवान पेमं अपि अत्रजेसु,
 ददन्ति दानं इध मानुसेव ।

न ददाति को नाम नरो समिद्धो

दानं हि दानस्त फलं सरन्तोति ॥६॥

थुगु प्रकारं थन थुगु मनुष्यलोकस (गृह्यं गृह्यं
 श्रद्धावानपि) मनूत थः काय्या उपरे नापं प्रेम-स्नेह याय्गु
 तोता (स्वर्गं मोक्ष सुख प्रार्थना याना) दान बी, दानयागु
 फल-विपाक अनुस्मरण याना धन दौलत आपाल दुपि सु
 जक मनूनं दान बीगु इच्छा मयाई (अवश्यनं याई) ॥६॥

काय्या बालं

सप्तम-न्हेपु

स्वह्य फुकी कस्ति वंजातयगु बाखनस

ध्व छत्तिनिसैया ग्रानुपूर्वी कथा

अतीत समयस जुलसां वाराणसीनगरे स्वह्य दाजु किजापि मिले चले जुया कस्तियागु व्यापार याना काय कलापि पालन पोषण याना च्वन । अनलि इपि मध्ये छह्य प्रत्यन्त (गां गामे) वना मलय प्रदेशे च्वंपिनिगु ह्लाति कस्ति मीहःगु न्याना काई, छह्यस्यां न्याको न्याको कस्ति नगरे ल्ह्याया ह्या बो । मेम्ह छम्हस्यां वं ल्ह्याया हको हको कस्ति वाराणसी च्वना मिया च्वनी । उगु समये गन्धमादन पर्वतस छम्ह प्रत्येक बुद्ध घा जूगु रोग आत्तुर जुया बिज्याना च्वन । अले मेम्ह प्रत्येक बुद्ध छम्हस्यां वयात कस्ति दःसा लाया वनी धका सीका गन्धमादन पर्वते हे च्वना चीवरं न्यया आकासं बिज्याना नगरया व्वाकाय् व्वाहाँ बिज्याना गन वंसा कस्ति प्राप्त ज्वी धका विचायाना सोया च्वं च्वना बिज्यास । उगु समयस अन मेपिनिगु कुले च्यो ज्या याना जीविका याना च्वंम्ह भ्वाति छम्ह घः कया ल कायत वना च्वं बले लंया छखे लिक्क वना घः तथा (प्रत्येक बुद्ध यात) वन्दना याना छखे लिक्क दना च्वन । अबले प्रत्येक बुद्ध वेहे

मयजु ! थन भिक्षा वंपित गन वंसा कस्ति प्राप्त ज्वी ?
 धका न्यना विज्यात । व मिसां वसपोल यागु खँ न्यना
 कस्ति वजार खने दु थाय् च्वना उखे पाखे ल्हा छ्वया
 वयना भन्ते हुँ कनका कस्ति वजार धका वयना याद
 थ्वस्पोल प्रत्येक बुद्धं थौं वजारे कस्ति प्राप्त मजुल धासा
 जिं न्यया च्वनागु गा विया जूसां कस्ति चह्ने याय् धका
 अनहे च्वना दना सोया च्वन । अनलि प्रत्येक बुद्ध छसिंनिसें
 विज्याना कस्ति वजारे थ्यंकः विज्यात अनलि कुटुम्बिकं
 वसपोल खना ल्लात पात्र कया प्यचाले द्योने तथा कस्ति
 यागु घः जोना पात्रे पोंकल अनलि कस्ति पात्र जाया न
 भय त्रिया वया वै वात, व अथे वागु खना प्रसन्नगु मन
 याना व्यापारिं थथे प्रार्थना यात, उकिं महा वंसें धया तलः-

१. ततो पत्तस्स बुद्धस्स चाणिजो सो पसादवा ।

विस्सन्दयन्तो मुखतो पत्तपूरं मधुं अदा ॥१॥

अन विज्याम्ह (प्रत्येक, बुद्धयात प्रसन्नगु मन याना
 व व्यापारिं (पात्रयागु) म्हुतुसिजाय्क भेविया वयेक कस्ति
 (दान) बिल ॥१॥

२ पुण्णञ्च उप्पत्तितञ्च प ततञ्च सहोतते ।

दिस्वा मधुं पसन्ना सो एवं पणिदहो तवा ॥२॥

व जुलसां परिपूर्ण जुया भेविया वया बँस वागु
 कस्ति खना प्रसन्नगु मन याना उगु समयस थथे आशिका-
 प्रार्थना यागु जुल ॥२॥

३ जम्बुद्वीपे एक रज्जं बानेनानेन होतुमे ।

आकासे योजने ज्ञाणा भूमियं योजनेति च ॥३॥

धुगु दानयागु प्रभावं याता जि जेम्बूद्वीपस एकछत्र-
चक्रवति जुजु ज्वी दयेमा (जिगु) आज्ञा (= हुकम)
आकासे छगू योजन तक्क व (क्वे) पृथ्वीरे छगू योजन
तक्क (चले ज्वीमा) । ३॥

यथे जुलसां प्रार्थना याता भिक्षापात्र लःह्लाना विल्ल ।
प्रत्येकबुद्धं भिक्षापात्र ग्रहण याता कया अन हे दत्ता चरना
विज्य नाः-

४ इच्छितं पस्थितं तुय्हं खिप्पमेव समिज्जतु ।

पूरेन्तु चित्त सङ्कप्पा अग्घो पणरसो यथा ॥४॥

छंगु इच्छा प्रार्थना याकनं हे सिद्ध ज्वीमा शुक्ल
पक्षया पुह्नी खुनुया चन्द्रमाथे (छंगु) चित्त यागु संकल्प
(व्याककं) सम्पूर्ण ज्वीमा ॥४॥

५ इच्छितं पस्थितं तुय्हं सम्बुमेव समिज्जतु ।

पूरेन्तु चित्तसङ्कप्पा मणिजोतिरसो यथा ति ॥५॥

(छं) इच्छायागु (अथेहेतुं) प्रार्थना यागु सकतां
हे छंत सिद्ध - समृद्ध ज्वीमा ज्योतिरस धंगु (मनं इच्छा
यागु तक्क बीगु) मणिकय रत्न समानं (छंगु) मनो-
कामना व्याककं सम्पूर्ण ज्वीमा ॥५॥

धया विज्यासे मङ्गल कामना याता विज्यात ।
अनंलि लँया बिचे च्वंच्वंहा लः ल्ह्यइह्य भ्वातिनीनं प्रत्येक

बुद्धया न्होने वना 'कस्ति प्राप्त जुला भन्ते?' धका न्यन । वसपोलं प्राप्त जुल केहे मयजु धका धया बिज्यायव वं छु धया दान बिल ? धका न्यन प्रत्येक बुद्धं फुक्कं खँ कना बिज्यात । व मिसां व खँ न्यना जि दासिया उपरे दया - अनुकम्पा तथा धन हे नि भचा च्वं च्वना बिज्याहुँ धया याकनं छँ वना म्वाथ.गु गां न्यया थःगु गा हिया हया फुंगखोलथे याना प्रत्येक बुद्धयात दान बिल । भन्ते ! गबले जुलसां व कस्ति दान ब्यूहा जम्बुद्वीपे छहा जकहा जुजु ज्वी उगु अवस्थास जि वया अग्रहा वडामहारानी ज्वी दय्मा धका प्राथना यायां थथे धालः-

६. यदा ते मधुवो भन्ते भू भुजो होति भूतले ।

तस्स हेस्सं तवा भग्ते पिया अगमहेसिका ॥६॥

भो भन्ते ! गुगु समयस छलपोलयात कस्ति दान याहा थ्व पृथ्वीस जुजु ज्वी उगु समयस (जि) व जुजुया योहा अग्रहा महारानी ज्वी दय्मा ॥६॥

७ सुखपा च सुबाणी च सुयसा सुब्बतासुभा ।

भरसं तस्स पिया चा थ मनापा इच्छवा सवा'ति ॥७॥

वांलागु रूप दुहा मधुरगु वचन दुहा तःधंगु यश ऐश्वर्य सम्पत्त दुहा भिगु चरित्र दुहा अर्थात् पतिव्रताहा वया न्हावलेसं मनयात योहा हान जिगु शरीरं वैत मागु ख्वाउँगु क्वागु स्पर्श वोफुहा (वया) शुभ मङ्गलहा महा-रानी ज्वी दयेमा ॥७॥

व मिसायात नं उगु समयस प्रत्येक बुद्धं अथे हे
 ज्वीमा धका आशीर्वाद आज्ञा जुया आकासं गन्धमादन
 पर्वतसं तुं बिज्यात । अनंलि लिपायागु समयस इपि
 स्वह्मं (दाजुकिजापि) छथाय् मुना कस्ति जांच याना
 स्वयायंकूबले उगु कस्ति घले च्वगु कस्ति गो धका न्यन ।
 वं थह्मं यानागु ज्या ब्याक्कं कना यदि छिमिसं उकी
 पुण्यानुमोदन यात धासा बेश हे जुल, मखुसा कस्तिया
 मू तुक्को जिगु ह्लाति का धका धया इमिसं अले जिमित
 उकियागु मू मागु मट्टु व कस्ति गज्याह्मसित विया छ्व-
 यागु धका न्यनेव व खँ न्यना किजाह्मस्यां इमित प्रत्येक
 बुद्ध धका धाई, गन्धमादन पर्वते वास याना बिज्याई,
 काशाय - म्हासुगु वस्त्र धारण याना बिज्याना कुले कुले
 विज्याना भिक्षाचरण याना बिज्याई । वसपोल अत्यन्त
 शान्त शीलवानह्म खः धका कन । अनंलि इपिमध्ये दाजु
 ह्मस्यां ब्राह्मण चण्डालत नं काषायवस्त्र पुना ज्वीयो
 जिला वयात चण्डाल धका सम्के जुया धका धाल ।
 दथुयाम्ह दाजुह्मस्यां तंचाया छं प्रत्येक-बुद्धयात समुद्रय्
 यंका वांछ्वे यंकि धका धाल । अनंलि इमिगु खँ न्यना
 कस्ति दान ब्यूह्मस्यां छिमिसं महेसाह्यपि अपालं आनु-
 भावदुपि प्रत्येकबुद्ध आर्यपित अथे धायमते छिपि छु अपाय
 नरफ दुःख खना मग्याला धका आदि अनेक प्रकारं इमित
 सम्के बुके याना वसपोलपिनिगु गुण प्रकाश यात । व
 खँ न्यना इपि निह्मस्यानं अथे जूसा ज्यू असल जुल धका

प्रसन्नगु मन याना (पुण्य) अनुमोदन यात । लिपायागु
समयस इपि अनं सिता वना देव व मनुष्य निगूली चाःह्यु
ह्यु अन अन उगु उगु थासे तःधंगु सम्पत्ति अनुभव
याना की (गौतम) तथागत महापरिनिर्वाण जुया बिज्याय
धुँका निसः दं लिपा थम्हं थम्हं प्रार्थना यागु योग्यगु
थासे वना जन्म जूवन । उकिं धया तलः-

८ असोको मधुदो 'सन्धिमिता देवी तु चेटिका ।

चण्डाल वादी निग्रोधो तिस्सो सो

पारवादिको 'ति ॥८॥

कस्ति दान ब्यूम्ह सम्राट अशोक ब्रम्ह (जुजु
जुया जन्म जुल) भ्राति जुलसां असन्धिमिता महारानी
जुया (जन्म जुल) चण्डाल धाम्ह (दाजुम्ह) निग्रोध श्राम-
णेर जुया (जन्म जुल) समुद्रय् वांछुव धाम्ह परवादिम्ह
व (दध्वो च्वम्ह दाजु लंका द्वीपस) तिस्स जुजु (जुया
जन्म काःवत्त) ॥८॥

इपि (स्वम्ह फुकी) मध्ये चण्डाल धका धाम्ह
दाजुम्ह व्यापासे बिन्दुसार जुजुया दकले तःधिकःम्ह काय्
सुमना राजकुमारया काय् जुया जन्म काल । वैगु थ्व
छंसिनिस्ये यागु वाखँ खः - बिन्दुसार जुजु जुलसां
(बुढा जुया दुर्बल जुया) वःगु समये हे अशोक कुमार
थःत प्राप्त जूगु उज्जेन राज्य त्वता वया सकल नगर
थःगु ह्लातय् कया सुमनराजकुमार यात जोता यंकल ।

उखुनुया दिनें हे सुमन राजकुमारया जहान सुमना घँहा
 राज पुत्रिया सम्पूर्ण जूगु गर्भ दया च्वन । व मिसा जुलसां
 भेष बदले याना सुतानं मसीक दरवारं प्याहां वया सत्तिक
 हे च्वंगु चण्डाल-पोह्ने तयगु गां पाखे स्वया वना च्वं
 बले चण्डालतय नायोह्यास्या छें सत्तिक बरमा छमा दु ।
 व सिमास अधिग्रहित जुया च्वंहा देवतां 'शुखेर वा सुमना'
 धका धागु सःताया वया लिकक वंबले वृक्ष देवतां थःगु
 आनुभावं छगूशाला - सतः दयेका (छ) धन च्वं धका
 विल । व राजकुमारी अन द्वाहां वन, द्वाहां वं खुनु हे
 काय् वीकल । वं वयात निग्रोध देवतां रक्षा याहा जुया
 निग्रोध धका हे नां छुना तल । नायःह्य चण्डालं खँ
 खुनुं निस्यें वैत थः मालिकया म्हायर्थें समके जुया
 ह्नि ह्नि वैत मा मा-मागु सेवा सत्कार याय्मागु उपकार
 व्याप्तकं याना विल । राजकन्या अन न्हेदँ तक्क च्वं च्वन ।
 निग्रोध कुमार नं न्हेदँ दुहा जुया वल । उगु समयस
 महावरुण स्थविर धयाहा छम्ह अरहन्त भिक्षुं व मचाया
 हेतु सम्पत्ति स्वया च्वच्चं आ व मचा न्हेदँ दया वल ध्वयात
 प्रब्रजित याय्गु समय त्यल धका चिन्तना याना बिज्यासे
 राजकन्यायात चित्त बुके याके बिया निग्रोध कुमारयात
 प्रब्रजित याना विल । कुमार जुलसां संखाके मात्रं हे
 अरहन्त जुया बिज्यात । उकिं महा वंसे थथे धया तःगु
 दुः-

१. तं महावरुणो थेरो तदा दिस्वा कुमारकं,
उपनिस्सय सम्पन्नं अरहा पुच्छि मातरं ।

पब्बाजेसि खुरगो सो अरहन्तमपापुणाति ॥९॥

उगु समयस अरहन्त जुया विज्याकम्ह महावरुण
धम्म स्थविरं अरहन्त ज्वीगु हेतु सम्पन्नम्ह व कुमारयात
खना (प्रब्रज्या याय्या लागी) मांम्ह सिके न्यना विज्यासे
(व कुमारयात) प्रब्रज्या याना विज्यात व कुमार जुलसां
बुसं खाय्वं हे अरहन्त भावस थ्यंकः विज्यात ॥ ९॥

व (निग्गोध श्रामणेर) जुलसां छन्दुया दिनस सुथ
ह्लाप्पां शरीर कृत्य याना आचार्य उपाध्याययात याय्मागु
नियमानुसार सेत्रायाना पात्र चीवर कया मांम्ह उपासिकाया
छेया लुखा कवे वने धका (विहारं) प्याहाँ वया मांम्ह
सिगु छेया दक्षिण पाखेयगु ध्वाकां नगरे द्वाहाँ वना
नगरया विच्चं वना पूर्वं पाखेयागु ध्वाकां प्याहाँ वने मागु
जुया चवन । उगु समयस जुलसां धर्मराज अशोक पूर्वं
पाखेयागु पतांगिरि काले इरुथिरु जुया विज्याना चवन ।
उगु क्षणे हे निग्गोध श्रामणेर शान्तगु इन्द्रिन्न शान्तगु मन
यांना प्यकु पाक्क जक सोया इरियापथ सम्पन्न जुया
दरवारया न्ह्याने थ्यंकः विज्यात । (व श्रामणेर खना
जुजुया मत्ती थथे वन "थ्व जनतापि सकलें विक्षिप्तगु
चित्तदुपि ग्यांम्ह चला समानं (चञ्चल जुया चवन) थ्व
मचा जुलसां मिखां कवे जक स्वया उखें थुखें मसो ध्वयागु
चालचलन ह्लातुति संकीगु आचरण स्वभाव गुलि बांला ।"

(१६६)

जुजुं श्रमणेरयात खने मात्रं हे मन प्रसन्न याना विज्यात,
 प्रम उत्पन्न जुल, छाया धासा ह्लापा जुलसां पुण्ययागु वखते
 जुजुया तःधिकाःम्ह दाजु (कस्ति) व्यापारी जुया वःम्ह खः
 थव । उकि धया तलः-

१०. पुब्बे व सन्निसासेन पच्चुप्पन्नहितेन वा ।

एवं तं जायते पेमं उप्पलंबयथोदके'ति ॥१०॥

उत्पल पलेस्वां जूसां (मेमेगु कुमुद्र आदि लखे
 उत्पन्न ज्वीगु स्वां) गथे लख उत्पन्न ज्वी ल नाप सम्बन्ध
 दु अथेहेतुं (सत्त्व प्राणिपिनं) ह्लापा ह्लापायागु जन्मे छथासं
 च्वना नाप नाप्पं वास याना वःगुलि व थुगु आत्मभावस
 (याना वःगु) हित उपकारं याना जूसां उगु प्रेम स्नेह
 उत्पन्न जुया वै ॥१०॥

अनंलि जुजुं प्रेम-स्नेह उत्पन्न याना अभिमान सहित
 श्रामणेरयात सःता हति धका मन्त्रीपित छ्वया विल ।
 तःसतं विस्तार जुल धका हानं निह्य स्वम्ह मन्त्रीपि याकनं
 वा धका (सतके) छ्वया विल । श्रामणेर थःगु चालं हे
 हथाय् मचासे बुलुं बुलुं विज्याना च्वन । जुजुं छंत योग्यगु
 आसन स्वया फेतूहुं धका आज्ञा जुया विज्यात । वसपोलं
 उखें थुखें चाकःछि स्वया आः थन जियासिनं थकालिपि
 भिक्षुपि सुंमदु धका सीका श्वेत छत्रं क्वीका तःगु राज
 सिहासनेया लिक्क वना थःगु पात्र का धैगु आकार जुजुयात
 वयना विज्यात जुजुं राजसिहासन पाखे विज्याना च्वंगु खना

चिन्तना याना विज्यात - थौं आः थथें हे थ्व श्रामणेर मचा
 थत्र छेया इश्वर-स्वामि ज्वीगु जुल धका । श्रामणेरं जुजुया
 ह्लाते पात्र बिया राजसिंहासने विज्याना फतू विज्यात । जुजुं
 थःया लागी दयेका तःगु सकल प्रकारयागु याःगु भोजन इत्यादि
 व्याककं चहे याना विज्यत । श्रामणेर थःत माक्की जक
 ग्रहण याना फया विज्यत । भोजन यायगु ज्या सिधसेलि
 जुजुं घाल तथागत शास्तानं छिमित ब्यूगु उपदेश स्यूला ?
 छुं छकूचा सीका तयागु दु महाराज ! । पुता ! अथे
 जूसा व उपदेश जिमित न्यके माल । ज्यू महाराज !
 धका घया जुजुयात लोगु धम्मपदे च्वगु अप्रमाद वर्ग
 अनुमोदनया लागी देशना याना विज्यात । जुजुं जुलसां
 “अप्पमादो अमत पदं पमादो मच्चुनो पदं” धागु न्यने
 मात्र सिल सिल पुता धर्म देशना सिधेका छ्व धका
 घया विज्यात । श्रामणेरं अनुमोदना सिधेका विज्याय् व
 स्वोनिहा भिक्षुपिनिगु नित्य भोजन प्राप्त जुया कन्हे खुनु
 स्वीह्लिहा भिक्षुपि बोना जुजुया राजनिवासस द्वाहाँ विज्याना
 भोजन याना विज्यात, जुजुं मेपिनं स्वीनिहा भिक्षुपि बोना
 कन्हे छःपि थन भोजन याः विज्याहुँ धका (आज्ञा जुया)
 थुगु प्रकारं ह्लि (स्वोनिहा स्वोनिहा) बढेयाना यंकु यंकु
 ख्वीदोल ब्राह्मण परिव्राजकपित बीगु भोजन मदयेका छ्वया
 (थःगु) दरवारे ख्वीदोल भिक्षुपित निग्रोध स्थविरया उपरे
 जूगु प्रसन्नतां याना नित्य भोजन दान बीगु याना बिया
 विज्यात । निग्रोध स्थविरं परिसदपि सहित जुजुयात स्वंगू

शरणस व पञ्चशीलस प्रतिष्ठापना याना बुद्ध शासनस
 पृथक्जन प्रसन्नतां स्थिरगु रूपं प्रसन्न याना बिज्यात ।
 जुजुनं अशंकाराम घैगु महानगु विहार छगू दयेके बिया
 खीदोल भिक्षुपित सदा बर्त प्रतिष्ठापना याना बिज्यात ।
 (हानं) सकल जम्बूद्वीपस चयेप्यदोगू नगरस चयेप्यदोगू
 विहर दयेके बिया बिज्यात । उकिं घयातलः-

११. चण्डाल वादि दोसेन जातो चण्डालगामके ।

पत्तानुमोदना पाका आसेसो हि भनासवो'ति ॥११॥

ध्वसपोल निग्रोध श्रामणेर जुलसां (ह्लापायागु जन्मे)
 चण्डाल धका वो ब्यूगुलि याना चण्डाल-पोह्ने तयेगु गामे
 वना जन्म जूवन, पुण्य अनुमोदन यामु विपाकं याना
 अरहन्त जुया बिज्यात । ११॥

ध्व जुलसां निग्रोध श्रामणेरया बाखं जुल ।

Dhamma.Digital

कस्ति दान ब्यूह्य व्यापारी जुलसां देवलोकं च्युत
 जुया वया पुष्पपुरस राजकुले उत्पन्न जुया प्रियदास घैह्य
 कुमार जुया छत्र वकीका सकल जम्बूद्वीपस छह्य जकह्य
 जुजु जुया राज्य चले यात । व गथे धासा ? बिन्दुसार
 जुजुया सच्छिह्य कायपि दया च्वन, इपि सकलसित अशोक
 (कुमार) थ छह्य मांयाह्य किजा तिस्स कुमार छह्यसित
 तोःता मेपि सकलें स्याना छोया बिल । व स्याना च्वं च्वं

(१६६)

हे प्यदं विते जुया वन । राज्य चले यायां प्यदं विते
 जुया वनेव तथागत मह परिनिर्वाण जुया निसल किंच्यादं
 दुगु वर्षस सकल जम्बूद्वीपस छहाजक चक्रार्ति जुजु जुया
 अभिषेक जुया विज्यात । अनलि वसपोलयात सकल जम्बूद्वीपे
 चयेप्यदोगू नगरस च्वंपिं जुजुपिं वया उपस्थान-सेवा या वया
 च्वनी । स्वंगू ऋतुयात योग्य जूगू स्वंगू दरवर दया
 च्वन । छगू महसप्पिक धैगु मेगु मोरगीव (= म्हैखा
 ककु) धैगु हान मेगुया नां मगल (प्रासाद) जुया च्वन ।
 उकि द्वलंदो प्याख मोतयसं चा हुला च्वनी । कस्ति पसः
 वयना व्यूह्य मिसा, व असन्धिभिन्ना धैह्य देव अप्सरा समानं
 वांलाह्य राजकुमारी जुया ख्वीदोल मिसातये दकले अग्रह्य
 धर्माशंक जुजुया महारानी जूवन । अभिषक ज्वी धुंका
 वैत थज्यागु राज ऋद्धि दया वल । पृथ्वीया क्वे छगू
 योजन तक्क हुवम चलेजू । अथेहेतुं च्वे आकासे नं (चलेजू) ।
 अनोतप्त दहंनं देवतापिसं खःमू च्याकु किंखुगः घः ल
 ह्लित्थं हया विया च्वन । उकिं शासनस श्रद्धा उत्पन्न
 जूगुलिं च्यागः घः भिक्षुसंघपितं (प्रयोजनया लागी) विया
 विज्यात । निगः घः ख्वो च्याम्हति त्रिपिटकधारी भिक्षु
 पित, निगः घ अग्रम्ह महारानी असन्धिभिन्नायात, प्यंगः
 घलं थःत मामागु प्रयोजन कया विज्यात । देवतापिसं हे
 हिमल पर्वतं ह्लिह्लि सुगन्धदुगु नाईसे च्वंगु नाग लतायागु
 दतुवन हया विया च्वन । उकिं जुजु व महारानी व
 किंखुदो प्याखं ह्वीपि मिसा तयेत व ख्वीदोल भिक्षुसंघ

पित समेतं (सकलसित) वा बुयेगु ज्या सम्पन्न जुया च्वन ।
 ह्लित्थं हे व जुजुयात देवतापिसं वासःयालागी अंबः, हलः
 लुँयागु वर्णं दुगु सुगन्ध व रस संयुक्तं जुया च्वंगु पाके
 जूगु अ ह्या विया च्वन । छद्दन्त घैगु दँह नं न्यागु रंग
 यागु चोगु व न्येगु (कापः) ह्यासुगु लुँयागु वर्णं दुगु ह्ला
 ह्लोगु तौलिया रुमाल व दिव्य पान त्वनेगु वस्तु ह्या
 विल । ह्लि ह्लि हे घैयें वयात शरीरे बुयेगु सुगन्ध, न्येया
 लागी का थाना मतःगु दावास्वांया कापः, अत्यन्त मूर्धंगु
 अनर्धंगु अजः नाग भवनं नाग राजापिसं ह्या विया च्वन ।
 छद्दन्त दँहने हे बुझा वःगु स्वयं ज्ञात वा गुँदो भारि ह्लि
 ह्लि अत्मैरामतयसं ल्ह्याया ह्या च्वन । व वा यात छुंत
 वया मो हिमो पोला विया च्वन । च्वकि घैगु छगः हे दै
 मखु । जुजुया सकल थास थ्वहे जाकि परिभोग याना
 च्वन । कस्ति हात वया कस्ति दयेका विया च्वन, कोतय
 ज्यासले भालुत वया मुगल दाया बीगु ज्याया वया च्वन ।
 करवीक घैपि कंात वया मधुर स्वरं हाला जुजु यात
 पोटा पूवया च्व । थज्या थज्यागु ऋदि सुसम्पन्न
 जूह्य जुजुं छन्ह्या दिनस लुँयागु सिखःयागु पास ह्वया
 प्यह्य बुद्धयागु रूप खंहा छगू कल्प तक्क आयू दुह्य महाकाल
 नागराजायात जोना ह्या श्वेत छत्रया कोसं अत्यन्त
 अनर्धंगु खाताय् फेतुका सलंसः वर्णं दुगु जलज थलज
 स्वां नं व लुँ यागु स्वां नं पूजा याना सकल अलकार
 तिसां तिया बालाक च्वपिं फिंखुदो प्याखंमोतयसं छचाखेरं

चाहुयेके विया जितः जुलसां अनन्त ज्ञान दया बिज्याकहा
 सद्धर्म उत्तमगु चक्र चाहोका बिज्याना च्वह्य सम्यकसम्बुद्धया
 रूप जिगु थ्व मिखामा न्ह्योने खने दयेका व्यु धका धया
 व निर्मागियागु सकल शरीरस फेले जुया च्वंगु पुण्यया
 प्रकाश प्याहाँ वःगु च्येगु अनुव्यञ्जन संयुक्त जुया च्वगु
 स्वोनिगु महापुरुष लक्षणं शोभायमान जुया ह्यया
 च्वंगु कमल पलेस्वा बालाना च्वंगुथे च्वंगु लःयातःले नगु
 गण रश्मि पिकया शोभां जाज्वल्यमान जुया च्वथे आकासे
 वच्चुगु, ह्यासुगु ह्याउगु आदि भेद जुया च्वंगु विचित्रगु
 वर्ण रश्मि संयुक्त जुया च्वंगु स्वर्गःयागु प्रभां-प्रकाशं व्याप्त
 जुया च्वंगु संफाकातीया अनुराग जुया च्वंगु इन्द्र धनुषया
 छ्वाखेर बिजुलि चमके जुया च्वथे लुँयागु पर्वत च्वका
 अनेक प्रकारगु रंगयागु ध्वाय्मा ज्वाला ज्वालां धिना च्वंगु
 पर्वत च्वकाय् मिखायात वासःथे व ब्रह्मा, देव, मनुष्य,
 नाम यक्षतय् बुद्धरूप स्वस्वं न्हेनुतक्क चक्षु पूजा धैगु मिखां
 स्वया जक च्वना पूजायागु जुल । जुजु जुलसां अभिषेक
 जुया बिज्याना स्वदँ तक्क हे जक शासनं पिनेयापि पाखण्ड
 तयेगु धर्म च्वन, प्यदँ दुगु दँस बुद्ध शासनम प्रसन्न जुया
 विज्यात । वया बौह्य बिन्दुसार जुजु जुलसां ब्राह्मण भक्तिह्य
 जुया च्वन । वं ब्राह्मणतय्त व ब्राह्मण जाति पाखण्ड
 तयेत व पण्डरङ्ग परिव्राजकत खीदोलति संख्यातयेत सदा
 वर्त स्थापना याना तःगु जुया च्वन । सम्राट् अशोकं
 बौह्यस्यां चलेयाना वःगु दान कार्य थःगु महाराःनीपि च्वनीगु

दरवारे अथे हे दान बिया च्वं च्वं छन्हुया दिनस पटांगिरि
 च्वना शान्तगु गति व आचरण मदेक नया च्वपि चंचलगु
 इन्द्रिय दुपि इरियापथ बांमलापि साधुत खना चिन्तना
 याना बिज्यात कि थथिज्यागु दन बांलाक परिक्षा
 याना सोया योग्यगु थासे लाका दान बीमा घका । थथे
 जुलसां चिन्तना याना बिज्याना मन्त्रीपित धाल भो मन्त्रीपि
 छिाम थः थः पिनि साधु - भिपि महात्मापि घका
 घयार्तापि श्रमण ब्राह्मणापि दुने च्वंगु दरवारे बोना हति
 दन बीगु । इच्छा जुया च्वन । मन्त्रीपिसं ज्यू हवस
 महाराज घका जुजुयात लिसः बिया इपि पण्डरङ्ग परिब्राजक
 आजोवक निगण्ठ आदिपि बोना हया महाराज ! थपि
 खः जिमि अरहन्तापि घका बित्ति यात । अले जुजु दुने
 च्वंगु दरवारे ताःजागु चीःजागु आसन लाय्के बिया, बिज्याहुँ
 घका घया वः वः पित घया बिज्यात कि थः थःत
 योग्यगु - अनुरूपगु आसन स्वया फेतुना बिज्याहु । गुह्यं
 गुह्यं भिगु बांलागु आसने गुह्यं गुह्यं पिढा आसने फेतू
 वन व खना जुजु थुमिगु दुने छुं सार मदु घका सीका
 इमित अनुकूल जूगु नयेगु तोनेगु बीका छ्वया बिज्यात ।
 थुगुप्रकारं समय बिते जुया वना च्वं च्वं छन्हु पटांगिरि
 ऊयाले च्वना निग्राध श्रामणेरयात खना वैगु चालचलन
 खना बुद्ध शासने प्रसन्न जुथा ख्वीदोल पाखण्डितयेत हटे
 याना ख्वीदोलति भिक्षुपित भोजनयाका बुद्ध शासने प्रसन्न
 जुया अशोकाराम बिहार दयेके बिया अन वसपोलपित

विज्याका छन्हुया दिनस अशोकारामे ख्रीदोल भिक्षुपित
 दान विया इमि दश्वी चरना संघपित यंगू प्रत्यय पुरेयाना
 तयेगु वचन विया थुगु प्रश्न न्यना विज्यात । “भन्ते
 भगवान तथागतं देशना याना विज्यागु धर्म धैगु गोगू दु ?”
 महाराज ! अङ्गया हिसाब गुंगु दु, धर्मस्खण्डया हिसाब
 च्येप्यदोगू धर्मस्खण्ड दु । जुजु जुलसां धमंस प्रसन्न जुया
 छगू छगू धर्मस्खण्डयात छगू छगू विहार दयेका पूजा याय्गु
 छन्हुया दिनेहे गुई खुगू कोटि धन खर्च याना मन्त्रोपित
 आज्ञा विया विज्यात छगू छगू नगरे छगू छगू विहार
 दयेका च्येप्यदोगू नगरस च्येप्यदोगू विहार दयेकाव्यु । थम
 नं अशोकाराम अशोक महाविहार दयेकेगु ज्या थाले याका
 विज्यात । स्थविरं इन्दगुत्त स्थविर धैहा महान ऋद्धि दुहा
 पहानगु आनुभाव दुहा क्षोणाश्रव भिक्षुयात विहार देकेगु
 ज्या हेदेख याय्गु ज्या जिम्मा विया विज्यात । स्थविरं
 गुगु गुगु ज्या सिधेके मफया च्वं च्वन उगु उगु ज्या थःगु
 आनुभाव सिधेका बिल । थुगुप्रकारं स्वदंतक्कया भितरे
 विहार दयेकेगु ज्या व्यावकं सिधेका छ्वत । छन्हुया दिने
 हे सकल नगरं पत्र थ्यंकः बल, मन्त्रीपिसं जुजुयात च्ये
 प्यदोगू विहार दयेके सिधेके थुंकल महाराज धका विन्ति
 यात । अनंल जुजु भिक्षु संघपि नाप लाना भन्ते जि
 च्येप्यदोगू विहार दयेके बी धुन उकियात धातु गनं प्राप्त
 ज्वी धका न्यना विज्यात । महाराज धातु निधान याना
 तःगु दु धैगु न्यना तयागु दु तर थुथाय् दु धैगु सीमदु

नि । जुजुं राजगृहस चैत्य स्यंके विया धातु मखना रयंकुगु
चैत्ययात हानं ह्लापायार्थे च्वंक दयेके विया भिक्षु भिक्षुनीपि
उप सक उपासिकापि प्यंगु परिषदपि बोना वैशाली वना,
अननं प्राप्त मजुया, कपिलवस्तुस वन, अनन प्राप्त मजुल
रामग्रामस वन, रामग्रामे नागतयूसं चैत्य स्यके मविल ।
चैत्ये व्वागु क् व्याक्कं कुचा कुचा जुया वन थुगुप्रकारं
अननं (धातु) प्राप्त मजुया अल्ल कप्प, पावा, कुशीनगरे
च्वंगु सकल चैत्य स्यके विया धातु प्राप्त मजुया हानं
ह्लापाार्थे च्वंक दयेके विया राजगृह नगरस विज्याना प्यंगु
परिषदपि मुके विया सुनानं थुगु थासे धातु निधान याना
तःगु दु धैगु न्यना तयागु दु ला ? धका न्यन । अन
सच्छि व न्यीदँ दुह्म महास्थविर छह्मस्यां थुगु थासे धातु
निधान याना तःगु दु धका ला मसिया, जिम गुरु वाज्याह
महास्थविर जि न्हे दँ जक दुबले स्वां धकि जोंका वा
श्रामणेर थुगु सिमा काया दुने लोहँ यागु चैत्य छगः दु
अन वनेनु धका अन बोना यंका (व थासे) पूजा याना
थ्व थाय् वांलाक लुमंका विचा याना ति श्रामणेर धका
धया विज्यागु लुमं धका कना विज्यात । जि (मेगु मस्यू)
थुलि हे जक रयू महाराज ! धका धया विज्यात । जुजुं
व हे स्थान खः धका धया (अन च्वंगु) सिमा पाय्के
विया लोहँयागु चैत्य व चा हटे याके विया क्वे ल्यून
तया तःगु भूमि खना अनं ल्यूनव अप्पा लिकाय्के विया
छसिनिसें द्वाहां वना न्हेगू रत्न त्वाक ज्यागु फि व तलवार

ज्वना च्वपि सिंयागु रूपत (यंत्रं) चा चा हुला च्वपि
 खन । वसपोलं मन्त्र तन्त्र याईपि फाँकरित सःता बलि
 पूजा य तंन उकियागु च्वः पो ल्वीके मफया (जुजुं) देवता
 गित विन्ति याना जिं थ्व धातु पितकया च्येप्यदोगू विहारे
 स्थापना याना सत्कार गौरव याय्, थुकि देवतापिसं जित
 वाधा बिया च्वने मते धका धाल । देवराज शक्र चारिकास
 चाह्यू वःबले इपिं खना विश्वकर्म देवपुत्रयात सःता “भो
 देवपुत्र धर्माशोक महाराजं धातु पिकाय् धका क्वे धागु
 गर्भस क्वाहां वना च्वन । छ) वना सिंयागु रूपत लिकया
 व्यु” धका धाल । व विश्वकर्म देवपुत्र छद्यले न्यगू सतभत
 थुना तःह्य गामे च्वंह्य मचा छह्यसिगु भेष कया वना
 जुजुया न्ह्योने धनुष ह्लातिं जोना दना च्वना (यंत्र) स्यंका
 बीला महाराज ! धका न्यन । स्यंका व्यु पुता ! (धका
 जुजुं धाय्व) धनुष तीर तथा सन्धी (=जोडनी) लाक्क
 कयेका बिल । सकल यंत्र टुन्ड। टुकडा जुया छद्याल
 विद्ध्यद्याल जुया वन । अतंलि जुजुं ग्वाखे च्वंगु ताचा
 प्वाय्व छाप ह्लाते काल । माणिक्य खण्ड खना “अनागतस
 गरोवपि जुजुपिसं थ्व माणिक्य कया धातुयात सत्कार-पूजा
 या” धका च्वया त ग आखः खना तंचाया जिथेंज्याह्य
 जुजुयात दारिद्रह्य जुजु धाय् योग्य मजू घंगु वरम्बार
 मत्ती ल्वीका [धातु गर्भयागु] खापा चायका दुने द्वाहाँ
 वनेव निसलकिं च्यादँ ह्य पा च्याका तःगु मत अर्थहेतुं
 च्यानाहे च्वन तिनि नीलुत्पल पलेस्वां नकतिनि थ्वया

हःया छःया तःगु थें च्वंच्वन, क्वे ह्वला तःगु स्वानं नकतिनि हे ह्वला तःगु थें च्वंच्वन, सुगन्ध नं नकतिनि जक ह्वला तःगुलि ह्वाला ह्वालां बास वःगुथें च्वंच्वन । जुजुं लुं पातास किया तःगु आखः कया (बोना स्वया बिज्यात)

“अनागतस पिय दास घैह्य कुमार श्वेत छत्र तस्वाका अशोक घैह्य धर्मराज ज्वीतिनि वं श्व धातुत फँले याना वीतिनि” धंगु बोना स्वया “जिमि आर्य महाकाश्यप स्थविर जितः खंका बिज्याः खनी” धका धया देपागु ह्ला कये कुंका जत्रगु ह्वति लप्पाय् दाल । व (धर्माशोक जुजुं) अन उगु थाय्यात मःक्को जक धातु अन तथा मेगु बाकिगु धातु सकल धातु कया धातु गर्भ ह्लापा तिना तःथेहे तुं तिना सकतां ह्लापा गथे च्वंगु खः अर्थेत्तुं दयेके बिद्या उकिया द्योने लोहँयागु चैत्य प्रतिष्ठापना याना च्येप्यदोगू विहारस यंका धातु स्थापना याय् यंकल । अनलि छन्हुया दिनस जुजु विहारस बिज्याना भिक्षु संघपित वन्दना याना छखे लिक्क फेतुना भिक्षु संघपिके न्यना बिज्यात “भन्ते ! जि बुद्ध शासनया अंस पावे जूह्य जुल लाकी मजूनि ?” अनलि मोगलिपुत्त तिसस स्थविरं धया बिज्यात “थुलि जकनं महाराज ! छःपित बुद्ध शासनयागु अंस पावे जूह्य धका धाई मखुनि ।” अले जुजुं भन्ते जि गुईखुगू कोटि धन परित्याग याना च्येप्यदोगु चैत्य सहित बिहार दयेका बो धुन अले जितः बुद्ध शासनया अंस पावे मजूसा मेपित स्वीत पावे ज्वी अले ? । महाराज ! छःपिला प्रत्यय

दायक सम्म जक जुल । सुनां जुलसां (श्व शासनस)
 काय् जूसां म्हाय् जूसां प्रव्रजित याई वैत तिति (श्व
 शासनया) धार्थेयाह् अंस पावे जूह् ज्वी थथे धया विज्याय् व
 धर्माशोक महाराज बुद्ध शासनया अस पावे जूह् ज्वी
 धैगु आशिका याना सत्तिकसंतुं च्वना च्वंहा महिन्द्र कुमार
 खना पुता छ प्रव्रजित ज्वी फैला ? धका धया विज्यात ।
 कुमार प्रकृतिहे प्रव्रजित ज्वीगु इच्छा याना च्वगुलि जुजु
 यागु खँ न्यना अत्यन्त प्रमुदित जुया जि प्रव्रजित ज्वी
 महाराज ! जितः प्रव्रजित याना छलपोल बुद्ध शासनया
 अंस पावे जूह् जुया विज्याहुँ धका धाल ? उगु समय
 जुलसां जुजुया म्हाय् संघमित्ता नं अनहे च्वं च्वंगु जुया
 च्वन व खना मै छनं प्रव्रजित ज्वी म्हाला धका (न्यना
 विज्यात) । ज्यू महाराज ! (जि नं प्रव्रजित जुया वी)
 धका माने जुल । जुजु काय् म्हाय्पितिगु आश्वासन दया
 प्रसन्न जूमु मन याना भिक्षु संघपिथाय् विज्याना भन्ते
 थुपि मचात प्रव्रजित याना जित बुद्ध शासनया अंस दुहा
 याना विया विज्याहुँ । संघपिसं जुजुयागु वचन स्वीकार
 याना कुमारयात वोग्गलिपुत्त तिस्स महास्थविर उपाध्याय
 याना महादेव स्थविर आचार्य याना प्रव्रजित याना विज्यात ।
 मज्झन्तिक महास्थविर आचार्य याना उपसम्पदा याना
 विज्यात । व कुमार उपसम्पदा याना च्व च्वं प्रतिसम्भदा
 सहित अरहन्त जुया विज्यात । संघमित्ता राजकन्यायात
 नं आचार्या आयुपाल थेरी धैह् व उपाध्याय धर्मपाली

थैरी घैह्य जुल । जुजुं जुलसां अनेक प्रकारं बुद्ध शासन
यात वांलाका मोग्गालपुत्त तिसस स्थविरयागु सहायता याना
ख्वीदोलति दुष्शीलपि तीर्थकर तयेत बुद्ध शासनं चीवर
त्वका सोंगूगु धर्म संगायना याका सिधेका विज्यात । उगु
धर्म समागमस भिक्षु भिक्षुणांपि गुलिदु धासा ? धयातःगु
नं दुः-

१२. तस्मिं समागमे आसुं असोतिभिव्खुकोटियो ।

अहेसुं सतसहस्सानि तेसु खीणासवा यति ॥१२॥

उगु (तृतीय धर्म संगायना) सभास चयेगूकोटि
भिक्षुपि जम्मा जूगु जुल, उपि मध्ये क्षीणाश्रव भिक्षुपि
छगू लाख दुगु जुया चवन ॥१२॥

१३. नवुतिसतसहस्सानि अहू भिव्खुणीयो तंहि ।

खीणासवा भिव्खुणीयो सहस्सं आसु
तासु चाति ॥१३॥

अन भिक्षुणीपि गुईदोल दुगु जुया चवन उपि मध्ये
क्षीणाश्रव भिक्षुणीपि दोछिह्य दया विज्यात ॥१३॥

थुगुप्रकारं अशोक धर्मराजं सकल जम्बूद्वीपस दकले
सकले अग्र श्रेष्ठह्य जुया बुद्ध शासन शोभा दयेका विज्याना
चवन । थ्व जुलसां संक्षेप-छोटकरी जक खः । थुकियागु
विस्तार बयान जुलसां महावंसे धया तःगु दु । गथे धया
तःगु दु धासाः-

१४ सम्पूरेत्वा अयं तिस्सो चेतनायो मधुप्पदो ।

सब्रतथ सब्बदा सब्बसम्पत्तिमभिसम्भुणी'ति ॥१४॥

(पूर्वापर मुञ्च घैगु स्वंगू चेतना सम्पूर्ण याना कस्ति दान ब्यूह्म थ्व (दकले चि'धकह्म) व्यापारी सकल थासे न्हाबलेसं सकल (भवभोग) सम्पत्ति अनुभव यात ॥१४॥

दथुयाह्म व्यापारि जुलसां थःगु पारवादि दोषं याना समुद्रया पारी लंका द्वीपस वना जन्म कावन । उकिया थ्व बाखंया सिलसिला धका सीका काय् माल । ताम्रपणि द्वीप (=लंका द्वीप) स जुलसां मुटसीव घैह्म जुजुं ख्वीदं तक्क राज्य याना विज्यात । वसपोलया पुण्य प्रज्ञा गुणं युक्त जुया च्वपि थवं थः हित याय्गु इच्छा दुपि किह्म काय्पि दया च्वन । निह्म म्हाय्पि नं दया च्वन । इपि सकलें परस्पर मिले चले जुया वास याना च्वन । अनलि लिपायागु समयस मन्त्रीगणपिसं मुटसीव जुजु स्वर्गीय जुया विज्जयाय्त्र देवानं प्रिय तिश्य कुमार यात अभषक याना बिल । अभिषेक याना समानगु समयस हे वसपोलया अनेक प्रकार आश्चर्यजनकगु घटना जुया बल । व उगु घटना प्रकाश याय्या लामी महावंस कथा आचार्य धया तलः-

१५. देवानं पियतिस्सो ति विस्सुतो कुतियो सुतो ।

तेसु भातूसु सब्बेसु पुञ्जपञ्जाधिको अह्म ॥१५॥

(१६०)

देवानं प्रियं तिश्यं धका नां प्रसिद्धे - विख्यातहा
 दातिहा कायहा इपि सकन दाजु किजाणि मध्ये पुण्य
 प्रज्ञा - ज्ञाने आपा दुहा जुगा च्वन ॥१५॥

१६. देवानं प्रियं तिस्सो सो राजासि पितु अचचये ।
 तस्साभिसैनेन समं बहून्चछिरियानिहु ॥१६॥

वसपोल देवान प्रिय तिश्यं कुमार बोहा जुजु परलोक
 जुस्वेलि जुजु जुया बिज्यातं, अभिषक उवो साथ हे अनेक
 प्रकारगु आश्चर्यजनकगु घटना जुया वल ॥१६॥

१७. लङ्का दीपहि सकले निधयो रत्नानि च ।
 अन्तोठितानि उगान्त्वा पठवीतलमासहु ॥१७॥

सकल लंका द्वीपस जमीनया दुने प्रतिष्ठित जुया
 च्वंगु निधानत व रत्नत पृथ्वी प्याहा वया जमीनया
 द्योने च्व च्व वल ॥१७॥

१८. लङ्कादीप समोपहि निघनावागतानि च,
 तत्र जगुतानि च थलं रत्नानि समारुहं ॥१८॥

लंका द्वीपया सत्तिक जहाज स्मता दुवे जुया च्वंगु
 व अन समुद्रया तःले च्वगु रत्न अन प्याहा वया जमीनया
 द्योने च्व च्व वल ॥१८॥

१९. जातपम्बतपादहि तिस्सी च वेत्तु यंढियो ।
 जाता रथपत्तोदेन समामा परिमाणतो ॥१९॥

(अनुराधपुर नगरया दक्षिण पाखे निगूयोजनतिया भित्रे) जातवाहन घंगु पर्वतया क्वस्सं (पंबो) प्रमाणं रथ दण्ड पाय् पुगु पंबो स्वंबो उत्पन्न जुया वल ॥१६॥

२०. तासु एका लतायट्टि रजताभा तहि लता ।

सुवण्णवण्णा रुचिरा दिक्खन्तेता मनोरमा ॥२०॥

उगु पंबो मध्ये छगूया नां लतायठि (खः) व लतायठि वहयागु वर्ण थें तुयू, (मेगु) स्वेहे ययापुस्य च्वगु लुंयागु वर्ण दया अत्यन्त मनोरम जुया खने दया च्वन ॥२०॥

२१ एका कुसुमयट्टि तु कुसुमानि तहि पन ।

नानानि नानावण्णानि दिस्सग्तेतिफुठानि च । २१॥

छःगू पंबोया जुलसां कुसुम यठि नां (जुया च्वन) व जुलसां अनेक रंग विरंगु नाना प्रकारगु स्वांह्वया च्वगु खने दया च्वन ॥२१॥

२२. एक सकुणयट्टी तु तहि पक्खिमिगा बहू ।

नाना च नानावण्णा च सजीवा विद्य दिस्सरे ॥२२॥

छगूया जुलसां सकुणयठि (नां जुया च्वन) अन अनेक रंगविरंग यापि नाना प्रकार यापि क्क पंछित व चलात भ्वाना च्वपियेंतुं खने दया च्वन ॥२२॥

२३. ह्य गज रथामल क्यात्र लयंगुलिवेटका चैव ।

ककुधफला पाकतिका इच्छेता अट्टजातिया ॥२३॥

[सलया रूप समानगु] ह्य मोति, [च्वलेचा थें च्वंगु] अज मोति [रथथें च्वंगु] रथ मोति [आमालि समानगु मोति] [चुरिथें चाकेलागु] चुरि मोति, [अंगू थें च्वंगु] अंगू मोति [ककुघ फल समानगु] ककुघ मोति प्राकृतिकगु मोति घंगु च्यागू जात यागु मोति [ध्व संसारे] दु ॥२३॥

२४. मुत्ता समुद्दा उगग्ग्वा तीरे वट्टि वियट्टिता ।

देवानं प्रियतिस्सस्स सब्बं पुञ्जविजहितं ॥२४॥

उपि मोतित समुद्रं प्याहाँ वया किनारास छचाखेरं चाक मकलं च्वं च्वन ध्व सकल देवान प्रियतिश्य जुजुया पुण्यं याना वःगुया अश्चर्यजनकगु विशेषता खः ॥२४॥

२५ इन्द्रनीलं बेलुरिय लं हितङ्कमणी विमे ।

रतनानि पनेतानि मुत्ता ता च यट्टियो ।

सत्ताह्वभन्तरे येव रञ्जो सन्तिकमाहरन्ति ॥२५॥

इन्द्रनील माणिक्य, वैदूर्य माणिक्य, रोहितङ्क माणिक्य [धागु] थुपि माणिक्यत [पृथ्वीं प्याहाँ वया बैस द्योने च्वं च्वं वल] थुपि रत्नत व इपि मोतित व उगु यष्ठि [=पत्रोत] नं [राजमुकुटं पुया] न्हेहुया भितरे हे जुजु याथाय् थ्यंकः हया बिल ॥२५॥

उगु समयस जुलसां देवानं प्रियतिश्य जुजु व धर्माशोक महाराज [छह्हास्यां मेह्हा सित] मखंपि त्वाय-पासा जुया च्वंगु जुया च्वन । उकिया निर्मित वसपोलं थुपि

रत्नं व मेमेगु नं आपाल भेट चढ यायगु वस्तु जिमि
 त्वाय् पासायात सौगात व्यु धका धर्माशोक महाराज यात
 भेट चढे यायगु वस्तु छवया ब्यूगु जुया चवन । वसपोलन
 व खना प्रसन्न जुया न्यागु राज ककुधमाण्ड व मेमेगुनं
 आपाल भेट वस्तुने अभिषेकया लागी छवया विया विज्याना
 जिमि पासायात अभिषेक याना व्यु केवल व अभिष भेट
 वस्तु जक मखु, थ्व धर्म भेट नाप छवया विद्या विज्यातः-

२६. अहं बुद्धं च धर्मं च संघं च सरणं गती ।

उपासकत्तं वेदेषि सवयपुत्तस्स सासने ॥२६॥

जि बुद्ध व (नवलोकीत्तर) सद्धर्म व (अष्ट आर्य
 पुद्गल महा संघपि समेत शरण वने धुन शवयपुत्र जुया
 विज्याकह्य बुद्ध तथागतया शासनस उपासक भाव स्वीकार
 याना कया ॥२६॥

२७ इमेसु तीसु वत्थुगु उत्तमेसु नरत्तम ।

चित्तं पपादधित्वान सद्धाञ्च सरणं वजाति ॥२७॥

मनूतये मध्ये दकले श्रेष्ठह्यं उत्तम जुवा विज्याकह्य
 थुपि स्वगु वस्तुसं अर्थात् त्रिरत्तमं चित्तं प्रसन्नं याना
 श्रद्धापूर्वकं (छःपिनं शरणं हुं धका ॥२७॥

मन्त्रीपि हाकनं लकास ल्याहाँ वया जुजु यात
 अभिषेक याना बिल । उगु समयस जुलसां मींगलिपुत्त
 तिस्स स्थविर अनागतसं गने जुलसां थ्व बुद्ध शासनं बालाक
 सुप्रतिष्ठितं जवी धका विद्या याना स्वया विज्यानां प्रत्यन्त

प्रदेश पाखे बांलमक सुप्रतिष्ठित ज्वी धका सीका बिज्याना
 उषि उषि स्थविरसि उगु उगु धासे छवया बिज्याना महा
 महेन्द्र स्थविरसत वना ताम्रपर्णि द्वीप (= लका) धापि
 मनुतयेत प्रसन्न धा हुँ धका अह्मयाना बिज्यात । शक्र
 देवराज इन्द्र व महा महेन्द्र स्थविर याथाय वना भन्ते
 मुटसीव जुजु स्वर्गिय जुष्ठा वने सुकल आ थौंरुन्हे देवानं प्रिय
 तिस्थ जुजु राज्य याना च्वन । सम्यक् सम्बुद्ध तथागत
 नं छःपित शविष्यकाणी याना बिज्यागु दु अनागत कालस
 महेन्द्र धेहा भिक्षु ताम्रपर्णि-लका द्वीप प्रमुदित यःई तिनि
 धका, उकि आ भन्ते उत्तमगु द्वीपस वनेगु समग्र जुल जि
 नं मागु महन याना बी धका धाल । स्थविरं वैगु वचन
 स्वीकार याना यः नाप्रं न्हेहा बेटिस पर्वत विहारं आकासे
 थाहाँ बिज्याना अनुराधपुरया पूर्व दिक्का पाखे मिस्सक
 पर्वतस च्चहाँ बिज्याना दना च्वना बिज्यात । थौंरुन्हे
 गुह्यस्यानं चेतिय पर्वत धका नं धया ह्यसीका तःपि दु ।
 उगु समयस ताम्रपर्णि द्वीपस उत्सव यागु दिन जुया च्वन ।
 जुजु प्पाखं ह्नीका तमासा या धका मन्त्रीपित हुक्म विया
 पीदोल मनुतयेसं चाहुयेका नगर प्पाहाँ धया मिस्सक पर्वत
 पाखे शिकार हितेगु इच्छा यना विज्यात । अनलि उगु
 पर्वतस अधिग्रहीत देवता छह्यस्यां जुजुयात स्थविर नाप
 लाका बीमाल धका रोहित चलायागु भेष कया वया सत्तिक
 धाय हः न जूह्यथे उखे थुखे जुया च्वन । जुजु प्रमाद
 जुया च्वंहा सित वयेकेगु योग्य मजू धका धनुषयागु क्षिपः

सः वयेकल । चला अम्बस्थल पाखेयागु लँ लिना विस्यं
वनेगु थाले यात । जुजुं वैत लिना यंकु यंकु अम्बस्थल
पवंते हे गया बिज्यात चलानं स्थविर दुथाय् सत्तिक वना
अन्तरधान जुया वन । महेन्द्र स्थविरं सत्तिक वया च्वंहा
जुजुं “जि हे छहा जक खनेमा जुजुं मेपि मखनेमा” धका
अधिस्थान याना छ तिरस ! तिरस ! थुखेर वा धका
धया बिज्यात । जुजु व सः ताया चिन्तना याना बिज्यात
थुगु ताम्रपर्णि द्वीपस जन्मजूपिसं जित तिरस धका नांकया
सःते छापि सुंदुगु मखु । थ्व जुलसां छिन्नभिन्नगु कापः
धारण याना च्वंहा छयले सँ सुच्चुक खाना तःहा काषाय
वस्त्र पुना च्वंहास्यां जितः नां कया सःता च्वन थ्व सु
ज्वी मनूना अमनुष्यला धका । (चिन्तना याना बिज्यात ।
स्थविरं धया बिज्यातः—

२८. “सरुणा मयं महाराज धम्मराजस्स सावका ।
तवेव अनुकम्पाय जम्बुद्वीपा इधागता”ति ॥२८॥

भो महाराज ! जिपि धर्मराज सर्वज्ञ तथागतया
श्रावक—शिष्य जुया च्वनापि श्रमणत खः छपित हे अनुकम्पा
तया जम्बूद्वीपं थन वयागु खः । २८॥

जुजु धर्माशोक नरेन्द्रं छ्वया हया बिज्यागु पत्रया
अनुसारं लुमंका आर्यपि बिज्यात धका तुरून्त हे हथियार
छखे तया छखेलिक्क फेतुना कुशल वार्ता (बुखँ ह्लाना)
च्व च्वना बिज्यात, उगु क्षणस इपि पीदोल मनूत नं अन

ध्यंकः वया जुजुयात दध्वी लाका छ्वाखेरं च्वन । उगु
 समयस स्थविरं मेपिनं थःनाप वःपित्त वयना बिज्यात ।
 जुजुं खना थुपि मबले बल धका न्यन । जि नाप्पं हे
 वःगु खः महाराज ! धका लिसः विया बिज्यात) ।
 आ थौं कन्हे जम्बूद्वीपस मेपिनं थज्यापि श्रमणत दनिला ?
 महाराज ! थौंकन्हे जम्बूद्वीप काषाय वस्त्रं जाज्ज्वल्यमान
 जुया च्वन भिक्षुपि उखें थुखें इरू थिरू जुया च्वंगु दु ।
 अन -

२९. "ते विज्जा इद्धिप्पत्ता च चेतोपरिय केविदा ।

खीणासवा अरहन्तो बहु बुद्धस्स

सावका"ति ॥२९॥

(पूर्वनिवासानुस्मृति आदि) स्वंगू विद्या दया
 बिज्यापि ऋद्धि (विघ्न ज्ञान) दया बिज्यापि मेपिनिगु
 मनयागु खँ सीकेगुली दक्ष जुया बिज्यापि रागादि क्लेश
 छुं मदया बिज्यापि अरहन्त जुया बिज्यापि बुद्ध तथागतया
 शिष्य भिक्षुपि आपालं दु । २६॥

व खँ न्यना जुजु प्रसन्न जुया बिज्यात । अनलि
 स्थविरं सिमायागु उपमा आदिं याना व जुजुयागु प्रज्ञायागु
 व्यक्त भाव सीका देवतापि सहित मनूतयेसं साधुकार बीका
 धर्मदेशना याना बिज्यात । उकिं घया तलः-

३०. "पण्डितोति विदिरवान् चुल्लहत्थिपवोपमं ।

सुत्तन्तं देसयि थेरो महीपस्स महामत्ती"ति ॥३०॥

महानगु प्रज्ञा दया विज्याकहा (महामहेन्द्र) स्थविरं
 (जुजु) पण्डित - ज्ञां दुह्य धका सीका विज्याना (वसपोल
 देशान प्रियतिश्य) महाराज यात चुल्ल हत्थिपदोपम
 सूत्र धर्म देशना याना विज्यात ॥३०॥

धर्म देशनाया अन्तस वसपोल जुजु इपि मनूत
 पोदोलपि नाप्प शरणस प्रतिष्ठित जुल । अनंलि वसपोल
 यात जुजुं कन्हे सिगु भोजन जिगु दरवादे स्वोकार याना
 विज्याहुँ धका प्रार्थना याना त्याहाँ विज्याना नगर व
 राजदरवार छायापा - सिगार याना स्थविर यात फेतुका
 प्रनीतगु आहार भोजन याका अनुला देवी प्रमुख न्यास
 ह्य मिसातय् नाप छखे लिक्क फेतुना विज्यात । अनंलि
 (महेन्द्र) महास्थविरं धर्म रत्न रूपी वर्षा वागाका विज्यात,
 अनंलि इपि न्यासःह्य मिसात श्रोतापत्ति फलस थ्यंकः
 वंगु जुल । अनंलि हस्ति शालस दोछि नन्दनवनस दोछि
 थुगु प्रकारं कन्हे खुनु न्योन्यासः प्राणिपि स्रोतापत्ति फलस
 प्रतिष्ठापनायाना विज्यात । कस खुनु दोछि उगु प्रकार
 छगु हप्ता तककया भितरे गुँदोल न्यासःह्य प्राणिपित
 व अनेक सलसः, अनेक दोल, अनेक लाख प्राणिपित
 धर्मासूत पान याका विज्यात । उकिं धया तःगु नं दुः-

३१ महा महिन्द्र सुरियो सो लङ्कावेहासमञ्जसो ।

बोधनेट्टयम्बुजे कासि विकासं धम्मरंतिना ॥३१॥

वसपोल महा महेन्द्र स्थविर रूपी सूद्यो लंका
 द्वीप रूपी आकाशया दथ्वी विज्याना वेनेट्टय जनरूपी

पलेस्वांयात सद्धर्मरूपी रश्मि खयेक ह्वयेका विज्यात ॥३१॥

३२. माहमहिन्द चन्धो सो लङ्कावेहातस्यहो ।

बोधेसि धम्मरंसीहि वेनेय्य कुमुदकरे ॥३२॥

लंका द्वीपरूपी आकाशया बिच्चे च्वंहा वसपोल
महा महेन्द्र (स्थविर) रूपी चन्द्रमां वेनेय्य जनरूपी
कुमुद्र पलेस्वां समूह यात सद्धर्मरूपी चन्द्र रश्मियाना
(बांलाक) ह्वयेका विज्यात ॥३२॥

३३. महामहिन्दमेघो सो वस्सं धम्मम्बुवुट्टिया ।

साधूनं चिस्तबोजेसु जमेसि कुसलंकरेति ॥३३॥

वसपोल महा महेन्द्र स्थविररूपी सुपांच वर्षा
यायत सद्धर्मरूपी बाफुतिद्वारा सत्पुरुषपिनिमु चित्तरूपी
पुसास कुशलरूपी चुलि जायका विज्यात ॥३३॥

अनंलि जुजुं सुमन श्रामणेद्वारा धर्माशोक जुजुया
ह्ल तं सम्यक्सम्बुद्ध तथागतं अनुभव याना विज्यागु पात्र
जायक व शक्र देवराज इन्द्रया थासं जबगु ह्लकुयागु
धातुनं कायके छ्वया चेतिया पर्वतस स्तूप आदि दयेक
सकल लंका द्वीपस छगू छगू योजन पत्तिकं स्तूप - चैत्य
दयेके विया जबगु ह्लकुयागु धातु निधान याना थूपाराम
चैत्यनं प्रतिस्थापना याना विज्यात । अनंलि संघमित्रा थेरि
हया विज्यागु जय महाबोधि सिमाया दक्षिण शाखा
प्रतिष्ठापना याना पूजा याके बिल । थुकिया बाखंयागु
विस्तार व्याककं महावंसे सोया सीका काय् माल ।

३४. पारवादिक दोसेन जातो'यं परसा गरे ।

पत्तानुमोदना एवं लङ्कायं आसि इस्सरो ॥३४॥

ध्वसपोल देवान प्रियतिश्य महाराज पार वादियागु
दोषं (अर्थात् प्रत्येक बुद्धयात् समुद्रे वाञ्छ्व धाय् लागु दोष
याना) सागर-समुद्रया पारी (लंका द्वीपे) जन्म कावन
(लिपा प्रसन्नगु मन याना) पुण्य अनुमोदन यागुलि याना
थुगु प्रकारं लंका द्वीपस (देवान प्रियातिश्य धंहा) जुजु
जूवन ॥३४॥

३५. पापम्पि एवं फलतीति मन्त्वा ।

जत्वान पुञ्जस्स फलं इदन्ति ।

भो योनिसो कुब्बथ पुञ्ज कम्मे,

गन्त्वान ये यत्थ न साच्च यन्त'ति ॥३५॥

भो सज्जनपि ! थुगु प्रकार पुण्ययागु फल दे धका
सीकालि अकुशल कर्म नं थथे विपाक वीयो धका (वांलाक)
सीका गुह्य मनूनं गन वना शोक याय् माली मखु (उगु
निर्वाणि वनेया लागो) वांलाक मत्ति खका पुण्य कर्म
याय्गु स्व ॥३५॥

इवहा फुकी कस्ति ध्यापारीतयेगु बाळं

अष्टम-च्यापु

बोधिराज धीताया बाखनस

श्व छसिनिसैया आनुपूर्वी कथा

भगवान तथागत महापरिनिर्वाण जुया विज्याय् धुंकुसेलि लका द्वीपस शासन वांलाक प्रतिष्ठित ज्वीव अन 'हकुरेलि' धैगु छगू गां दया च्वन । अन मिसा मचा छह्य गांयापि मिसा मस्ते नाप अन उगु थासे वना ह्याता जुया च्वन । उगु समयस गांया लिक्क तःधंगु धः छगू दु । अन मरुत स्वांमा छमाय् न्हाबलेसं च्वं निसं को थ्यंक स्वां ह्या च्वनी । मनूतयेसं बुद्ध पूजाया लागी स्वां थोवनीबले लः छिना वना सिमाय् गया स्वां थोवनी । मिसा मचां इपि खना मनूत सुखपूर्वक वना स्वां श्वय व्यु धका गंगु सिं गां छगो ह्या ता छ्वीत अन तथा बिल । अबलेसं निसं मनूत उकि वना स्वां श्वः ज्वी । अनलि व मिसा मचा अन सिना वना वहे पुण्य कर्म याना जम्बू द्वीपस पाटलिपुत्र नगरे सोमदत्त जुजुया म्हाय् जुया जन्म जूवना अत्यन्त उत्तमगु रूप दुह्य देव अप्सरा समानह्य जुया च्वन । वया मां वौपिसं वयात बोधिराज कुमारी धका व्यवहार याना तल । ह्यापा ता छुना वःगुया आनुभावं याना वया सुवीरक धैह्य छह्य आकाशे वनीह्य

(१६१)

सिधव सलया मचा छह्य दया बल, जुजुया म्हाय्या बौह्य
जुलसां बुद्ध धर्म संघया उपरे तःधंगु श्रद्धा भाव भक्ति
दुह्य जुया तःधंगु पुण्य साधन यायां सिन्धव सलयो मचा
खना पुण्य याय्या लागी पासा छह्य दत धका प्रसन्नगु
मन याना सल गया ह्नि स्वको वना महाबोधियात वन्दना
यावनो, जुजुया म्हाय्यनं व खना वीया लिकक वना यःब्बा
छ ह्नि ह्नि गन वनागु धका न्यन जुजुं लुं मधाः ।
अले वं हानं हानं ह्नि ह्नि कुत्तुकुला न्यसॅलि अबले जुजुं
वैत ध्व रहस्य प्रकाश याना विज्यासे थथे आज्ञा जुया
विज्यात -

१ अम्हाकं भगवा पुब्बे पूरेन्तो वसपारमो ।

अदासि सोसरत्तविखमंस जीवितमेव च ॥१॥

२. पुत्तदारे च रज्जे च पत्वा पारमित्थकं ।

अनप्पकप्पकोटीनं खेपेत्वा कपिलह्वये ॥२॥

की भगवान तथागत ह्यापा फिगू पारमिता धर्म
सम्पूर्ण यायां छर्घो हि मिखा ला व जीवित व काय्
कलापि व राज्य (धंगु थुपि आध्यात्मिक बाहिर प्रियगु
वस्तु) व्याक्कं दान विया विज्यात आगालं कोटानकोटि
कल्पं त्रितेयाना दश पारमिता धर्म सम्पूर्ण याना विज्याना
कपिलवस्तु धंगु नगरस ॥१-२॥

३. सक्कराज कुले जातो लोके अप्पट्टि पुग्गलो ।

सम्पत्त चक्क वत्तितां पहत्वान नराधिपो ॥३॥

ध्व संसारस अप्रतिपुद्गल जुया (अर्थात् वसपोल
समानह्य सं मदया) नरया दकले सकले श्रेष्ठजुया विज्याकहा
जुया शाक्यराज कुलस जन्मजुया विज्यात ह्लाते थ्यंक
थ्यक वःये धुकुगु चक्रवर्तित्वथात त्याग याना विज्यात । ३॥

४. दिस्वा निमित्ते चतुरो निक्खम्म अभिनिक्खम्म ।

बोधिमूलमुपागम्म निसिघ्नी बज्जासने ॥४॥

(ज्जरा, व्याधि, मरण, प्रवज्या संब्यात) प्यंगू
निमित्त खना महा अभिनिष्क्रमण याना प्याहं विज्याना
बोधिमण्डपस विज्याना बज्जासने फेतुना विज्यास्य ॥४॥

५. सहस्स बाहुं सापेत्वा नानावुधसमाकुलं ।

महा धीतिकरं त्रैसं कालपव्वतसादिसं ॥५॥

६. मापेत्वान ससाह्यं गिरिमेखल धारणं ।

मारसेनं समानेत्वा आबहं मकसद्वजं ॥६॥

अनेक प्रकारगु शस्त्र अस्त्र जीना च्वंहा दोछिका
ह्ला उत्पन्न याना (उक्कि याना) अत्यन्त ग्याना पुस्य
च्वना भयानक जुया च्वंहा कालगिरि पर्वत समानं (हाकुगु
वर्ण दुगु) शरीर धारण याना (अत्यन्त ता जाह्य) गिरिमेखल
धंहा किस्सि गया (आफालं) मार सेनापि हया, ताप्यं
वःह्य मकर ध्वंज मार सहित ॥५ - ६॥

७. पारमिताबलेनेतं मारसेनं पलापिय,

यत्थासीनो किलेसारिसहस्सं घातयोजिनो ॥७॥

इषि मार सेनापित (दश) पारमिता यागु बलं
याना विसिकः छ्वया विज्याना गुगु बोधि वृक्ष सिमाक्वे
विज्याना च्वंहा सर्वज्ञ तथागतं दोलंदो क्लेश रूपी शत्रु
तयेत नाश याना विज्यात ॥७॥

८. नयनं सुजलसेकेहि सत्ताहं जिनसेवितं ।

पूजितं देवब्रह्मेहि सिद्धोरगमराविहि ।

अन्वितुं जयबोधिं तं गच्छामि सततं अह ॥८॥

(थःगु) मित्रा रूपी रश्मि जलं सिंचे याय् गुलिं
छगू सप्ताह - न्हेनु तक्क भगवान बुद्धं नापं सेवन याना
विज्यागु देव ब्रह्मापिसं व सिद्ध (विद्याधर) नाग
मनुष्यतयेसं नं पूजा याना तःगु उगु जय श्री बोधि वृक्ष
यात वन्दना याय्त् जि सर्वं प्रकारं तत्परजुया वने त्यना ॥८॥

९ उपासति सदा गत्वा यो नरो बोधिपावपं ।

गन्धोव दोष धूपादिनाना पूजाह साधुकं ॥९॥

गुह्य (श्रद्धावन्तह्य) मनून न्हावलेसं वना सुगन्ध
जल मत धुं आदि अनेक प्रकारगु वस्तु जोना बोधिद्रुम
राज वसपोलयत बांलाक उपासना याना पूजा याई । ९॥

१० स नरो निरामयो होति पचत्ते च परत्थ च ।

पूजितो मानितो होति दीघायु बलवा सुधी ॥१०॥

व मनु थुगु लोके व परलोके नं निरोगो ज्वी
(लोकजनपिसं) पूजा सत्कार याई (मन नं) माने याई
आयु दीर्घ ज्वी, बलवान ज्वी, सुखीनं ज्वी ॥१०॥

११. तदर्थं पत्थयन्तेन अत्थकामेन अन्तुना ।

उपासनीयं सद्भाय निच्चं तं बोधिपात्रपत्ति ॥११॥

उगु अर्थ प्रार्थनायापि (थःत) हित कामना यापि सत्व प्राणिपिसं श्रद्धापूर्वकं न्हाबलेसं उगु महानगु बोधि वृक्षयात उपासना सेवा सत्कार यःय् बहू जू । ११॥

व खँ न्यना कुमारि प्रीति जागु शरीर जुया बोह्य सित वन्दना याना यःबा जिनं वने धका धाल । जुजुं जुलसां वैत बोना यंकेव उपद्रव ज्वी धका बोना यंकेगु इच्छा याना मबिज्या । अनंलि वं सोको तक्क बोह्यसित प्रार्थना यःना जुजुं अनुमति बीव अबलेसंनिसँ बोह्य नाप सिन्धव सल गया न्हाबलेसं बोधिवृक्षयात वन्दना याय्त वनोगु जुया चवन । अनंलि लिपायागु समयस जुजु मरण ज्वीगु खातास गोत्तुला चिन्तना याना बिज्यात । जिह्य म्हाय् न्हाबलेसं बोधिवृक्ष उपस्थान पूजाया लागी वना चवनी ध्वयात अनागत समयस छुं गुगु भय उत्पन्न जुल धासा उकि हे उत्पन्न ज्वीफु, अन आ जि छु याना थके माल धका । अनंलि सिन्धव सलयात सतके छ्वया वया ह्माय्पने लिक्क वना खँ ह्माना थथे धया बिज्यातः— पुता ! जिह्य म्हाय् ह्नि ह्नि छंगु सहायता कया बोधि वृक्ष वन्दना याय्त वनी, अन वैत छुं गुगु भय जुल धासा व अथे ज्वीगु योग्य मजू अन वने वये बले जिमि म्हाय् यात रक्षा याय्गु सो धका वैत सुरक्षाया लागी म्हाय्हा जिम्मा बिया स्वर्गे जुया बिज्यात । अनंलि राजकन्यां

बौयागु शरीर अग्नि संस्कार याके धुंका ह्लि सोको सल
 गया बोधिबृक्ष उपस्थानया लागी वना चवन । (मेगु देश
 यापि) मनूतयेसं जुलसां वैगु रूप सम्पत्ति खना आश्चर्यगु
 मन याना थ्व कोसेलि छगूला की जुजुयात हे निश्चयनं
 ल्वगु खना वना जुजुयात विन्ति याः वने माल, जुजुं कीत
 छुं (बक्सिस) बी फु धका चिन्तना यांना जुजु याथाय
 वना नमस्कार यांना थये विन्ति यातः—

१२ बोधिमण्ड समागम अभिण्ह तुट्टमानसा ।

वन्दन्ते याति कञ्ज्रे । विज्जूष विरिया

जलं ॥१२॥

छह्य कुमारि मिसा मचा ह्लित्थं बोधि मण्डपम
 (सल गधा) वया प्रसन्नगु मन यांना वन्दना यांना विजुलि
 चमके जूथें शोभां ज्वाला ज्वालां थिना वनी ॥१२॥

१३ नील घम्मिल्ल भारा सा विसालाधत लोचना ।

सोष्णदोला भसवप्या सामा सुभपयोधरा ॥१३॥

स्याम धर्णहा च मिसो मचा वैचुगु सपः दुहा
 ततःगोगु मिखा दुहा तुकि यांना यस्ता यास्त खागु ह्लियपं
 दुहा (हेतय मस्त निहायें चबंगु छती अति बांलागु) दुरु
 मिपो दुहा ॥१३॥

१४ सतरंसीहि सम्मिस्ससञ्जाम्बुदसमा धरा ।

बुद्धसमा नीलसमुहास भासा मनोरमा ॥१४॥

सूर्य रश्मि नाप त्वाकज्यागु संकाकातीयागु सुपाय्
समानं ह्याउंसे च्वंगु म्हुतुसि छजो दुह्य, च्वामुसे च्वंगु
ह्याय् दुह्य, वँच्चुसे च्वंगु मिखाफुसि बाला छजो दुह्य,
मुमुमुसुं न्ह्यू ख्वादुह्य, मिखां खँकोस्या मन आकर्षण याईह्य
खः ॥१४॥

१५. ईदिसं नो महाराज'विट्ट पुब्बं कुदाचनं ।

एहि तस्सा सिरिं देव बोधिमण्डमिह

दक्खसीति ॥१५॥

महाराज ! थथिज्याह्य [मिसा] जिमिसं गबलेसं
हे स्वे मननि भो महाराज ! बिज्याहुँ व मिसायागु [रूप]
शोभा बोधिमण्डपस खना बिज्याई [धका विन्तिय'त] ॥१५॥

व खँ न्यना जुजु न्यनागु संसर्गं मात्रं हे व मिसाया
उपरे मन प्यप्पुंका चतुरङ्गिनी सेना जोना वना राजकन्या
बोधि वन्दना याय्या लागी वै बले [जोनेत] पःखालं पिने
सेनात'स छ्वाखेरं घेरा बीका वैत जोना हति धका मनु
तय्त लगे याना बिल, अनलि सेनात नं वैत जोना काय्
धका तयार जुया च्वं च्वन । राजकन्यां इपि खना याकनं
सिन्धव सल दुथाय् वना वया जंधुली च्वना ग्वालि इशारा
बिल वं व जोना वेगं आकासे तिन्हूल । व [राजकन्या]
जुलसां बांलाक फेत्वी मलानि गुलि याना सलयागु वेग
थामे याय् मफया सलया जंधुलि चुलुया कुतुं वल । सिन्धव
सल राजकन्या कुतुं वंगु खना जुजुं [ह्यायपने] घया थकूगु
खँ लुमंका अत्यन्त वेगं वया व राजकन्यायागु सपले बां

न्याना च्चे वां छ्वया कुतुं दया च्वंहा वयात थःगु जंधुली
फया कया हानं फेतुका वैत आकासं यंका पाटलीपुत्र नगरे
हे थ्यंकः यंका बिल ।

१६. तिरच्छानगतापेवं सरन्ता उपकारकं ।

न जहंतीति मन्त्वान कतञ्जू होन्तु पाणिनो ति ॥१६॥

थुगुप्रकारं पशुहे जूसां तभि [थःत] उपकार याहा
सित लुमंका [वैत] तोःती मखु धका सीका [सकल]
सत्व प्राणिपिसं कृतज्ञ ज्वी फयेकेमा ॥१६॥

अवलेसंसिसें व [राजकन्या] पुण्य कर्म याना स्वर्ग
सम्पत्ति साक्षातकार याना काहा जुया वन ।

१७ यो यं बुभिसदं यत्तिनस्दनेन,

सम्पूजितं पूजयते सपरुजो

सभोगवा होति अतीतको च,

सब्रथ सो होति पसत्थरूपो ति ॥१७॥

गृह्य प्रज्ञावानह्य मनुनं तथागत बुद्धं वांलाक पूजा
सत्कार याना विज्यागु बोधिवृक्ष राज यात गुकिया निम्ति
(स्वां धुं धुपाय् आदि) पूजासत्कार याई (उकिया निम्ति) व
मनू (जन्म जूजू थाय्) भवभोग सम्पत्ति दुहा ज्वी (रोगादी)
अन्तराय - बाधा महुहा नं ज्वी व मनू जुलसां सकल थास
(सकलसिनं) प्रशंसा थाय् योग्यह्य मनू नं जूदनी ॥१७॥

बोधिराज धीताया बाखं

नवम-गुपु

कुण्डलियागु वाखनस

थ्व छसिनिसँया आनुपूर्वी कथा

लंका द्वीपस रोहण धैगु जनपदे महाग्राम धैगु गां
छगू दया च्वन । अन तिससविहार धैगु अनेक सलसः
भिक्षुपि दुगु अनेक परिवेणं शोभायमान जुया च्वंगु विहार
छगू दया च्वन । अन तिसस धैहा श्रामणेर छहा बास
याना च्वन । व छगू समयस जनपद चारिकास चाहू
व वं पासाणवापि धैगु गामे भिक्षा वना थःत माको
भोजन (=जा) ध्यो नाप प्राप्त जुया अनं प्याहाँ वया
गांया धवाकाय् थ्यका महाग्राम गां पाखे स्वया वना च्व
च्वं मनूतयेके लः गन सुविधा दु ? धका न्यन । इमिसं
भन्ते छःपिनि न्ह्योने सत्तिगु थासे हे ककुखन्दकन्दर धैगु
न्ह्याना च्वंगु खाउंगु लः दुगु तुगु फि लाया तथाय् अन
छःपि बिज्याना स्नान याना सिच्चुस्य च्वंगु किचले फिया
द्योने फेतुना भोजन याय्गुज्या याना बिज्याहुँ धका धाय्व
श्रामणेर ज्यू धका लिसः बिया अन वना थःत आराम
ज्वीगु थासे फेतुना भोजन याय्गु थाले यात, उगु समयस
छहा जंगले ज्या दुहा मनू छहा नाप जंगले वँहा मिसाहा
खिचा छहा अनहे पहाडया बिच्चे छगू गुफाय् मचा ब्वीका

नये पित्याका थुरु-थुरु खागू शरीरं मस्तेनाप दाना च्वह्य
स्यां श्रामणेरया पात्रे च्वंगु भोजन यागु गन्ध नँताया
दाना च्व थासं दँना थुरु - थुरु खाखां वया लिवक वया
ह्लिप्यं संका च्व च्वं वल । श्रामणेरं व खना हृदय कम्पन
याना थः नयेत धका कागु ह्लाप्पां यागु जाप्ये वया ह्योने
तया विल । अनंलि व खिचां मन प्रसन्न याना नल ।
व अथ नःगु खना प्रसन्न जुया हानं हानं जा प्येत तया
व्यु व्युं पात्र सिला फोलि चाय् तया वन । अनंलि व
मिसाह्य खिचा श्रामणेरया उपरे मन प्रसन्न यागुलि याना
अनं सिना वना जम्बू द्वोपस देवपुत्त नगरस जुजुया बडा
महारानीया गर्भे जन्म कावना फिला दसेंलि माँया गर्भ
जन्म जुल । अनंलि वयात बुसँ खाकेगु मंगलगु दिन थ्यंकः
वयेव माँबीपिस वयात (छयने) चा चा तूगु सँ दुह्य जूया
निर्मित कुण्डली धका नां छुना विल । व मिसा मचा
जुलसां कयहनं फिखुदँ दुह्य जुया वल । उगु समयस जुलसां
तिस्स श्रामणर महाबोधि वन्दना याय् धका जहाजे च्वना
जम्बूद्वोपे वना कथहनं देवपुत्त नगरे थ्यंका बांलाक चोवर
पारूपण याना प्यकु पात्रक जक स्वया भिक्षाया लागी
चाह्यू जुजुं तःधंगु सडकस थ्यंकः वन । राजकन्या सिंह
पञ्जर ऊया चायेका सडके कोसोया च्वंबले भिक्षा वया
च्वंह्य श्रामणेर खना ह्लापायागु स्नेह उत्पन्न जुया वल,
उगु क्षणेहे वया जाति श्रमरण ज्ञान दया वल । वं जुलसां
ह्लापायागु जन्मे भिक्षुनी जुया पौत्या सहित पुस्तक व मत

च्याकेगु चिकं नं दान बिया जि जाति श्रमरण ज्ञान दुहा
ज्वी दयेमं घका प्रार्थना आसिका यंत्ना क्हा जुया च्वन ।
छकि वं ह्लापायागु जन्मयागु खँ लुमंका श्रामणेरं थःत
याना वःगु उपकार खना मन प्रसन्न याना वैत (श्रामणेर
यात्) सतके छ्वया राजदरवारे आसन लाया अन फेतुमा
क्वहासित अनेक प्रकारयागु भोजन भपिका पात्रं ह्ला लिकया
बिज्याय्व श्रामणेर याथाय् वना वन्दना याना छखेलिकक
फेतुना वसपोल नाप खँ ह्लाह्लां थथे धालः-

१. न सञ्जानामि मं घोर ! पुग्गे'हं तव दासिका ।

तेनाहं सुखिता असि तस्मा स्वमसि इस्सरो'सि ॥१॥

प्रज्ञावान जुया बिज्याकहा छःपिसं जित हामस्यूला ?
जि ह्लापा छलपोलया दासि खः उकिया निर्मित्ति जि सुखी
जुया उकिं छलपोल (जि) मालिक - स्वामि खः ॥१॥

व खँ न्यना श्रामणेरं धालः-

२. नत्थि मे तादिसी दासी न सञ्जानामि तं अहं ।

कासि त्वं कस्स वा घीता तं मे अक्खाहि

पुच्छिता'ति ॥२॥

जितः अयेंज्याहा दासि सुंमदु जि छंत म्हमस्यू छ
सु खः ? सुया म्हाय् खः ? जि न्यना च्वना व खँ
जितः कना व्यु ॥२॥

अनंलि व (मिसामचां) वैत लुमंका बीत धाल-

(२०१)

३. सारापेमि तुवं अज्ज यथा जानासि सं इसे ।

बुज्जस्सु बोधितो दानि मया जातिं सरन्तिया ॥३॥

तपस्वो जुया विज्याकम्ह छलपोलं गुगु आकारं
जिना थौं म्हसीका बीत जाति स्मरण ज्ञां दुम्ह (ह्लापा
यागु खँ स्यूम्ह) जि आ म्हसीका बीया लागी (छलपोल)
जित म्हसीका विज्याय् फयेमा ॥३॥

४. पासाणवापिगामम्हि तम्बपण्णिम्ह रोहणे ।

भिविखत्वान तुवं भन्ते ! यदा ककुखन्दकन्दरे ॥४॥

भो भन्ते ! छलपोल गुगु समयस ताम्रपर्णि द्वीपस
(लंका द्वीपे) रोहण जनपदस पासाणवापि धँगु गामे भिक्षा
कया हया ककुखन्द धँगु पर्वतया विच्चे ॥४॥

५. निसोदित्वान त्वं भत्तं भुत्तकालं सरिस्ससि ।

तदाहं सुनखी आसिं विजाता लद्ध गोचरा ॥५॥

फेतुना विज्याना छलपोल भोजन याना विज्याः
वले लुमना विज्याला ? उगु समयस जि मचा बूह्य
आहार प्राप्त मजूम्ह मिसाम्ह खिचा जुया च्वना ॥५॥

६. दारके छादितुं मय्ह मासन्ना खुदपोलिता ।

पवेधमानसब्बङ्गा अट्टासिं तव सत्तिके ॥६॥

जिम्ह मचा नयेत सत्तिना च्वम्ह नये पित्याना
पीडित जुया च्वनाम्ह सकल शरीर थरथर खाना च्वम्ह
(जि) छपिथाय् सत्तिक वया दना च्वं वया ॥६॥

७. विस्वातं मंतवा भन्ते ! वेधमानं बुभुविखतं ।

द्विन्नभक्तो तुवं हुत्वा सम भक्तेन तोसथी ॥७॥

भो भन्ते ! उगु समयस छपिसं नये पित्याना
थुरू थुरू खाना च्वंम्ह व जितः खना (थः) द्यां लाना
जित जां संतोष याना विज्यात ॥७॥

८ तदाहं मुदुचित्तेन चित्तं तथि पसादथि ।

तेनाहं पुञ्ज कम्मेन दुतिये अत्तसम्भवे ।

इध राजकुले जाता सब्ब काम समिद्धिनी ॥८॥

उगु समयस जि नरमगु चित्तं छपिनि उपरे मन
प्रसन्न जुया उगु पुण्य कर्मया प्रतापं जि मेगु आत्मभवस थन
राजकुले वया सकल सम्पत्ति समृद्ध जुया जन्म जूवया ॥८॥

९. चित्तप्पसाद मत्तेन लोकनाथस्स सासने ।

तदह्ण पब्बजितस्सापि ईदिसा होन्ति सम्पदा ।

कीदिसं होति सम्बुद्धे पसादेन फलं अहा ! ॥९॥

लोक पिनि स्वामि जुया विज्याकम्ह तथागत
यागु) शासने उखुनु हे जक प्रव्रजित जूम्ह जूसां (वैगु
गुणस) चित्त प्रसन्न याय् मात्रं (प्राप्त ज्वोगु) सम्पत्ति
थथिज्यागु ज्वोफु, सम्यक् सम्बुद्ध तथागतया उपरे चित्त
प्रसन्न यानागुलि याना (प्राप्त ज्वोगु) फल - विपाक
गथिज्यागु ज्वी ? अहो आश्चर्यजनकगु खँ खः । ६॥

१०. अञ्जानि पन किच्चानि पहायत्तहिते रतो ।

अतन्दितो दिवारत्ति सरातु रतनत्तयन्ति ॥१०॥

यःत हित यायगुलो लगे जुया च्वंम्ह (बुद्धिमानिम्ह
 मनून) मेमेगु ज्या व्याक्क तोःता अलसि मचास्य त्तिच्छि
 त्तिच्छि चच्छि चच्छि त्रिरत्नयागु (गुण) स्मरण यायगु -
 लुमंकेगु सो ११०।

थुगु प्रकारं श्रामणेरं यागु उपकार लुमंके बिया
 भन्ते छपिनि दासियात अनुग्रह याय्या लागी थनहे च्वना
 बिज्याहुँ धका निमन्त्रणा याना वसपोलं स्वीकार याय्व
 तःधंगु विहार दयेके बिया श्रामणर नाप याना अनेक
 सलसः भिक्षुपि निमन्त्रणा याना विहारे वास याके बिया
 प्यंगु प्रत्यय सुलभ याना उपस्थान सेवा (याना च्वन) ।
 श्रामणेर नं मिसाम्ह खिचायात बिया वःगु दान लुमंका
 संतुष्ट जुया बुद्धानुस्मृति मने ल्वीका याकनं हे अरहन्त
 जुया बिज्याना वहे विहारे वास यायां आयु फुना वसेलि
 अनतुं परिनिर्वाण जुया बिज्यात ।

११ तियद्धे सु तिलोर्कास्म नतिय वस्थुत्तयं विना ।

सत्तानमञ्जमिच्छत्यदायकं सुरपादपत्ति ॥११॥

(अतीत वर्तमान अनागत संख्यात) स्वंगू कालस
 (काम रूप अरूप धका धया तःगु) स्वंगू लोकस त्रिरत्न
 तोःता सत्त्व प्राणिपित ययःगु वस्तु बीयोगु मेगु कल्प वृक्ष
 धंगु देहे मखु १११॥

कुण्डलियागु बाख

दशम-फिपु

जम्बूद्वीप कथा रसवाहिनी सिधल

(२०४)



Dhamma.Digital

अनुवादकया मेगु सफूतः-

प्रकाशित ज्वी धुंकुगुः-

१. धर्म चक्र सूत्र (शद्वार्थ भावार्थ सहित)
२. बुद्ध भक्ति शतक (संस्कृत श्लोक, नेपाल भाषा, व हिन्दी, श. भा. सहित)
३. लोकनीति (नेपाल भाषा, नेपाली, हिन्दी स्वंगुलीसं शद्वार्थ भावार्थ सहित)
४. महोसध महा जातक (बर्मी भाषं नेपाल भाषा अनुवाद)
५. अम्बट्ट सूत्र (हिन्दी भाषं नेपाल भाषा अनुवाद)
६. महाचीन यात्रा (नेपाल भाषं हिन्दी अनुवाद)
७. महाचीन यात्रा (नेपाली अनुवादिका सुश्री नानी मैत्रा)
८. रसवाहिनी (प्रथम-भाग, २०पु वाखं पालि नेपाल भाषा अनुवाद)
९. रसवाहिनी (द्वितीय-भाग, २०पु वाखं पालि नेपाल भाषा अनुवाद)
१०. विपस्सनादी पनी (बर्मी भाषं नेपाल भाषा अनुवाद)

प्रकाशकया प्रतिकषायः-

१. आमगन्ध सूत्र (पालि भाषं नेपाल भाषा अनुवाद)
२. धम्मपद अट्टकथा भाग-२ (प्रेसय्)